

Ex Bibliotheca
majori Coll. Rom.
Societ. Jesu


11. 4. 11.

27

c

30

13-10 C. 18





TRACTATVS
DE SEQVE-
STRIS.



Quem,

EX FONTIBVS VTRIVSQVE
*Juris, receptis Doctorum traditionibus, Camera-
que Imperialis ordinatione, & stylo,*

Congessit, & ad communem vtilitatem, in
lucem edidit,

IOANNES BAYMAN, V.I.D.

*Cum duplici Elencho: uno capitum; altero ve-
rum & verborum notabilium.*



M. C.



Am privileg. Sac. Caf. Maieft. ad Sexennium.


FRANCOFVRTI,

Apud heredes Andreæ Wecheli, Claudium
Marnium, & Ioannem Aubium.

ANNO MDXCVII.



REVERENDISSIMO,
ILLVSTRISSIMOQVE PRIN-
CIPi, ET DOMINO, DOMINO
Andræ, S. R. E. Cardinali ab Austria,
Episcopo Constantiensi, & Brixienti,
vtriusque Abbatia Murbacensis, & Lu-
derensis Administratori, Marchioni in
Burgavv, anterioris Austriae ditionum
gubernatori, &c. Principi suo
clementissimo.



ONSVEVERVNT ii,
Reuerendissime &
Illustrissime Cardi-
nalis, Princeps cle-
mentissime, qui tra-
ctationem alicuius materiae, in quouis
genere doctrinae, haetenus susceperunt,
priusquam in re suscepta discutienda, &
deducenda, pedem ponerent, loco praef-
ationis, & commendationem eius rei
praemittere, & de deligendo celebri, &

EPISTOLA

laudato aliquo patrono cogitare, sub cuius præsidio, ea tuto in manibus hominum versaretur, & placidè conquiesceret, simulque ab eorum censura, vel potius calumnia, qui in alienis laboribus iudicandis aliquid gratiæ largiri recusant, quasi vindicaretur. Ac prius quidem illud, ut commendatio rei propositæ (siue id ex utilitate, frequentia, vel subtilitate, ad ostendendam vim, & acumen ingenii, siue ex alio capite, fieri posset) præmitteretur, etsi mihi nunquam displicuit, ut qui valde inconueniens esse censeam, maximè iis qui in iure versantur, absque omni præfatione (quæ ut author est, I. C. Caius in l. 1. D. de origine iuris, & libentius nos ad lectionem propositæ materiæ perducunt, & cum eò venerimus, euidentior præstant intellectum) illotus quasi manibus, protinus ad interpretationem
 mate-

DEDICATORIA.

materia procedere, Attamen, in eo offendisse plerique mihi visi sunt, ut quam quisque rem suscepisset pertrahendam, in ea laudanda, supra modum, & plus quàm par erat, insisteret & immoraretur, atque ita rem, alias laude sua dignam, nimio opere extollendo, de ficto encomio, suspectam redderet. Qua de causa parcus ego, qui materiam sequestrorum, hisce contractioribus chartis complexus sum, in commendanda ea incedendum existimaui, satis esse ratus, si id admoneam, ex unica eius in foro iudiciario frequentia, utilitatem eiusdem faciliè metiri unumquemque posse. Quæ enim, & in grauiissimis, & in modicis causis, hodie in Romano potissimum Imperio, magis quotidiana, aut frequentior, quàm de sequestratione decernenda, quaestio? id sanè ubique iudicia clamitant (cæteros, decernenda

E P I S T O L A

sequestrationis casus, infra capite 3. annotatos, hic prætereo) periculo armorum imminente, ut res litigiosa sequestratur; ac est is, apud iudicum subsellia, importunorum creditorum penè quotidianus conflictus, ut nonnunquam iudices, eiusmodi importunitatibus victi & pertasi, præproperè ante exactam causæ cognitionem, in decernendas sequestrationes consentiant, non attendentes, à iudicibus superioribus, ex præscripto Legum, reuocari eas, tanquam nulliter decretas, iterum posse. Adeoque ob eius frequentiam, à quondam Augustissimæ recordationis Imperatore, Carolo V. Austriaco, in Comitibus Augustanis, de Anno, 1548. ex communi Principum, & Statuum Imperii voto atque consensu, specialis constitutio & pragmatica sanctio, de litigiosa possessione, inter Principes & Status Imperio

DEDICATORIA

perio immediatè subiectos sequestranda, concepta in Imperium publicata, & ordinationi Camera Imperialis, parte 2. titulo 21. §. finali, inserta sit. Mirari ut satis nequeam, plerosque ex nostris, in tractandis iis, quæ ab usu humano remotissima sunt, omnes nervos intendisse. Hanc autem juris partem, materiam sequestrorum, minimo vix digito attigisse. Præterquam quod duo excellentes jurisconsulti Germani, Andreas Geil, & Mynsingerus, eam obiter hinc inde, in scriptis suis attigerint, quorum traditiones ego, in plerisque stylum Camera Imperialis concernentibus, retuli, & secutus sum. Nam quæ ante eos, Curtius senior, Angelus Perusinus, Iacobus de Arena, in hoc argumento tradiderunt, aliud penè in se continent nihil, pace ipsorum dixerim, præter inanem & vacuam, variarum opinionum conge-

EPISTOLA

riem, solido Fundamento juris, vix minima ex parte suffultam. Ac de materia quidem ipsa, præfationis loco, hæc scripsisse sufficiat. Porro cogitanti mihi, cuius sub tutela & patrocínio, exiguus hic libellus in lucem emitteretur, etsi non ignorabam, indignum eum esse, qui tanto Principi inscriberetur, utpote non modo ex serenissima, & potentissima domo Austriaca oriundo, sed etiam in tam excelso Ecclesiæ Catholicæ gradu, & fastigio collocato; Tamen, quia nonnunquam maiorum quoque Principum, ac in primis Austriacorum, ea humanitas est, ut minima quæque subiectione debita ipsis oblata, non respuant, ea prudentia, ut non quid detur, sed qua mente, quouè animo offeratur, agnoscant: Eapropter & tanto securius Reueuerendissimæ, Illustrissimæque Celsitudini vestræ, hæc ruta casa, ut
verbis

DEDICATORIA.

verbis jurisconsulti utar, dedicare constitui; Non eo quidem fine, quod huic libello, cuius quæ tenuitas sit, ipse satis noui, inter celebria monumenta locum esse cupiam, sed ut Reuerendissimæ Illustrissimæque Celsitudini vestræ, exigua mea seruitia, antehac oblata, & benignissimo fauore, atq; clementia, quantum mihi ex gratioso rescripto constat, excepta, quæ sita hac occasione testatio-
ra redderem, ac in partibus mihi credendis, suo tempore & loco cum effectu exhiberem. Quod si consequi aliquando licebit, huius nauatæ operæ, satis amplum & cumulatum fructum me reportasse existimabo. DEVM Optimum Maximum interea precabor, ut Reuerendissimam Illustrissimamque Celsitudinem vestram, Reipublicæ Christianæ per diu incolumem tueatur & conseruet; donec aliquando eam, maximo sedentem

EPIST. DEDICAT.

*in folio , iampridem tot turbinibus ac
tempestatibus fluctuantem Christi Na-
uem , saluam in Portu collocare videa-
mus. Scripsi Ensisheimii, 5. Februa-
rii, Anno 1597.*

Reuerendissime, Illustrissimæq;
Celsitud. vestræ,

Subiectissimus,

IOANNES Bauman, D.

AVTHOR, STUDIOSO

Iuris Lectori, Salutem

precatur.

SIquid in hoc, DE SEQUE-
STRIS, libello, repereris,
studiose juris Lector, quod
palato tuo minùs arrideat, aut tuæ
expectationi non satisfaciat, cogi-
tes nihil mihi præter opinionem
accidisse, vt qui tantillo tēporis spa-
cio, decem scilicet dierum, quo is
collectus est, difficulter potuerim
maius quid præstare, nec verò al-
tiores ei sedem, quàm qua dignus
est, arrogare cupiam. Ita tamen, nisi
me coniectura fallit, hæc, quæ gra-
ta breuitate tractare institui, com-
plexus esse mihi videor, vt etiam il-
los, qui se arcem jurisprudentiæ te-
nere somniant, hæcque ex alto de-

AD LECTOREM.

spiciunt, & apud quos impensa
opera forsan inuidiam habitura est,
iuuare aliqua ex parte possit. Tuum
erit, Lector, quæ beneuolentia &
humanitate, hæc à me offeruntur,
agnoscere, & præstantius quid-
piam, si DEVS vitam concesserit,
progressu temporis expectare. Va-
le, & iis, pro tua commoditate,
utere.

INDEX

INDEX CAPITVM. IN HOC TRACTATV DE SEQUESTRIS contentorum.

- 1 *Sequester, & sequestrum, siue sequestratio
quid sit, & quomodo à deposito, & re-
credentia differat. pag. 1*

- 2 *Sequestrationis distributio, & an ea regula-
lariter prohibita sit. 8*

- 3 *Commemorantur casus excepti, à regula
sequestrationis prohibitiua. 12*

- 4 *Sequester, quando pro possessore habeatur,
& an sequestratione facta, amittatur
rei sequestrata possessio. 24*

- 5 *Quae requirantur, vt iudex licitè ad se-
questrationem procedere possit. 29*

- 6 *Quae requirantur, vt debitor, tanquam
suspectus de fuga, capi possit. 31*

- 7 *Quibus ex causis, debitor suspectus dici de-
beat, aut possit. 39*

- 8 *Vtrum iudici sequestranti credi debeat,
suspicionem & timorem scandali ad-
fuisse, asserenti. 47*

- 9 *Possessionem apud tertium sequestratam, si
turbari contingat, cui detur interdi-
ctum vt i possidetis. 53*

- 10 *Quid in Imperio, circa materiam sequestrorum, prouisum.* 62
- 11 *Constitutione Imperii, de litigiosa possessione sequestranda, an amittatur possessio; & an ea, tantum in interdito retinenda, locum habeat.* 66
- 12 *An lite pendente, possessio sequestrari possit.* 71
- 13 *De Probationibus in possessorio retinenda, quò sequestra pertinent.* 77
- 14 *Sequestrum, omissa partis citatione decretum, esse ipso jure nullum. Et quis in sequestro procedendi modus.* 86
- 15 *Sequestrum, an possit die in honorem Dei feriata decerni, & an tali die, iterum reuocari.* 91
- 16 *Sequestrum, an ratione incompetentie, nullum sit censendum.* 99
- 17 *Quanto tempore sequestrum durare debeat; quibusuè modis illud finiatur. Et qua actione sequester conueniatur.* 105

TRACTA-





1

TRACTATUS DE SEQUESTRIS, CAPVT PRIMVM.

SEQUESTER, ET SEQUESTRVM,
siue Sequestratio quid sit, & quomo-
do a Deposito, & Recreden-
tia differat.



S V M M A R I A.

- 1 *Leges non Verbis, sed Rebus ipsis impositae.*
- 2 *Sine Verborum Intellectu, Rerum difficilis cognitio.*
- 3 *Hominum Causa, omne jus constitutum.*
- 4 *Quid sit sequester.*
- 5 *Sequestris Definitio expenditur.*
- 6 *Omnis Definitio in Iure periculosa.*
- 7 *Plura sunt Negotia, quam Vocabula.*
- 8 *Sequestris Etymologia discussa.*
- 9 *Sequestrationis Definitio, § num. 10.*
- 11 *Turpe est in Jure versantibus, jus ignorare.*
- 12 *Sequestrum a Deposito, quomodo differat, § num. 15. 16.*
- 13 *Sequester medius inter Litigatores.*
- 14 *Depositum, § ab Vno, § a Pluribus simul fieri potest.*
- 17 *Depositario electo, an detur Possessorium Recuperanda.*

- 18 *Sequester, in voluntaria sequestratione, an rem sequestratam possidere dicatur.*
 19 *Magistratus errant, qui rem litigiosam, penes alteram partium sequestrant.*
 20 *Sequester, quomodo a recedentia differat.*
 21 *Budei error, de iudicio vindictario.*
 22 *Sequester, idoneus esse debet, pro quantitate rei sequestrata.*



HTSI in Iure nostro, Rerum potior & sit, & esse debeat quàm verborum inuestigatio: Non enim¹ verbis, inquit Imperator Iustinianus, sed rebus ipsis, Leges imponimus, l. 2. in fine C. Communia de legatis, & l. vt nullo modo 28. quæ aliis est lex vltima, mihi antepenultima, C. de vsuris. Tamen & verborum interpretatio, ad rei eius, quæ tractanda proponitur, verum intellectum consequendum, non tam vtilis quàm necessaria est, vtpote sine² qua in rei cognitionem difficulter admodum sis peruenturus, textus in l. i. vbi Iason, Decius, & communiter Doctores, D. de rebus creditis. Cumque attestante Iurisconsulto in l. 2. in principio D. de statu hominum, magis conueniat, personarum atque hominum, causa³ quorum jus omne constitutum est, definitionem omnibus aliis anteponere: ideoque ego, materiam sequestrorum, ex juris vtriusque fontibus, receptis doctorum traditionib. Cameraeque Imperialis ordinatione & stylo perpendere,
 ac cer-

accertis quibusdam capitibus, pro temporis, & paginarum spacio, comprehendere cogitans, facturus operæ pretium arbitratus sum, si omnium primò quid sit sequester, quidque sequestrum siue sequestratio, porrò quemadmodum à deposito & recredentiâ differat, præmittam, illisque cognitis, in ampliorem materiæ huius inueltigationem subinde descendam. Sequester ⁴ itaque definitore Modestino dicitur is, apud quem plures eandem rem, de qua controversia est, deposuerunt, dictus ab eo, quod occurrenti aut quasi sequenti eos, qui contendunt, committitur, l. sequester 110. D. de verborum significatione. Hanc sequestris definitionem ⁵ si ad leges Rameas, maximè primam κατὰ πάντας, & tertiam καὶ ὅλας ἀρχὰς, exigere velis, etsi non desit, quod in ea desideres, in voluntario enim sequestro tantum loquitur, vt rectè aduertit Angelus Perusinus, Baldi frater, de sequestris, num. 1. Attamen, cum Iabolenus omnem ⁶ in Jure Civili definitionem periculosam, rarumque esse asserat, vt non subverti possit, l. omnis 202. D. de regulis juris (ob penuriam fortè verborum, cum plura ⁷ sint negotia quam vocabula, l. natura 4. D. de præscriptis verbis, & l. si quis 4. in fine D. de legatis 1.) Ea propter, & præsens sequestris definitio, quæ aliàs definitum satis exprimit, citra iustam reprehensionem admitti potest, ac per me quidem admissa esto. Sanè ⁸ Etymologia à Modestino tradita, qua sequestrem

dixit, quasi occurrentem Controuersię, sequentemque eos qui contendunt, subdura est, ob id maximè, quod occurrere & sequi, pro similibus accepit, cum diuersissima sint; Occurrit enim, qui aduersum tendit, sequitur qui post venit: Quare mihi magis probatur eorum opinio, qui malunt, sequestrem dici ab eo, quod utraq; Pars eius Fidem sequitur, id quod etiam Alciato, in d.l. sequester, num. 1. non displicuisse video. Sequestrem² verò, siue sequestrationem definiuit Hostiensis in sequentem modum; Quod sit Rei, de qua controuertitur Depositiō, in sua Summa, Extra de sequestratione Possessionis & Fructuū, num. 1. Verbi gratia, inquit Hostiensis, duo contendunt de Realiqua, ponentes eam in Manu alicuius Amici (sic loquuntur) ut restituat ei qui obtinuerit, interim verò custodiat. Atque¹⁰ hæc quidem sequestrationis, ut antedicta sequestris Definitio, de Voluntaria tantum sequestratione, quæ regulariter permessa est, loquitur, qua de & Jurisconsulti in Pandectis potissimum locuti videntur, d.l. sequester, De Verborum significatione, textus in l. propriè 6. l. licet 17. D. Depositum. Non etiam de Necessaria, quæ utroque jure, ut ex infra dicendis patebit, prohibita est: Ita quod nec ea, ad Leges Logicas tam strictè exigenda sit, sed Materiam ipsam assequi jura profitentibus sufficere debeat, & saltē¹¹ jus sequestrandi, in quo versentur, non ignorare, argumento l. 2. §. Seruius autem Sulpitius D. de Origine Juris. Porro,¹² Sequestrum à Deposito trifariam potissimum distin-

distinguitur. 1. Quod apud sequestrem non nisi plures Rem litigiosam deponunt, siue sequestrant, d.l. 6. ibi: quod à pluribus &c. & d.l. 17. ibi: Apud sequestrem non nisi plures deponere possunt, D. Depositi. Quis enim solus, secum ipse litiget, Litisq; Causa, Rem deponat? Ac est¹³ sequester medius quidam inter Litigantes, siue Contendentes, supradicta l. sequester, ibi: quasi sequenti eos qui contendunt, D. de Verborum significatione: Deponere verò potest etiã Vnus, d.l. licet ibi: deponere¹⁴ tam Vnus quam Plures possunt, adeoque id de quo nulla sit controuersia, Curtius Senior in l. Vnica, num. 21. & 29. C. de prohibita sequestratione Pecuniæ. 2. Apud¹⁵ sequestrem vnusquisq; in solidum videtur deponere, cum Rem totam suã putet: secus, quando id quod commune est, plures deponunt, qui pro parte tantum se norunt esse Dominos d.l. licet ibi: Itaq; hoc casu in solidum vnusquisque videtur deposuisse, quod aliter est, cum Rem communem deponunt, textus in l. 1. §. sed si duo deposuerint 44. ibi: Sin verò pro parte, D. eodem Titulo. 3.¹⁶ Rei Depositæ Possessio, non transit ad Depositarium (multoque minus Proprietas. l. officium 9. D. de Rei Vendicatione.) quia non possidendi, sed custodiendi Causa rem tenet, d.l. licet §. 1. ibi: sed & possessio, & d.l. Officium. ibi: Quia hi omnes non possident; Indeque¹⁷ Depositario eiecto, Recuperandæ possessionis Remedium non dari rectè scripsit Franciscus Ripa in l. Rem quæ nobis 15. num. 21. D. de acquiren-

da possessione, & in c. sapè 18. num. 24. Extra de restitutione spoliatorum, cumque secutus ita docuit Menochius, in Commentariis de Recuperanda possessione, remedio 15. num. 53. sequester ¹⁸ verò in voluntaria sequestratione possidet, si ea depositione id expressè actum sit, ut neutrius litigatoris possessioni id tempus procedat, sapè dicta l. licet, in fine D. depositi. facit textus in l. interesse puto 39. D. de acquirenda possessione, Mattheus Vuesenbecius in Paratit. D. depositi, nu. 6. Currius senior in d. l. vnica C. de prohibita sequestratione, num. 29. versic. tertio differunt. Cum itaque sequester, non nisi plurium partium se medium gerat, ut in prima differentia scripsi, inde constat eos ¹⁹ Magistratus pessimè labi, & errare, qui sub pretextu, ut iurgii & seditionibus obuiam eant, penes alteram partium, quidpiam sequestrant; debet enim sequester medius esse, non ex ipsis collitigatoribus eligi, Baldus in c. 1. extra de sequestratione possessionis & fructuum, Alciatus in d. l. sequester, num. 2. de Verborum signific. Tandem ²⁰ à recedentia, eo modo sequestrum differt, quòd recedentia dicatur, cum possessio custodiæ causa vni partium conceditur, Petrus Rebuffus in Commentariis ad regias constitutiones Gallix, titulo de Materiis possessorii, artic. 1. glos. 1. num. 10. Sequestrum verò sit, cum neutri partium, sed apud tertium res custodienda præcipitur, & iudicium hoc non efficit possessorem plenè possidere (voluntario sequestro excepto, si scil. partes in

id ex-

id expresse consentiant, vt ante scripsi) quemadmodum interdictum vti possidetis, Menochius in Commentariis de Retinenda possessione, remedio 3. num. 10. & 11. Et Recredentia quidem aliis Interim, aliis noua prouisio, atque prouisionale remedium, Budæo ²¹ etiam iudicium vindictarium appellata est; in quo tamen fallitur Budæus, cum iudicium vindictarium (antiquis ita dictum) pro recredentia accipit. Recredentia. n. conceditur, non cum de proprietate, sed cum de sola possessione, eaque momentanea, est questio, & vulgò iudicium summarissimum dicitur: Vindictarium verò iudicium, cum de proprietate controuertitur, incertumq; est vter possideat, Menochius d. remedio 3. de retinenda possessione, num. 9. & 10. & in præludiis de recuperanda possessione, num. 31. & 32. Andreas Geil. lib. 1. obs. 7. num. 6. Illud coronidis loco, circa sequestris definitionem, adde, quod ²² is penes quem fit sequestratio, idoneus esse debeat, pro quantitate rei sequestratæ, textus & ibi Bartolus in l. litibus 20. C. de agricolis & censitis lib. 11. quem ad id allegat Iacobus de Arena, in Tractatu de sequestris, num. 17. quam traditionem ego ita admitto, si reperiri tam locuples sequester commodè possit; aliàs cenſeo hanc circumstantiam, quoad sequestris personā, iudicis qui sequestrum decreuit, arbitrio relinquendam, atque ita praxis quotidiana obseruat, vt iis, qui in foro versantur, notissimum est.

CAPVT II.

Sequestrationis Distributio, & an ea Regulariter prohibita sit,

SVMARIA.

- 1 *Sequestratio, Duplex est.*
- 2 *Iudicium redditur in inuitum.*
- 3 *Sequestrationem voluntariam permissam esse.*
- 4 *Rei sue quilibet moderator & arbiter.*
- 5 *Fauori suo quilibet renunciare potest.*
- 6 *Sequestratio Iudicialis, siue Necessaria, prohibita est, & num. 9.*
- 7 *Ab Executione, processus non est inchoandus.*
- 8 *Possessionis Commodum, permagnum.*
- 10 *Sequestratio, a Caelestino Papa decreta, per successorem eius, Innocentium, renocata.*
- 11 *Sequestratio Iudicialis fit bifariam.*
- 12 *Oblatio, siue Depositio Realis.*

SEquestrationem Dóctores cōmuniter ' Duplicem faciunt; Alteram Voluntariam siue Conuentionalem, ex Beneplacito & Conuentione Partium procedentem, Verbi causa, si Litigatores vtrò extra iudicium cōueniunt, de Re Litigiosa sequestranda; Alteram Necessariam, siue iudicalem, quæ fit à iudice, ex Causis legitimis, vt quia Iudex, videns Controuertentes esse in procinctu Armorum, Rem de qua litigatur, Partibus nolentibus, volentibus, ex officio sequestrat,

questrat. Recteq; judicialis dicitur, cum fiat ipfis Litigantibus inuitis, quod judiciorum proprium est, vt ² in Inuitos sc. reddantur, l. inter Stipulantes 83. §. 1. ibi: Judicium autem in Inuitum redditur, D. de Verborum obligationibus. Ita communiter Doctores, Legistæ in l. Vnica C. de prohibita sequestratione pecuniæ: Canonistæ, in Rubrica & toto Titulo, extra De sequestratione Possessionis & Fructuum, & in Clemētina Vnica, eodem. Voluntaria ³ Sequestratio (qua de loquuntur l. ei apud quem 5. §. 1. & 2. l. propriè 6. l. licet 17. D. Depositi, Item l. propter 5. & l. is penes quem 6. C. eodē Titulo, l. interesse puto 39. D. de acquirenda possessione, l. si soluturus 39. D. de solutionibus) omni modo permessa est. Cum enim ⁴ Rei suæ, quilibet moderator sit & arbiter, textus l. in re mandata 21. C. Mandati, l. sed et si 2. §. consuluit 11. ibi: dum re sua se abuti putant, D. de Hereditatis petitione. Itemque Fawori ⁵ pro se introducto Renunciare quibuslibet permillum sit, l. pactum 46. D. de Pactis, l. si quis in conscribendo 29. C. eodem titulo: Tantò minus dubitandum, Litigatoribus vtrunque permillum esse, Rem litigiosam, penes aliquem Tertium, certa conditione custodiendam, reddendamque deponere & sequestrare, d. l. propriè D. Depositi, Iacobus de Arena in Tractatu De sequestris, num. 1. & 2. Mynfingerus Cent. 5. Obs. 35. Andreas Geil lib. 1. Obs. 148. num. 8. Sequestratio ⁶ verò judicialis, quam Necessariam dicunt, regulariter prohibita est (ita vt casus excepti

infra cap. 3. commemorati, penè regulam prohibitiuam in non excepris firmare videatur, argumento eorum quæ tradidit Decius in l. i. num. 21. D. de Regulis juris, & in consilio 280. post Bartolum in l. quæsitum 12. §. denique. D. de fundo instructo.) Oportet enim debitorem primò conuinci, priusquam ad sequestrationem vel solutionem deueniatur, l. vnica C. de prohibita sequestratione pecuniæ; nimisque⁷ præproperè ante rem iudicatam, ad executionem procedatur, l. i. C. de executione rei iudicatæ, maxime cum permagnum⁸ sit possessionis commodum, §. commodum, Institutionib. de interdictis, l. is qui destinauit 24. D. de rei vindicatione. quo propterea, sine præuia causæ cognitione, liteuè necdum finita nemo sit sequestrationis intuitu destituendus, toto titulo extra vt lite pendente nihil innouetur, c. nolumus, ibi: dominio rei, apud possessorem, sicut hactenus possessum est, permanente, 16. quæst. 4. quo fit vt Hostiensis titulos Juris Canonici, in Decretalibus, & Clemētinis, de sequestratione, &c. rectè cum his verbis subaudierit, scil. regulariter prohibita, vt planè in iudiciali sequestratione, regula negatiua constitui debeat, eam⁹ scilicet tam de Jure Ciuili, quàm pontificio in rebus mobilibus, & immobilibus, corporalibus, & incorporalibus, profanis & spiritualibus prohibitam esse, glossa & doctores in c. examinata 15. extra de iudiciis, doctores in l. si fideiussor 7 §. finali D. qui satildare cogantur. & in l. Imperatores 21. §. finali

finali D. de appellationibus, Curtius senior in l.
 vnica C. de prohibita sequestratione pecuniæ
 num. 6. Mynsing. responso 61 incip. suborranu-
 per controuersia, num. 39. responso 66. incip.
 responsi sequentis thema, num. 14. responso 82.
 incip. Anna E. de Vu. num. 2. ex qua causa ^{1o} In-
 nocentius III. Pont. Max. à prædecessore suo
 Celestino, proprio arbitrio (quasi dicat iniuste
 decretam sequestrationem iterum reuocauit, ut
 est textus in cap. 1. §. 1. & 2. ibi: possessionem pro
 suo arbitrio sequestrari præcepit, item ibi: man-
 dato sequestrationis penitus reuocato, extra de
 sequestratione possessionis & fructuum. At-
 que hæc ¹¹ quidem iudicialis sequestratio fit
 altero de duobus modis; scilicet vel de re non
 contentiosa, (hoc est, necdum in iudicium de-
 ducta, sed in futurum deducenda) idque tum
 ad juris sui conseruationem, ut in heredibus,
 qui conuenire non possunt, super Testamentis
 vel cautionibus conseruandis, eo enim casu ju-
 dex licite ad sequestrationem procedit, textus in
 l. cæteræ 4. §. finali, ibi: Tabulas verò authenti-
 cas ipsum retinere, aut in æde deponere, & l.
 si quæ sunt cautiones §. ibi: eligendus est amicus
 apud quem deponatur, vel in æde sacra depo-
 ni debent, D. familiæ erciscundæ, l. si de tabu-
 lis 6. & quæ ibi traduntur per doctores D. de
 Fide instrumentorum, Mynsing. Cent. 4. obs.
 37. in fine. tum ad oneris euitationem, ut
 in debitore, qui ad euitandum cursum v-
 surarum offert sortem, quam si creditor

acceptare recuset, fequestrabit Judex talem pecuniam, hancque ¹² Oblationem realem Doctores appellant, textus in l. acceptam 19. C. de Vfuris, & in l. debitor 7. D. eodem titulo. Vel fit de Re contentiosa, si scil. Rei possessæ seu detentæ, qua de cõtrouertitur, aut Fructuum rei controuersæ, à Possessore vel Detentore, fit separatio & sequestratio, vt in plerisque casibus infra capite proximo recensendis, in quibus omnibus sequester certantibus quasi Medius interuenit, ita Curtius Senior in d. l. Vnica C. de prohibita sequestratione pecuniæ, num. 19. 20. & 21.

C A P V T I I I.

Commemorantur Casus Excepti, à Regula, sequestrationis prohibitiua.

S V M M A R I A.

- 1 *Casus Excepti, à Regula sequestrationis prohibitiua, & num. 2. 4. 7. 9. 11. 16. 17. 20. 22. 24. 29. 30. 31. 32. 33.*
- 3 *Marito vergente ad Inopiam, sequestratur Dos, ad sustentationem Mulieris.*
- 5 *Declaratio ad l. Imperatores. §. finali. D. de Appellationibus.*
- 6 *Appellationis in Causa, si subsit timor de dissipatione, Fructus sequestrantur.*
- 8 *Subditis, contra Dominos, ob nimiam eorum sauitiam, Mandatis pœnalibus succurritur.*
- 10 *Fideicommissario, si Heres recuset de soluendo*
Fidei-

Fideicommisso cauere, bona Fideicommisso relictā, sequestrantur.

12 *Ob nimiam seuitiam Mariti, Mulier in loco honesto sequestratur.*

13 *Casus, in quibus denegatur Viro Uxoris Restitutio.*

14 *Puella, de cuius Matrimonio Questio ventilatur, usq; ad Litem finitam, in loco honesto, & apud Consanguineos sequestrari potest.*

15 *Forma Sententia, in Causa sequestrationis Puella.*

17 *Iustus timor Armorum, causat sequestrationem.*

18 *Alter ex Partibus possidente, non debet Iudex ad sequestrationem procedere.*

19 *Possessione sua, ob contradictionem alterius, nemo priuandus.*

21 *Bona Damnatorū, hodie, praterquam in Criminibus Exceptis, non publicantur.*

23 *Summa ratio est, quæ pro Religione facit.*

25 *Ab Executione sententia, appellare permisum est.*

27 *Scandali futuri ratione, à Regulis Juris communis receditur.*

28 *Scandalo imminente, spoliatus antè omnia non restituitur.*

34 *Venditionis in Contractu, Numeratio pretii, Rei Vendita traditionem præcedere debet.*

DE voluntaria sequestratione, amplius opor-
 rosè dicere necessum non est, cum ea se-
 cundum condiciones ipsis partibus acceptabiles,
 permilla sit, vt ex præcedentibus constat: A
 necessaria autem, atque judiciali sequestratione,
 quæ vtroque iure prohibita est, casus me-
 morabiliores exceptos, à me hæctenus obserua-
 tos, & sparsim hincinde annotatos, hoc capite
 subiiciam. Angelus Perusinus, supra capite 1. re-
 latus, 10. casus, ¹ à regula sequestrationis prohi-
 bitiuâ exceptos congeffit, quos breuiter referam,
 & alios superaddam. Eorū primus est, si res mo-
 bilis petatur, & persona sit suspecta de fuga, ex l.
 si fideiussor 7. §. finali D. Qui satisfacere cogantur,
 l. senatusconsulto 16. in fine, D. de officio præsi-
 dis. Secundus, ² si sit controuersia inter Domi-
 num & Colonum, de dominio rei, & Colonus
 noluerit, vel non potuerit cauere de fructibus
 ipsius rei, textus in l. litibus 20. C. de agricolis &
 censitis lib. 11. vel, si Colonus velit possessiones
 conductas deferere, l. finali C. dicto titulo. Ter-
 tius ³ si maritus vergat ad inopiam, sequestratur
 dos, vt mulier ex ea posset sustentari, textus in l.
 si cum dotem 22. §. sin autem in sæuissimo 8. in
 casu posteriore (duos enim casus iste §. comple-
 ctitur) ibi: si vero dotem ita eum dissipare mani-
 festum est, vt non hominem frugi oportet, tunc
 dotē sequestrari, D. soluto matrimonio. Quar-
 tus ⁴ quoties à sententia appellatur, & timetur ne
 fructus dissipentur, licitè fit sequestratio, textus
 in l. Imperatores 21. §. fin. ibi: æquum sibi videri,
 fructus

fructus apud sequestres deponi, D. de appellationibus. Hunc casum⁵ expressit Andreas Geil, lib. 1. obs. 147. num. 3. eumque tunc demum procedere scripsit, cum à definitiua², non etiam cum ab interlocutoria prouocatum est, secutus Panormitanum, in cap. 3. num. 10. extra de sequestratione possessionis & fructuum. Matthæus de Afflictis decisione 269, per totā. Curtius senior in l. vnica C. de prohibita sequestratione pecuniæ, num. 8. & nu. 14. adde textum in d. c. 3. quod aliās vltimum est, de prohibita sequestratione possessionis & fructuum, vbi Gregorius ix. Pont. Max. indistinctè permittit, ⁶ ab eo, qui à sententia prouocauit, fruct⁹ possessionis (si dissipetur ab ipso) lite pendente sequestrari posse. sic lata sententia super beneficio, in continenti potest fieri sequestratio possessionis & fructuū beneficii, nisi reus tenuisset illud per triennium, clementina vnica, ibi: dum tamen triennio pacificè antea ab eo possessum non fuerit, de sequestratione possessionis & fructuum. Speculator lib. 4. titulo eodem, num. 6. Curtius in d. l. vnica, de prohibita sequestratione pecuniæ, num. 14. Quintus⁷ si seruus in libertatem proclamet, ita vt dubium sit, an bona ad dominum spectent, tunc bona sequestrantur, textus in l. 1. §. super peculio, ibi: in tuto pro dispositione iudicis collocari, C. de assertionem tollenda, & in l. vltima, ibi: in sequestro esse oportet, C. quibus ad libertatem proclamare non licet. Ad hunc §. casum spectat, si dominus seruos malè tractet, multo que fortius si liberos

homines, quod ex Officio suo subuenire debeat, siue id per hunc sequestrandi, siue alium modum fieri possit, textus in l. 1. §. quod autem 8. ibi: seruos de Dominis querentes Præfectus audiat, D. de Officio præfecti Vrbi. Adeoque Praxis Imperii obseruat, ⁸ vt si Domini subditos, ad insolitas Operas, Angarias siue Parangarias præstandas, Vi compellant (*mit ungemessenen, vnd taglichen fronleistungen beschuueren*) subditis contra ipsos Dominos, Mandata pænalia, eaque sine Clausula iustificatoria, in Camera Imperiali decernantur, teste Andrea Geil, lib. 1. Obf. 17. per totam. Sextus Casus. ⁹ Fit sequestratio propter Contumaciam, non cauentis de Collatione faciēda, textus in l. 1. §. si frater 10. ibi: Curator portionis eius constituitur, apud quem pecunia collocetur, D. de Collatione bonorum, Iacobus de Arena in Tractatu de sequestris, nu. 3. Sic etiam, contra eum, qui in iudicio Contumax est, rectè fit sequestratio, Innocentius in cap. 1. Extra de sequestratione Possessionis & Fructuum, c. ex literis 2. ibi: possessionem sequestrare, De Dolo & Contumacia, l. si fideiussor 7. §. finali D. Qui satisfacere cogantur, & vtroque Doctores. Sexto huic casui simile est, ¹⁰ quod si is, cui relictum est per Fideicommissum, recuset cauere de soluendo Fideicommissum, aut Fideicommissarius nolit cauere Heredi de soluendis Legatis, Magistratus licitè ad talium bonorum sequestrationem procedere possit, textus in l. postquam heres §. §. Imperator, ibi: Virum bonum eligendum, apud quem

quem vt sequeſtrem, fructus deponantur, D. vt legatorum nomine caueatur, Mynſing. cent. 5. obſ. 35. num. 4. Septimus ^{2º} ſi mulier, propter mariti ſæuitiam (vt hic caſus diſtinguatur, à caſu tercio, iam relato) ad eum redire detrectet, & maritus ei idoneè cauere non poſſit, tunc vxor ei nō reſtituitur, ſed ¹² in loco honeſto ſequeſtratur, ibi maximè vbi maritus violentiam ei inferre nequit, textus in l. ſi cum dorem 22. §. ſi autem in ſæuiſſimo 8. in caſu priore, D. ſoluto matrimonio, textus in c. ex tranſmiſſa 8. ibi: alicui probæ & honeſtæ mulieri vſque ad cauſæ deciſionem cuſtodienda committatur, in loco vbi vir mulieri nullam poſſit violentiam inferre, extra de reſtitutione ſpoliatorum, & in c. literas 13. §. finali, ibi: ſi tanta ſit viri ſæuitia, vt mulieri trepidanti, non poſſit ſufficiens ſecuritas præſtari, non ſolum non debet viro reſtitui, &c. extra eodem titulo. Caſus ¹³ porrò, in quibus viro vxoris reſtitutio denegatur, his verſibus continentur:

Si non continuit, ſi mox probat impedimentum,

Sitq; vir aſteru, Moyſi ſit lege relicta,

Si virgo fuerit, ſeu corrupti timeatur,

Si non poſſedit iuſtè, vel ſi violenter,

Casibus his ſeptem domini non reſtituuntur.

Præmiſſos verſiculos, poſt gloſſam in d. c. ex tranſmiſſa, retulit Speculator, lib. 2. tit. de Petitorio, poſſeſſorio, & ſpoliatione, §. finali num. 2. Cum hoc ſeptimo caſu cōcordat, ¹⁴ quod ſi maritus petat vxoris virginis reſtitutionem, matrimonium contractum negantis, puella pariter ſequeſtrari

debeat, donec causa terminetur, textus in c. cum locum 14. in fine, ibi: puellam de cuius matrimonio questio ventilatur, in domo, in qua nihil eam timere oporteat, facias honestè detineri, extra de sponsalibus. Idem, si de parentum metu vel violentia timeatur, & puella clam parentibus contradicat, tunc iudex ad petitionem sponsi, puellam de potestate parentum eximere, & honesto loco aliquo (puta in monasterium monialium, vel apud honestos consanguineos puellæ) collocare potest, facit textus in c. causam matrimonii 14. ibi. eandē puellam facias interim in illo monasterio, extra de probationibus, elegans¹³ præiudiciū in hanc sententiā annotavit Andreas Geil, lib. 1. obs. 112. num. 16. & ante eum Raphaël Seilerus (licet ab ipso non citatus) lib. 1. præiudiciorum Camera Imperialis, mihi folio 204. in fine, estque præiudicium vltimum, de anno 1535. quod ascribere placuit. *In Sachen, &c. ist erkant, das gemelte Sabina, bey einer Ehrlichen, nāmhafftten, und ansehnlichen frauven (deren sich beede theil in Zeit 4. vwochen, den nechsten vergleichen sollen) sequestriert sein, und bey derselben biß zu außfuerung surgenömener rechtsfertigung, ehrlich erzogen, auch ohn allen arguon, und gefehrlichen zugang vertraut, und endhaltē vverden soll, und da sich die partheyen in gemelter zeit nicht können vergleichen, das alsdann N. Bischoff die gemelte Sabina obberueter massen, Zu einer Ehrlichen nāmhafftten frauven, also vwie gemeld, vertrautlich zuenthaltien, versehen und verordnen, derhalben auch*
mandat

mandat und sequester erkant sein sollen. Octauus casus, missus ex primo decreto, qui tantum custodiæ causa mittitur, nec fructus suos facit, si de dilapidatione suspectus sit, medio tēpore fructus sequestrātur, c. dilectus 2. in fine, ibi: fructus sequestrari prædictos, extra de sequestratione possessionis & fructuum. Nonus casus: ¹⁷ si subsit periculum, ne partes ad arma deueniant, licitè sequestratur possessio, text⁹ in l. æquissimū, (aliàs incipit, si cuius rei, vel, si vsusfructus legatus) 13. D. de vsufructu. Cur. n. ad arma, & rixam procedere patiatur prætor, (inquit Iulianus) quos potest iurisdictione sua cōpescere? adde l. congruit 13. D. de officio præsidis, cū similib. Hunc ad casum pertinere puto, constitutionē Imperij, de litigiosa possessione sequestranda, de qua infra suo loco dicam. Potest itaq; iudex, in hoc nono casu, vtriq; parti prohibere ingressum, ne veniāt ad arma & rixas, Speculator lib. 4. tit. de sequestratione possessionis & fructuū, nu. 3. verū. sed nūquid vbi agitur, per l. eū qui 7. ibi: abstinere ab administratione rerū tuarū, donec causa finiatur, C. de suspectis tutoribus. Spectat eò memorabilis decisio Baldi in l. vnica, C. de prohibita sequestratione pecuniæ, si sc. vnus agat cōtra alterū ad fundū cū fructibus, ac timeatur ne partes deueniant ad arma, an iudex possit ad partis alterius suggestionē fundum cū fructibus sequestrare, sine præiudicio iurium vtriusq; partis? decidit Baldus, ¹⁸ si cōstet alterū tantum possidere, nō debere iudicē ad sequestrationē procedere, sed mādare aduersario,

ne ad possessionem accedat, aut possessorem turbet, ita intelligens d. l. æquissimum, D. de Vsufructu, ut eo in casu procedat, quo dubitatur, quis possideat, & partes sint in procinctu, non etiam si constet alterum possidere, textus in l. i. §. illud, ibi: hoc interdictum tuetur, ne amittatur possessio, D. uti possidetis. Cum iniquū foret, ^{1º} quempiam indicta causa, ob contradictionem alterius, possessione sua priuari, Doctores in l. vnica C. de prohibita sequestratione pecuniæ, Schurffius Consil. 27. incip. casus talis est, num. 5. cent. 3. Speculator lib. 4. tit. de Libelli conceptione, versic. 22. num. 14. Curtius senior in d. l. vnica, num. 12. sequitur Andreas Geil lib. 1. obs. 5. nu. 6. Casus decimus, ^{2º} fit sequestratio de bonis condemnati ad mortem, Angelus Perusinus in dicto tractatu de sequestris, num. 12. Qui tamen casus, ^{2º} extra crimina maiora, & quæ à doctores excepta dicuntur (ut sunt læsæ Maiestatis, hæreseos, &c. de quibus vide Iulium Clarum, lib. 5. receptarum sententiarum, §. finali, quest. 78. per totam) apud me dubitationem habet, ob id quod damnatorum bona, hodie non publicentur, auth. bona damnatorum, C. de bonis damnatorum. consuetudinibus & statutis in contrarium quibuscunq; cassatis, ordinatio criminalis, Caroli v. Imperatoris, articulo 218. ibi: *Weib und Kinder an den Bettelstab, und das Gut dem Herren zugeeignet.* Item ibi: *die und dergleichen Geuonheit vvir auß Keyserlicher Macht, hiemit aufheben, vernichten, und abihun, und hinfurther nicht mehr eingeführt*

gefuhrt ſollen vverden. Vndecimus casus ²² fauore religionis, et si enim propter contumaciam religiosorum aduersarii erant in possessionem ecclesiarum petitarum mittendi, tamen fauore religionis ecclesiæ fuerunt sequestratæ, textus in c. 2. extra de dolo & contumacia, summa ²³ enim ratio est, quæ pro religione facit, textus in l. sunt personæ 43. in fine, D. de religiosis & sumptibus funerum. Faciunt tradita per Menochium in tractatu Præsumptionum, lib. 6. cap. 84. nu. 18. 19. Cuiacius lib. 3. obs. 22. Casus duodecimus ²⁴ si appellatur ab executione, res mobilis sequestratur, in immobili sequestrantur fructus, textus in l. ab executione 5. ibi: possessori res eadem detrahatur, & sequestro idoneo collocetur, C. quorū appellationes non recipiuntur. Et hic quidem casus etiam tum procedit, si nulla subsit de fuga, aut dilapidatione suspicio, (quamuis in aliis casibus secus, ut per Doctores in l. si fideiussor 7. §. finali D. qui satisfacere cogantur) ea potissimum de causa, quod cessante tali suspicione, nihilominus præsumatur malitiosè, scil. morandæ vel impediendæ executionis causa prouocatum esse, argumento l. 2. C. de falsis, Angelus in l. 4. §. condemnatum, D. de re iudicata, Curtius senior, in l. vnica, num. 7. C. de prohibita sequestratione, versic. nam licet aliàs requiratur suspicio fugæ. Posse ²⁵ verò de jure appellari ab executione sententiæ, probat c. quod ad consultationem 15. §. finali, extra de re iudicata, c. venientes 19. & quæ ibi traduntur, extra de jure iurando. Ea enim in-



reposita, nō exequetur iudex suam sententiam, l. vnica, D. nihil nouari appellatione pendēte, vel interposita, Speculator lib. 2. tit. de executione sententiæ, §. finali, in principio. Ad hunc casum refero, quod si in executione sententiæ, non quidem prouocetur, sed aliās sit scrupulus, vel incidat mora, tunc victor possit petere rem de qua litigatur sequestrari, d. l. ab executione, C. quorū appellationes non recipiuntur, & l. ab executione, 4. in princip. D. de appellationib. vide Doctores in l. si oleum 9. D. de dolo malo, Mynfingerus cent. 5. obs. 35. nu. 5. idem, si executor modum in exequendo exceßerit, per ea quæ tradit Andreas Geil, lib. 1. obs. 147. nu. 7. vers. secundò fallit. Decimus tertius, ²⁶ si sit quæstio de possessione, nec possit probari, quis possideat, Hostiensis in summa, extra de sequestratione possessionis & fructuū, allegans ad id l. in sequestro, puto quod voluerit allegare l. interesse 39. D. de acquir. posses. Decimus quartus, ob vitādum scandalum, c. per vestras 7. extra de donationib. inter virū & uxorem, ca. 1. extra de sequestratione possessionis & fructuū, c. 1. & 2. de iure patronatus. Huc faciūt de timore ²⁷ futuri scādali (ratione cuius, à regulis juris cōmunis receditur) tradita per Menochiū in cōmentariis de adipiscēda possessione, remedio 6. & ult. nu. 13. & inter alia, illud celebre est, quod etsi secundū dispositionē vtriusq; juris, spoliatus sine cūctatione, atq; omni mora restituēdus sit, textus in l. si quis in tantam 7. totoq; Cod. titulo, vnde vi, & toto tit. extra de restitutione spoliatorum; tamen ²⁸ in casu scādali imminētis, nequa-

quam restituatur, Fraciscus Ripa in l. naturaliter 12. §. nihil cōmune, n. 76. D. de acquir. poss. Speculator lib. 2. tit. de petitorio, possessorio, & spoliatione, §. fin. nu. 1. versic. nonus est. Item, quod nec summo pontifici obediendum, si ex tali obedientia futurum esset scandalum, Craueria cōsil. 264. n. 7. Menochius Remed. 1. de recuperanda possessione, n. 21. & 22. Curtius senior in l. vnica, C. de phibita sequestratione pecuniæ, n. 13. Plotus in repetitione l. si quādo 9. n. 94. C. vnde vi. 15. Casus, Ne impediatur vēdendi commoditas, supradicta l. si oleū 9. D. de dolo malo. Decimus sextus³⁰ Episcopi nostri temporis, faciūt fructus sequestrari indifferēter, si inter aliquos de beneficio ecclesiastico cōtenditur, maximē cum ipsimet inde referunt cōmodum, q̃ plerunq; potius sumunt à capite, quā à iurē, quare retractādum est, cum nec ipsius Papæ, atq; ita summi Episcopi arbitrio in hoc stetur, c. 1. extra de sequestratione possessionis & fructuū, verbasūt Cardinalis Hostiensis in sua summa, extra eod. tit. in quæstione, an licita sit sequestratio, n. 4. in fin. 17. Casus,³¹ si subsit rei litigiosæ interitus, hunc casum notauit Andreas Geil, lib. 1. obs. 148, per integrā, quod lectorē breuitatis gratia remitto. 18.³² Lata sententia in iudicio vniuersali puta aliquem esse heredem, omnes res de quibus dubitatur, an hereditariæ sint, sequestrari possint, Bald. in l. vltima, C. quibus ad libertatem proclamare non licet, Curtius in sæpēdicta l. vnica C. de prohibita sequestratione pecuniæ, nu. 12. versic. sexto fallit.

Decimus nonus ³³ si venditor nolit tradere rem venditam, nisi prius habeat pretium, emptor vero nolit dare pretium, ante rei venditæ traditionem, atque ita alter non confidat de altero, licitè deuenitur ad sequestrationem, textus in l. si soluturus 39 §. finali D. de solutionibus. Quo quidem casu, si non confidunt inuicem, fit sequestrum momētaneum hinc inde, d. l. si soluturus, Curtius loco proximè citato, versic. septimò fallit. De natura ³⁴ tamen contractus est, vt prius numeretur pretium, si emptor prius nominatur, quàm venditor, l. 1. D. de rerum permutatione, & quæ ibi traduntur, Baldus in c. 1. extra de sequestratione possessionis & fructuum. Præter 19. enumeratos, posui alios duos casus in capite præcedenti, versic. atque hæc quidem, vbi vide. Plures casus exceptos reperiri posse non dubito, eaque de causa, Curtium loco antedicto, num. 14. versiculo, cæteras fallentias traditas, scripisse opinor, penè regulam sequestrationis permissiuam, ob casuum exceptorum pluralitatem, constituendam fore. Quo de tamen ego amplius inquirere desino, & ad sequentia propero.

C A P V T IIII.

Sequester, quando pro Possessore habeatur. Et, an sequestratione facta, amittatur rei sequestratæ possessio.

S V M M A R I A.

1 Sententia l. interesse, de acquir. posses.

2 Seque-

- 2 *Sequestris possessio, partibus nihil prodest, ad usucapionem complendam.*
 - 3 *In voluntaria sequestratione, an in dubio amittatur possessio.*
 - 4 *In sequestratione necessaria, sequester non possidet.*
 - 5 *Sequestratione interposita, cui competant remedia possessoria, ratione rei sequestrate.*
- Sequester, si cadat à possessione rei sequestrate, habet actionem ad eam recuperandam. ibidem.*
- 6 *Aliud possidere, aliud in possessione esse.*
 - 7 *Possessionis commodum non transit ad sequestrum.*
 - 8 *Monacho litiganti cum Abbate, expensæ litis, & alimonie, à monasterio subministrandæ.*

AD huius questionis resolutionem, facit elegans responsum Iuliani, ¹ in l. interesse, puto 39. D. de acquirenda possessione, cuius hæc est sententia: possessionis depositio, siue sequestratio, fit altero de duobus modis. Primò, intuitu possessionis omittendæ, ibi: nam si omittendæ possessionis causa, & tunc neuter litigantium possidet, sed ipse sequester (quæ tamen ² sequestris possessio, nihil partibus ad usucapionem, vel incipiendam, vel complendam prodesse potest, ibi: ad usucapionem possessio.) Secundò, custodiæ causa, quo casu possessio remanet penes possidentem, & ad usucapionem victori prodest, d. l. interesse, ibi: at si custodiæ causa. Hoc in casu lo-

quitur l. licet 17. D. de positi, l. si soluturus 39. D. de solutionibus. In dubio autē, an sequester possidere dicendus sit, controuersum video. Sunt. n. pleriq; qui cēseant, in dubio sequestrem possidere, Curtius senior post alios, in l. vnica, C. de prohibita sequestratione pecuniæ, quæstione 5. vers. 3. nu. 29. per textum, in supradicta l. interesse puto, D. de acquirenda possessione. Mihi videtur ea ipsa Lex planè contrarium velle, sc. non penes sequestrem, sed penes primum possessorem remanere possessionem: & iuuatur mea sententia expressis verbis d. l. interesse, ibi: si omittendæ possessionis causa, & hoc apertè fuerit probatum. Nam ex quo jurisconsultus probationē requirit, quod sequestratio omittendæ, & in sequestrem transferendæ possessionis causa, facta sit, consequens est, id nullo modo præsumendum esse. Facit huc, quod scripsi infra, cap. 9. n. 15. quod si non partium voluntate, sed iudicis præcepto, fiat sequestratio (vt in casibus cap. 3. commemoratis) magis est vt dicamus, sequestrem nullo modo possidere, cum iudex non præsumatur partibus, per interpositā sequestrationem, possess. auferre voluisse, Doctores communiter in d. l. licet, & in d. l. interesse, quos sequitur Matthæus Vuesenbecius in Paratit. D. de positi, n. 6. cum relata hac Iuliani distinctione. penè in idem recidit, quod passim à Doctõribus traditum est: voluntariam³ sequestrationē, puta ex consensu & voluntate partium factā (modo præmisso) priuare possessorem sua possessione: interim. n. dum res est penes sequestrem,

questrem, neq; actor, neq; reus possidet, d.l. licet §. rei depositæ, ibi: nā tum sequester possidet, D. depositi. Necessariam ⁴ verò siue judicialem sequestrationem, ex dispositione legis, vel iudicis auctoritate interpositam, vt quæ custodiæ tantū causa facta cēsetur, vel necessitate hoc postulante, vt in material. æquissimum, D. de vlufructu, nullo modo transferre possessionē, sed quod primo possessori, salua possessio maneat, & integra, Cynus, Baldus, & Salicetus, in l. vnica C. de prohibita sequestratione pecuniæ, Canonistæ in c. 2. extra eod. tit. Bart. & cōmuniter Doctores, in d.l. interesse, D. de acquir. possess. Doctores in c. examinata. de iudiciis. Curtius in d.l. vnica, n. 71. Andreas Geil, li. 1. obs. §. n. 10. obs. 148. n. 9. & in tractatu de arrestis imperii, c. 12. n. 6. Mynsing. cent. §. obs. 35. nu. 3. Cuiac. lib. 9. obs. c. 33. vtilitas huius inuestigationis ea est, quod ⁵ si sequester possideat rem sequestratam ipsi; sin penes partē possessio maneat parti; recuperandæ, vel retinendæ possessionis interdictum, in casu spoliū, vel turbatæ possessionis cōpetat, vt in simili de arrestis scripsit Andreas Geil, dicto c. 12. n. 7. nā & illud extra controuersiam est, quod sequester casu, quo pro possessore habetur, si à possessione rei sequestratæ cadat, habeat actionē ad ipsam recuperandam, l. postquā heres §. §. Imperator, D. vt legatorum nomine caueatur, Iacobus de Arena in tractatu de sequestris, nu. 18. etsi verò certis casibus (non semper, vt antè dixi, nam sequester quidem durante sequestratione, semper in possessione est,

non autem semper possidet, duo enim ⁶ hæc di-
 uersa sunt, textus in l. si quis ante 10. D. de acqui-
 rendâ possessione, facit l. 3. D. de officio prætoris
 possessionis ⁷ apud sequestrem fit, non tamen
 commodum possessionis, quod ante sequestra-
 tionem habebatur, Baldus in c. 1. num. 13. extra
 de sequestratione possessionis & fructuum, Sa-
 licetus in l. unica C. de prohibita sequestratione
 pecuniæ, nu. 2. quò fit, ut si pendente sequestro,
 non habeat iste, cuius fructus sunt sequestrati,
 unde se alimenter, ex fructibus sequestratis ali-
 mentari debeat & possit, textus in l. is cui §. qui
 legatorum 22. D. ut in possessionem legatorum,
 quam ad id allegant Bartolus, Romanus, & do-
 ctiores in l. si fideiussor 7. §. finali, D. qui satisfacere
 cogantur; debentque tot fructus, sufficientes
 ad litem & alimēta sibi relaxari arbitrio iudicis, l.
 finali, ibi: litis sumptus & alimoniam homini sub-
 ministrantur, C. de ordine cognitionum. simile
 notat Salicetus in l. unica, C. de prohibita seque-
 stratione pecuniæ, in monacho ⁸ litigante cum
 abbate, qui debet habere expensas litis, & alimo-
 niæ, à monasterio, ne cogatur litem deferere, &
 ab illa desistere, textus in c. ex parte 11. in fine, ibi:
 de rebus monasterii, expensæ debent necessariæ,
 donec causa debitum finem accipiat, ministrari,
 extra de accusationibus, Curtius senior in d. l.
 unica, num. 10. & 11.

CAPVT V.

Quæ requirantur, vt Iudex licitè ad sequestrationem procedere possit.

SUMMARI A.

- 1 *Requisita 4. vt licitè ad sequestrationem deueniatur.*
- 2 *Causæ cognitio, requirit citationem partis.*
- 3 *Requisita antedicta, in casu periculi imminētis, non tam strictè attenduntur.*
- 4 *Iudex non debet ad sequestrationem procedere, nisi sumptus prius informationibus.*
- 5 *Jura vigilantibus scripta sunt.*
- 6 *Stulti non debent melioris esse cōditionis, quàm Periti.*

CUm sequestra, regulariter vtroq; jure prohibita sint, vt supra capite 2. dictum est; ea propter iudex nō facilè ad sequestrationem procedere debet, si alia ratione petenti sequestrum succurrere possit. Quod si vel imminentis scandalī, vel armorum timor, & periculum subsit, aliū sue casus occurrat, quo licitè ad sequestrationem deueniat; attamen, ne tunc quidem viam sequestrandī eliger, nisi 4. ¹ sequentia concurrant. Primò, quod tibi constet minimū summarie, de jure eorum, qui sequestrum fieri postulant, *das die schuldgleubiger, behaubung thun, vñd die schuld liquidieren.* Secundò, vt vocetur is, in cuius præiudiciū postulatur sequestratio, cūm

enim sequestratio magni præiudicii sit, atq; causæ cognitionem requirat, consequenter etiā citationem partis grauatæ, iuxta cōmunem theoriam, quòd quæcunque requirunt ² causæ cognitionem, pariter exigant partis citationem, textus in l. nec quicquā 9. §. vbi decretum, ibi: quæcūq; causæ cognitionē desiderāt, D. de officio proconsulis, & in l. nam ita diuus 39. ibi: adhibitis etiā his, qui cōtradidunt, id est qui lēderentur, D. de adoptionibus, vtrobiq; Doctores, & Andreas Geil, li. 1. obs. 46. n. 10. Curtius senior, in l. vnica, n. 40. C. de prohibita sequestratione pecuniæ, vide quæ scripsi infra c. 14. n. 1. 2. 3. 4. 5. 6. 7. 8. Tertio, vt petentes sequestrum, id ad juris sui vel debiti cōseruationē faciant, non causa calumniæ, vel æmulationis, atq; id coram iudice jurato affirmant, facit quod in casu conuerso scripsit Andreas Geil, lib. 1. obs. 148. nu. 6. Quarto, quòd ex persona illius aduersus quem petitur fieri sequestrū, appareat suspicio dilapidationis, fugæ, scandali, (licet ³ in casu imminentis fugæ, præcedētia requisita forsā non tam strictè obseruentur, vt patebit ex sequentibus) textus in l. Imperatores 21. §. fin. D. de appellationibus, l. si cum dotem 22. §. fin. autem in sequissimo, 8. D. soluto matrimonio, Mynsing. cent. 2. obs. 11. vbi in fine subiicit periculo subsistente, etiam in Camera Imperiali talia requisita non perpetuo attendi. Quod si iudex ⁴ in casu scandali, sequestrum, vel prohibitionem decernat, ante omnia sumere debet futuri scandali informationes, scil. scandali timorem subesse,

Decius

Decius in l. vltima, num. 6. C. de edicto Diui Hadriani tollendo, & in consil. 366. num. 13. Marfilius singulari 543. incip. maleficiis, versiculo, item aduertas. & post eos Menochius in commentariis de adipiscenda possessione, remedio 6. & vltimo, num. 14. alias facile possessori vigilantibus, qui ignauum præuenit, ita sequestrando, & prohibendo, non sumptibus prius informationibus, graue præiudicium adferretur, cui tamen iura alias magis fauorabilia sunt, utpote ⁵ vigilantibus scripta, l. pupillus 24. in fine, D. quæ in fraudem creditorum, & vigore quorum, non debent stulti, ⁶ & ignaui, melioris esse conditionis, quàm vigilantes, & periti, l. 4. D. quod vi aut clam. nec tenetur iudex assentire alleganti periculum scandali, & petenti sequestrationem, nisi in animo suo sedeat, illum contra quem petitur, suspectum esse, animo iustificato ex actis, Curtius in d. l. vnica, alique per ipsum relati, num. 32. reliqua huc pertinentia, de sequestrando, siue capiendo debitore fugitiuo, dicam in capite sequenti.

CAPVT VI.

Quæ requirantur, vt debitor, tanquam de fuga suspectus capi possit.

SUMMARIA.

Sequestratio fit, vel de re, vel de persona.

- 2 *Quotidiana plenius attingenda.*
- 3 *Suspectus de fuga capi ut possit, quæ requirantur.*
- 4 *Sequester rei, vel personæ impetrans, an debitum necessario probare debeat per publicum instrumentum.*
- 5 *Creditor si sciens prudensque cum suspecto contrahat, captura locus non est.*
- 6 *Volenti non fit iniuria, neque dolor.*
- 7 *Non fraudantur, qui sciunt & consentiunt.*
- 8 *Mulier obarato marito scienter nubens, constante matrimonio, dotem non repetit.*
- 9 *Contrahens cum alio, conditionem eius scire præsumitur.*
- 10 *Statutur juramento creditoris, causam suspicionis, post contractum supervenisse asserentis.*
- 11 *Tacendo sibi præiudicat creditor, qui conditionem sui debitoris non ignorans, iudici manifestare negligit.*
- 12 *Suspiciones Fugæ, ut plurimum iudicis arbitrio committuntur.*
- 13 *Fugæ suspicio, iudici probanda.*
- 14 *Captura maximi præiudicii est.*
- 15 *Creditoris juramento, an stet quo ad probandam suspicionem fugæ.*
- 16 *In magno, non etiam exiguo debito captura locum esse.*
- 17 *Fama & existimatio vitæ æquiparatur.*
- 18 *Modicum non curat prætor.*
- 19 *Sequestratio remedium extraordinarium, ad quod non, nisi in subsidium, devenitur.*

Seque-

Sequestratio ¹ bifariam fit, in rem & in personam; de priore haec tenus, ut cui proprie sequestrationis nomen competit, & in sequentibus plura. De ea verò quæ in personam fit, hoc est, de prehensione siue captura debitoris de fuga suspecti, cum ea admodum frequens in foro, eoque (juxta consilium jurisconsulti in l. legauit. 2 §. in principio, ubi quotidiana ² plenius attingenda admonet, ff. de liberat. leg.) silentio prætermittenda non sit, hoc capite nonnulla subiiciam. Ut igitur de fuga ³ suspectus debitor licite capi possit, sequentia requiruntur. 1. quod saltem & ad minus summarie, judici fiat fides de credito, sicut in simili dictum est supra de sequestratione rei litigiosæ, c. 5. n. 1. 2. quod debitor à tempore contractus, non antè, deteriorauerit conditionem suam. 3. quod ea deterioratio fuerit magna. 4. quod non possideat immobilia, in jurisdictione illius judicis, vel mobilia quidem sufficientia, quæ tamen facile possent occultari. 5. quod creditor à tempore scientiæ, institerit apud judicem, de debitore capiendo. 6. ut sit suspectus de fuga, per exteriores præsumptiones & indicia. His concurreribus, haud difficile impetrari capturam & sequestrum (aliis per me infra additis) tradunt Doctores communiter in l. sciendum 1 §. D. qui satisfacere cogantur, & in l. si ab arbitro 10. D. eodem titulo, plures relati à Curtio seniore in l. vnica, nu. 41. versic. plura ex his ponit. C. de prohibita sequestratione pecuniæ. Præmissorum requisitorum primū, ut scilicet de debito constet, probat

Andreas Geil lib.2. obseruat.44. num.6. cum pluribus ibidem allegatis. Circa quod requisitum, controuerti video, an præcisè requiratur, quod sequestrum impetrans, probet suum debitum per publicum instrumentum? Bart.in l.liti- bus 20.in fin.C.de agticolis & censitis lib.11.pu- tat fieri nō posse sequestrationem de re alicuius, nisi creditor ostendat publicum instrumentū sui crediti, aliās sequestrationē non tenere; pari mo- do, & tātō magis, si procedatur ad capturam, siue sequestrationem personalem. A Bartolo iam re- lato, non dissentit in hoc puncto Baldus, in l.con- sentaneū, C.quomodo & quando iudex, &c. & in l.vlt.C.de edicto D.Adriani tollēdo. Verūm, rectius alii, qui vt liquidationē debiti requirant, attamē alternatiuē, vel per instrumentū publicū, vel per chyrographum debitoris, vel etiā per te- stes, probationem admittunt, Iason & Doctores in l.de pupillo §.§. si quis riuos, D.de operis noui nunciacione, idein Iason in §.1.nu.55. Institut. de actionib. Andreas Geil dicta obs. 44. n.6. Curtius in d.l.vnica, C.de prohibita sequestratione pecu- niæ, n.49.50.51.53. Requisitū 2. quod sc.tēpore contractus, debitor opinione creditoris pro ido- neo & soluendo habitus sit (nā si eo tempore fa- cultatibus lapsus, vel de fuga suspect⁹ fuisset, idq; creditor non ignorasset, sed⁹ sciens prudensq; cū suspecto contraxisset, capturæ nō esset locus) se- cutus est Bart.in l. si is à quo 3. §. fin. D.vt in pos- sessionem legatorū, & in l.qui bona 13. §. de illo 6. per illū text. ibi: ab initio vitiosas ædes cōduxe- runt, &

tunt, & habent quod sibi impurent, D. de damno infecto, scienti enim & volenti ⁶ nō fit iniuria neque dolus, text. in l. 1 §. vsq; adeo, D. de iniuriis, l. cum donationis 34. ibi: nec vnquā volenti dolus inferatur, C. de transactionib. c. sciente 27. de regulis juris in 6. Nec ⁷ fraudantur qui sciunt & cōsentiūt, l. nemo 145. D. eod. tit. Spectat huc, quod alibi traditum est, sc. mulierem ⁸ obarato marito scienter nubentē, constante matrimonio dotem non posse repetere, Iason in l. si constante 24. nu. 170. D. soluto matrimonio, cuius sententiā vtpotē receptiorē retulit, & in puncto juris veriorē dixit, atq; secutus est Andreas Geil, li. 2. obs. 84. n. 6. Qui ⁹ enim cum alio contrahit, scit vel scire debet cōditionem eius, quo cū contraxit, l. qui cum alio 19. in princ. D. de reg. juris, aut si ab eo deceptus fuerit, discat cautius mērcari, l. inciuilem 21. C. de furtis, facit l. 3. in fine, ibi: quia qui admisit eum fideiubentem, idoneum esse comprobauit, D. de fideiussoribus. Quò fit, vt sciuisse præsumat conditionē debitoris, adeoq; stet pręsumptio cōtrā creditore, eum sc. debitore conditionē non ignorasse. Quod si creditor, tēpore quo secutus est fidē sui debitoris, eiusdē conditionem probabiliter ignorauit (vt si à debitore persuasus, credidisset eum tempore cōtracti debiri multa mobilia possidere, omniq; suspicione carere) tūc eo in statu debitorem habebit iudex, ac si illius conditionē ignorasset creditor, ita vt adhuc sequestrō & capturę locus esse possit, ita Menochius li. 2. de arbitrariis iudiciū, casu 87. n. 16, & 17. ac ¹⁰ stabitur

juramento creditoris, causam suspicionis post contractum superuenisse asserentis, Baldus & Salicetus in l. 1. C. de rebus creditis, Curtius senior in l. vnica, num. 45. & 46. versic. addo quoque. C. de prohibita sequestratione pecuniarum. 3. requisitum sequitur Menochius antedicto casu 87. num. 18. 4. requisitum, quod debitor non possideat immobilia, vel mobilia quidem sufficientia, quæ tamen facile possent occultari, infra capite proximo latius attingam, ubi dicturus sum de iis, quæ aliquem suspectum reddunt. 5. requisitum, quod post talem grauem mutationem debitoris, ipse creditor rei conscius conquestus sit, hanc rationem habet, quod nisi creditor conquestus fuerit, tacendo¹¹ sibi met videatur detrimentum attulisse, textus in l. si creditores 31. §. planè in recenti, ibi: si probetur posse eum in hereditate morari, non debet post multum temporis ad hanc necessitatem compelli, D. de privilegiis creditorum, l. si ab arbitro 10. ibi Iason, n. 3. Socinus n. 78. D. qui satisfacere cogantur, qui affirmarunt, tempus huius taciturnitatis,¹² ut potè à jure non definitum, iudici arbitrium esse, argumento, l. 1. D. de jure deliberandi, secutus est Menochius sæpe dicto casu 87. num. 19. versic. recedet tamen ab hac regula. 6. requisitum, de signis & præsumptionibus, quibus suspicio fugæ probetur, id totum positum est in iudicis arbitrio, ut docuit Menochius loco iam citato, num. 8. & multis sequentibus, Iason in l. si fideiussor 7. §. ult. num. 25. D. qui satisfacere cogantur, Alexander in l. 2. n.

l. 2. n. 22. D. soluto matrimonio, Tiraquellus in l. si vnquam 8. in verb. omnia vel partem, nu. 31. C. de reuocandis donationibus. 7. requisitum præcedentibus ego adiungo, atque eo antecedēs sextum declaro, scil. non tantum creditum ipsum summarie iudici probandum, vt in 1. requisito dictum, sed etiam suspicionem¹³ fugæ: cum enim prehensio atque¹⁴ captura, nō modici vel leuis, sed maximi præiudicii sit (fit namque iniuria personæ, Curtius in supradicta l. vnica C. de prohibita sequestratione, num. 43.) vt quæ apud graues & honestos viros infamet, Iason in l. 4. §. condemnatum, num. 31. D. de re iudicata: sanè suspicio talis fugæ, ante decretam capturam iudici omnino probanda est. In quo quidem, etsi creditoris¹⁵ iuramento standum esse censuerit Andreas Geil, d. obs. 44. nu. 7. sunt tamen plerique qui suspicionem fugæ debitoris, solo iuramento creditoris (ad effectum capturæ) probari diffiteantur, referente Curtio, loco prædicto, nu. 42. quare malim ego cum Menochio, quoad 7. hoc requisitum, discreti iudicis arbitrio committere, an iuramento creditoris, necnè standum esset, vt is inspecta qualitate creditoris, & debitoris, sequestrum & prehensionem, vel decerneret, vel denegaret, ita Menochius dicto casu 87. num. 6. in fine. 8. requisitum pariter addo, vt præcedentia omnia de suspecto debitore, velprehendendo, vel sequestro contra cum decernendo, in magno,¹⁶ non etiam exiguo debito obtineant, ita vt attēta debiti exiguitate, capturæ locus esse

non debeat, ne ob minimum quoduis debitum, famæ¹⁷ & existimationis (quæ vitæ æquiparatur l. iusta 9. in principio D. de manumissis vindicta, l. isti quidem 8. in fine, D. quod merus causa gestum, ubi fama vitæ præponitur) læsionē atq; iniuriam debitores patiantur. Id sensisse reperio quoque Menochium in dicto casu 87. n. 16. & faciunt huc tradita per Curtium in d. l. vnica, n. 38. & 39. In cuius confirmationē seruit id, quod vulgo dicimus, de modico,¹⁸ non curare prætorem, textus in l. scio 4. D. de in integrum restitutionib. maximè vt ordinarii juris limites excedat. Cùm verò¹⁹ sequestrationem & prehensionem, in huiusmodi ciuilibus causis & debitis contra dispositionem juris communis introductam, adeoque remedium extraordinarium esse, ad quod non, nisi in subsidium deueniatur, omnes fateantur, vt & idipsum de vtroq; jure nullā dubitationem habet, dicto titulo, C. de prohibita sequestratione pecuniæ, & extra atque in clementinis eodem. Tantò minùs dubitandum quoque est, quin in modicis debitis discretus iudex non facilè ad capturam, vel prehensionem inclinare debeat; cæterùm quod magnum vel modicum debitum sit dicendum, facilè colliget lector ex traditis per Menochium lib. 2. de arbitrariis iudicum, casu 72. quæ huc referre (cum opera eius sint in omnium manibus) supersedeo.

CAPVT VII.

Quibus ex causis, debitor suspectus dici
debeat, & possit,

SUMMARI A.

- 1 Pro debito ciuili, debitor non est incarceran-
dus.
- 2 Carcer penaliū hominū est detentio.
- 3 De relaxando debitore, ex causa ciuili capto, in
Camera Imperiali mandata cum clausu-
la decernuntur.
- 4 Debitor de fuga suspectus, licitè prehenditur &
carceratur.
- 5 Cause propter quas debitor suspectus dicitur.
- 6 An solus defectus bonorum immobilium, debi-
torem faciat suspectum.
- 7 Probitas atq; integritas debitoris, defectum bo-
norum supplet.
- 8 An ob exiguitatem bonorum immobilium,
debitor dici debeat suspectus.
- 9 Possessor vilis cespitis terra, non habetur pro
possessore immobilium.
- 10 Statutum loquens, de possessione domus, non
extenditur ad eum, qui vilissimam do-
munculam possidet.
- 11 Authent. præterea C. unde vir & uxor, præ-
cedere etiam in dote exigua.
- 12 Alienatio rerum ecclesie, non intelligitur de
iis quæ exigua & modice utilitatis sunt.

- 13 *Possidens immobilia pauca, possidenti omnino nulla equiparatur.*
- 14 *Qualitas persona debitoris, causat suspicionem.*
- 15 *Mali mores, non reddunt indifferenter debitorem suspectum.*
- 16 *Semel malus, semper praesumitur malus, in eodem genere delicti.*
- 17 *Statutum, quod credatur libris mercatorum, quomodo intelligendum.*
- 18 *Miles, qui semel militiam deseruit, in futurum praesumitur eam deserturus.*
- 19 *De praeterito, praesumitur in praesens.*
- 20 *Furiosus qui semel fuit, adhuc talis esse, & durare praesumitur.*
- 21 *Causa suspicionis, an copulatiuè requirantur.*
- 22 *Quaestio de debitore suspecto, maiori ex parte, in iudicis arbitrio posita.*
- 23 *Paupertas sola non facit aliquem suspectum.*
- 24 *Paupertatem, & ignobilitatem, nemo sapiens mala dixerit.*

ET si regulariter, pro debito ¹ ciuili, capiendus vel incarcerandus debitor non sit, textus in l. nemo carcerem 2. C. de exactoribus tributorum lib. 10. & in l. non est singulis 176. D. de regulis juris, carcer ² enim pœnaliū & noxiorum hominum est custodia, textus in l. 1. C. de custodia reorum. Adeò, vt in ³ Camera Imperiali, quando aliquis non suspectus de fuga, ex causa ciuili captus est, mandata cum clausula, de relaxando captiuo,

ptiuo, contra Principes & Status immediatè imperio subiectos decernantur, teste Andrea Geil, lib.1.obf.1.num.24.& obf.26. per integram, vbi præiudicia retulit: attamen, quia debitorem ⁴ de fuga suspectum, prehendi, & cæteris concurrentibus carcerari posse, capite proximo demonstravi, non alienum erit etiam causas commemorare, ⁵propter quas debitor suspectus dici & debeat, & possit. Earum autem à Doctoribus 3. præcipuè traduntur. 1. paupertas. 2. mali mores. 3. improbitas antea actæ vitæ, glossa & Doctores in l. si fideiussor 7. §. finali D. qui satisfacere cogantur, Iacobus de Arena in tractatu de sequestris, questione 7. num. 6. Andreas Geil, lib.1.obf.148.n.7. Primam causam, paupertatis sc. Doctores ita interpretati sunt, si debitor omnino nulla possideat immobilia, argumento l. sciendum 15. in principio, ibi: possessores immobilium rerum, satisfacere non compelli, D. qui satisfacere cogantur. Ita Bartolus, Angelus, & reliqui, in d. l. si fideiussor. §. finali, eodem titul. Speculator lib.4. tit. de sequestratione possessionis & fructuum, num. 2. An autem ⁶ ob solum defectum bonorum immobilium, debitor suspectus dici queat, controuersum est. Nonnulli existimantibus suspectum dici posse, è quorum numero est Speculator d. n. 2. ibi: & melius. Aliis interim hoc ipsum iudicis arbitrio committentibus, vt is inspecta & perpensa personæ qualitate, circa causandam suspicionem, vel sequestrationi locum der, vel cam petenti deneget. Ita Baldus in d. l. si fideiussor, §.

finali, D. qui satisfacere cogantur, quem refert & sequitur Curtius senior in l. vnic. C. de prohibita sequestratione pecuniæ, num. 35. vers. ego sequor. Breuiter, hæc posterior opinio scilicet solum defectum bonorum immobilium debitorem non reddere suspectum, verior, magisque recepta est, quam etiam, maximè contra Fulgolum, rectè tueretur & propugnat Menochius lib. 2. de arbitrariis iudicium casu § 7. nu. 9. 10. & sequentibus inquit fieri posse, ut debitor omnino nulla possidens immobilia, possideat mobilia multa, quæ non facile exportari possent, quæque eum minimè suspectum redderent, allegans Baldum, Aretinum, & Socinum in l. Creditor 28. D. de rebus creditis. Posset quoque tanta esse debitoris⁷ probitas, atque fides, nedum ut ob defectum bonorum immobilium suspectus dici minimè deberet, Iason in l. 1. n. 18. D. qui satisfacere cogantur, quem consulendo in terminis secutus est Ioannes Neuizanus consilio § 2. nu. 19. sed etiam ad iuratoriæ cautionem admitti posset, ut infra suo loco dicam. Quod si debitor, non quidem omnino nulla, sed aliqua, verum pauca⁸ & exigua immobilia possideat, eaque tot ac tanta, quæ solutioni debiti satis superque sint, tunc suspectum dici non posse extra controuersiam est. Sin verò exoluendo debito non sufficiant, eo in statu iudicandus erit debitor, ac si omnino immobilia possideret nulla, cum parum & nihil hoc casu æquiparentur, iuribus vulgatis, Menochius antedicto casu § 7. mihi numero 13. Inde possessor⁹ vilis cespitis terræ, in causa ma-

gnæ

gnæ quantitatis pecuniæ, non habebitur pro
 possessore immobilium, glossa in d.l. sciendum,
 D. qui satisdare cogantur. Sic in simili, statuto dis-
 ponente, quod possidens ¹⁰ domum, non de-
 beat tanquam suspectus detineri; qui domuncu-
 lam vilissimam possiderit, statuti beneficio non
 gauisurum scripsit Angelus in §. hinc nobis no-
 nella de heredibus & falcidia, constitutione pri-
 ma. Amplius scripserunt Baldus, Salicetus, & Do-
 ctiores in auth. ¹¹ Præterea, C. unde vir & vxor,
 dispositionem illius authenticæ, (vigore cuius
 si matrimonium sit absque dote, coniunx autem
 præmoriens locuples, superstes verò laboret ino-
 pia, succedit superstes vna cum liberis commu-
 nibus alteriusvè matrimonii, in partem ibi taxa-
 tam) non solum in muliere indotata omnino, vt
 ea partem capiat ex hereditate mariti prædefun-
 cti, sed etiam tum obtinere, si dotata quidem v-
 xor fuerit, sed dote nimium exigua. Sequutos eos
 Curtius in l. vnic. C. de prohibita sequestratione
 pecuniæ, num. 36. pari modo, et si res immobi-
 lis ecclesiæ, extra casus exceptos, alienari ne-
 queant, auth. hoc jus porrectum, C. de sacrosanctis
 ecclesiis: tantò magis si præstiterit iuramentum,
 nihil alienare Romano Pontifice inconsulto, ta-
 men utroq; casu res ¹² mobilis exigua, & modicæ
 utilitatis, quin eam alienare non comprehendetur,
 Panormitanus fusè in c. vt super 8. §. posses-
 siones verò, per illum textum, extra de rebus
 ecclesiæ non alienandis. Quæ omnia eo spe-
 ctant, vt debitor ¹³ pauca immobilia, (debitoque

exoluendo insufficientia) possidens, eo in statu iudicandus sit, ac si omnino possideret nulla, & consequenter idem de illo, quod de hoc statuendum: ita ut, secundum supradicta, discretus iudex, inspecta personæ qualitate, & immobilium exiguitate, prehensionem contra debitorem ut suspectum, vel decernere, vel contra non suspectum denegare debeat, & possit. 2. & 3. causam, de malis moribus, tam presentibus, quam præteritis, hoc est, de antea acta pessimè vita, quod concernit: et si minimè dubitandum, quin⁴ ex personæ qualitate, suspicio perpendatur, item ex timore fugæ, vel recessus, vel quod dolo desierit possidere; attamen rectè scripsit Curtius in supradicta l. vnica, C. de prohibita sequestratione pecuniæ, num. 34. indistinctè verum non esse, quod¹⁵ mali mores reddant aliquem suspectum ad sequestrandum; nisi sint mali mores directè ordinati ad fugam, vel dilapidationem, inferentes secum effectum suspicionis: de aliis enim moribus curandum non est, facit textus in §. finali, ibi: suspectum enim cum putamus, qui moribus talis est, ut suspectus sit, item ibi: qui fraudulenter tutelam administrent, Institutionibus, de suspectis tutoribus, & in l. si cui 7. §. iisdem, D. de accusationibus. Et de his quidem, qui ad fugam ordinati sunt, rectè dicetur, quod¹⁶ semel malus semper præsumatur malus, in eodem scilicet genere delicti, c. semel malus 8. de regulis juris in 6. Iason in l. 1. num. 23. D. qui satisfacere cogantur, Baldus in auth. ei qui iurat, in principio, C. de bonis

autho-

auctoritate iudicis possidentis, Romanus in l. 2.
 D. soluto matrimonio. Vnde, ¹⁷ stante statuto,
 quod credatur libro mercatoris, qualia statuta
 valere extra dubium est, per tradita ab Andrea
 Geil, lib. 2. obser. 20. num. 6. Menoch. lib. 2. de
 arbitrariis iudicium, casu 91. casu 235. num. 30. &
 ante ipsos Baldus in l. 1. num. 16. C. de summa
 Trinitate & fide Catholica, statutum intelligen-
 dum erit, de illo mercatore, qui non sit infamis,
 aut aliàs fallere consueuisset, Iason in §. sed iſta,
 num. 98. Institut. de actionibus, Marsilius in pra-
 ctica criminali, §. diligenter, n. 12. Andreas Geil,
 lib. 2. obs. 47. num. 12. sic, si miles ¹⁸ se in militia
 semel malè gessit, signa vel militiam deseruit, am-
 plius ei non creditur; verisimile enim est, iisdem
 vestigiis deinceps eum quoque incessurum, tex-
 tus in l. non omnes §. §. à Barbaris, ibi: si reman-
 sor aut negligens suorum, aut segnis, aut extra
 contubernium agens, non credetur ei, D. de re
 militari. De præterito ¹⁹ enim præsumitur in præ-
 sens, textus in l. siue possidetis 16. C. de proba-
 tionibus, & in l. non ignorabit 4. C. ad exhiben-
 dum. Quæ ratione, qui fuit aliquo tempore ex-
 communicatus, semper præsumitur excommu-
 nicatus, nisi probetur absolutus, glossa & Panor-
 mitanus in c. proposuit 8. extra de clerico excom-
 municato ministrante. Item, qui fuit ²⁰ semel fu-
 riosus, nunc præsumitur furiosus, & actus ab ipso
 gestus, tempore furoris gestus, eaque ratione
 testamētum nullum, Alexander in l. is potest 18.
 columna 3. versic. item in quantum, vbi egregiè

Maranta in repetitione, mihi num. 140. D. de acquirenda hereditate. Præcedentes 3. causæ cumulata, quia debitorem suspectum reddât, à nemine dubitari video; an autem ²¹ video necessariò copulatiuè requirantur? magis est, nequaquam coniunctim requiri, sed earum alteram, secundum quod contingunt, sufficere. Quare malim conclusiuè totam hanc ²² de debitore suspecto quæstionem, iudicis arbitrio committere, ut is singulis circumstantiis attentis, æstimet an & quando suspectus quis dicendus sit, capturam vel deneget, vel decernat; eiusdem sententiæ est Iacobus de Arena in l. si tutor 9. argumento illius textus, ibi: aliquo vinculo necessitudinis vel affinitatis pupillo coniunctus sit, D. de suspectis tutoribus. Et ab eo non dissentit Curtius in d. l. vnica, C. de prohibita sequestratione pecuniæ, num. 33. versic. sine dubio. Ad extremum addo, solam paupertatem neminem suspectum reddere, etsi is neque immobilia, nec mobilia vlla possideat, textus in l. si creditores 31. §. planè 4. ibi: nec sit quod ei iustè præter paupertatem obiiciatur, D. de privilegiis creditorum, & in §. finali, in fine, ibi: enimvero tutor vel curator quamuis pauper est, fidelis tamen & diligens, remouendus non est quasi suspectus, institutionibus de suspectis tutoribus. Semperque memoratu digna est, à Gratiano relata, Ambrosii sententia: paupertatem & ignobilitatem nemo sapiens mala dixerit, textus in c. illa cauenda, in fine 15. q. 1.

CAPVT VIII.

Virum iudici sequestranti, credi debeat,
suspicionem & timorem scandali
adfuisse asserenti.

S V M M A R I A.

- 1 Si futuri scandali timor subsit, sequestratio permissa.
- 2 Iudici sequestranti, an fides adhibenda, scandali timorem subfuisse asserenti, & n. 8.
- 3 Presumptio pro magistratu militat, & n. 9.
- 4 Index vir bonus a lege appellatur.
- 5 Index presumitur equitatem perpetuò ante oculis habere.
- 6 Index iuramentum, de rectè judicando prestat.
- 7 Nuncii relationi statur, quoad citationem à se executam atque reproductam, & n. 12.
- 10 Index sine causa cognitione procedens, pro priuato habetur.
- 11 Suspicio scandali, à parte allegante probanda.
- 13 Nuncio non creditur, de actu alieno, & iis, quæ ad suum officium non spectant.
- 14 Spoliatus à iudice possessione sua, ante omnia est à superiore restituendus.
- 15 Commissa per iudicem de facto, possunt de facto, absque citatione partis, iterum reuocari.
- 17 Principi an credatur, timorem scandali ad-

fuisse asserenti, quoad sequestrationem factam.

- 18 *Princeps sine causa, neminem sua possessione destituere potest.*
- 19 *Principis assertio, iuramento equiparatur.*
- 20 *In Principe, contra jus positivum quicquam disponente, iusta causa praesumitur.*
- 21 *Principi ex causa res privatorum auferre permissum.*

EX præmissis constat, si futuri ¹ sub sit timor scandali, judicem licitè ad sequestrationem devenire posse, ut supra cap. 3. num. 28. scripsi, sed circa hoc quaesitum est; an iudici ² sequestrati fides adhibenda, scandali timorem subfuisse asserenti? & prima facie videbatur, omnimodo fidem iudici adhibendam esse. Notissimi enim juris est, semper ³ pro magistratu praesumptionem militare, textus in l. 2. ibi: quod non a bitramur, C. de officio civiliu iudicum, textus in c. sicut nobis 16. in fine, ibi: propter auctoritatem iudiciariam praesumi debet, omnia legitimè processisse, extra de sententia & re iudicata, & in c. bona 23. §. contra. Legati verò processum, ibi: pro his quæ à iudice sunt acta, praesumitur quod omnia ritè fuerint celebrata, extra de electione, & electi potestate, textus in c. in praesentia 6. ibi: & tanta sit iudicialis auctoritas, ut semper pro ipsa praesumi debeat, donec contra ipsam aliquid legitimè comprobetur, extra de renunciatione. Idque duabus potissimum de causis, tum, quia
iudex

judex⁴ vir bonus à lege appelletur, textus in l. vir bonus 18. D. judicatum solui, & in l. continuus 137. §. cum ita, ibi: ad judicem, id est. ad virum bonum, D. de verborum obligationibus; vt qui⁵ præsumatur perpetuo equitatem ante oculos habere, textus in l. quod si Ephesi 4. in fine, D. de eo quod certo loco: tum etiam, propter iusiurandum, ⁶ quod de rectè & ritè judicando præstat, textus in l. vltima, ibi: jurati inter gesta depro-
mant, si pro administrationibus sortiendis neque dedisse quidpiam, &c. C. ad legem juliam repetundarum. Menochius in tractatu præsumptionum lib. 2. præsumpt. 67. per totam. Quò spectat, quòd etiam nuncio, ⁷ quoad executionem citationis, asserenti se ritè & legitimè citasse, fides adhibeatur, idque propter electam fidem personæ, & juramenti religionem, qua iudicio obstrictus est. per textum in l. magis puto §. §. ne tamen 13. ibi: dareque viatorem, D. de rebus eorum, &c. & in l. 1. §. quies quoque popularium 12. ibi: & ad referendum sibi quid vbique agatur, D. de officio præfecti vrbi, textus notabilis in l. apparitores §. ibi: relationis suæ fide, & adnotatione perscribant, C. de exactoribus tributorum lib. 10. latè Speculator, lib. 2. tit. de citatione, §. sequitur videre num. 6. Bartolus in l. in illa stipulatione 8. num. 11. D. de verborum obligationibus, Mynfingerus Cent. 5. obs. §. 1. his tamen non obstantibus, veriùs & receptius est, simplici iudicis⁸ asser-
tioni, quoad suspensionem scādali, nequaquam fidem adhibendam, teste Angelo Perulino, qui

consultus ita respondit, consil. 107. incip. Iacobellus, in fine, quem refert & sequitur Curtius senior in l. vnica, C. de prohibita sequestratione pecuniæ, num. 15. Socinus senior consil. 96. colum. 4. versic. præterea ex quo. lib. 1. Paulus Parisius consil. 31. num. 41. lib. 1. Eandem conclusionem probauit Menochius in commentariis de adipiscenda possessione, remedio 6. & ult. nu. 15. Nec obstat vtrique in contrarium adducta dubitandi ratio: nam etsi pro Magistratu⁹ steterit juris præsumptio, eum sc. nihil à jure alienum decernere, tamen id tunc locum habere cōmuniter placuit, si prius ordine seruato, præcedente causæ cognitione, non etiã si extrajudicialiter (quo casu propriuato habetur, Andreas Geil lib. 2. obs. 76. num. 6.) procedat, atque in iis tantum quæ ad suum spectant officium. At suspicio¹¹ scandalis futuri, vera necnè ea sit, nō iudicis officium, sed potius partis læsæ damnum atque periculum directè respicit, adeoque à parte eam allegante sufficienter probanda est, in tantum quod non sufficiat asserentis iuramentum, vt in simili de suspicionem fugæ probanda supra cap. 6. num. 15. dictum. Altera etiam ratio, de executione nuntii eiusque relatione, nullo negotio diluitur; nam, quod nuncio credatur, ¹² quoad executionem citationis à se factam, id ideo fit, quia ad id electus & deputatus est, ac citra dubium ipsiusmet non alterius officium concernit, quò fit vt ei merito, de executionis actu, tanquam de actu proprio, non alieno credatur, vnde si de actu

actu alieno, ¹³ utpote de commissione judicis qui citationem decreuit, attestari vellet, nequam simplici suæ assertioni standum foret, per notata ab Andrea Geil, lib.1. obseruat. § 4. num. 4. & 5. Vnde & hæc ratio ad iudicem, quo ei fides super timore scandali adhibeatur, referri nullo modo possit. Et quamuis à præmissa conclusione recedere videatur Decius in l. si pacto quo pœnam 14. num. 6. C. de pactis: tamen ea conclusio virgēti atque valida ratione nititur, sc. quod iudici non liceat quenquam priuare sua possessione, atque ea etiam per iudicem ¹⁴ de facto destitutus ac spoliatus, sit à superiore in continenti absque citatione restituendus, Panormitanus in cap. ex ratione 8. num. 16. in fine extra de appellationibus, Socinus in tractatu de citatione, artic. 7. num. 66. in vigesimo casu, vbi dicit, quod ea ¹⁵ quæ per iudicem facta sunt de facto, possint etiam & debeant de facto, absque partis citatione reuocari, Baldus in d. l. si pacto quo pœnam, num. 2. C. de pactis. At si iudici crederetur, in casu præscripto, circa suspicionem scandali, simplici sua assertionē attestanti timorem scandali subfuisse, ex ea ad sequestrum possessionis priuatiuum deueniretur. Ergo: cū tamen prohibito ¹⁶ vno censeatur prohibitum omne id, per quod eò peruenitur, textus in l. oratio 16. D. de sponsalib. copiosè Menochius in tractatu præsumptionum, lib. 6. præsumpt. 93. per totam, & ante eum Euerhardus in topicis legalibus, loco à destructione cōsequētis,

ad destructionem antecedentis, Dynus in c. cum
 quid prohibetur 39. de regulis juris lib. 6. Præ-
 missam conclusionem eò extendunt, vt de Prin-
 cipi¹⁷ quidem credatur, asserenti timorem scan-
 dali adfuisse, quando sequestum fieri iussit, cum
 nec Princeps¹⁸ ipse sine causa possessorem sua
 possessione priuare, & destituere possit; Meno-
 chius in commentariis de recuperanda possessio-
 ne, remedio 8. quæstione 2. Cæterùm, hæc ex-
 tensio apud me dubia est, tum quod Principis as-
 sertio¹⁹ recepta consuetudine iuramento æqui-
 paratur, sub principali scil. fide facta, *Bey thren*
Fürstlichen Ehren vnd treuven, Iason in §. item si
 quis postulante, num. § 2. institut. de actionibus,
 Speculator lib. 1. tit. de arbitrio & arbitratore §.
 finali, num. 49. Schurffius consilio 37. incip. in
 præsentia casu, nu. 11. & 21. cent. 2. Andreas Geil,
 lib. 1. obs. 101. num. 14. lib. 2. obs. § 5. num. 4. &
 obs. § 9. n. 2. & per totam, Mynsingerus cent. 1.
 obs. 17. Eoqueiusdem effectus & efficaciæ sit,
 ac si Princeps jurato asseruisset timorem scan-
 dali subfuisse, quo in casu hanc extensionem fortè
 Menochius ipse nō admitteret; tum, quod Prin-
 cipi ex²⁰ causa iusta, quæ regulariter & in dubio
 præsumitur, Mynsing. cent. 4. obs. 8. cent. 5. obs.
 97. respons. 21. incip. Cum anno salutis, &c. num.
 68. Res²¹ priuatorum auferre licitū, idem Myn-
 sing. d. respons. 21. num. 66. & responsio. 32. nu.
 17. Andreas Geil, lib. 1. obs. 114. num. 7. lib. 2. obs.
 § 6. per integram, cum pluribus ibi allegatis, Di-
 dacus in epitome de sponsalibus, parte 2. c. 8. §. 9.
 num. 9.

num. 9. Tantoque magis sequestrare, scandalo imminente, permillum censerī debeat.

CAPVT IX.

Possessionem apud tertiū sequestratam, si
turbari contingat, cui detur inter-
dictum uti possidētis,



SUMMARI A.

- 1 Orta contentione, inter sequestram, & primum rei sequestrate possessorem, quis alteri in interdicto retinenda possessionis praferri debeat, & num. 4.
- 2 Fabri sententia in determinatione praecedentis questionis reiecta.
- 3 Menochii sententia, in hac questione determinanda.
- 5 Sequestrum necessarium siue iudiciale primo possessori possessionem non adimit.
- 6 Possidere, & in possessione esse, diuersa.
- 7 Corasii sententia improbata, in sequestro voluntario, possessionem non transferri asserentis.
- 8 Sequestro in locum primi decreti subrogato, primo possessori interdictum retinenda competit.
- 9 In sequestro voluntario, cui competat interdictum uti possidētis, & num. 11. 14. 16. 18.
- 10 In voluntario sequestro apud quem sit possessio.
- 12 Nemo praesumitur iactare utique perdere velle suam possessionem.

- 13 *Civilis possessio, etiam solo animo retinetur.*
- 15 *In voluntario sequestro, regulariter primus possessor non amittit possessionem.*
- 17 *Uti possidetis interdictum, etiam civiliter tantum possidenti competit.*
- 19 *Corassi & Menochii opinio examinata.*
- 20 *Partium voluntate, in sequestrem civilis & naturalis possessio transferri potest.*
- 21 *Vbi lex non distinguit, nec nos distinguere debemus.*
- 22 *Partibus de possessione utrinque contendentibus & in sequestrum voluntarium consentientibus cui competat interdictum uti possidetis, § n. 23. 24.*
- 25 *Rixa & dissidium, sequestro necessario locum faciunt.*
- 26 *Transmissio, custodia causa facta, non transfert possessionem.*
- 27 *Commisissa feodonia, vassallus amittit feudum.*
- 28 *Feudi possessio ut amittatur, sententia declaratoria requiritur, fallit, ut num. 29.*
- 30 *Statuta locorum, certas penas turbantibus rerum possessores, infligentia, accusationem quibus deferant & permittant.*

Sæpè contingit, sequestrem¹ in rei sequestrata possessione turbari, ac inter ipsum & primum possessorem, qui ante factam sequestrationem possedit contendere, ratione possessorii retinendæ, cuius in eo intentando partes potiores sint, qua occasione elegantem questionem, à Doctoribus hinc

hinc inde discussam, qua breuitate possum, hoc capite resoluam. Quæro igitur, si apud tertium possessio sequestrata fuerit, an ipsi possidenti, ante sequestrationem factam, an verò sequestri competat interdictum vti possidetis? Ioannes Faber² in l. vnica, C. de prohibita sequestratione pecuniarum, & in §. retinendæ, n. 3. Institutionibus de interdictis, simpliciter scripsit, interdictum vti possidetis ei qui ante factam sequestrationem possedit, reddi. Quam opinionem si indifferenter intelligas, quemadmodum Doctores eam intellexisse video, vera ea non est, vt ex infra dicendis patebit. Fusius aliquanto³ Menochius in commentariis de retinenda possessione, remedio 3. in deductione interdicti vti possidetis, num. 86. & multis sequentibus, distinctione 4. Casuum, post alios à se relatos, rem totam explicans, eos ipse quoque breuiter referam, & quam iuri scripto benè conueniant, ostendam. Casuum antedictorum primus est, si vnus⁴ tantum certus possessor extat, cuius possessio ex aliqua necessaria causa, vt propter æs alienum, forsan in casu dilapidationis, vt supra cap. 3. num. 6. scripti, est sequestrata, quod sequestrum necessarium dicitur; hoc in casu, si illius rei possessionem turbari contingat, ipsi rei domino, & primo possessori, interdictum vti possidetis contra turbatorem reddi, post alios rectè docuit Faber loco proximè citato. Cum enim, ob⁵ necessarium & iudiciale sequestrum interpositum, rei sequestratæ possessio non amittatur, vt ex

iis, quæ supra capite 2. per me tradita sunt, constat, atque ita primus ille possessor dici nequeat possessione sua, ratione sequestri priuatus, sed mediante persona sequestris, qui in possessione quidem est, sed non possidet (hæc enim duo diuersa sunt) etiamnum possidere; consequens omnino est, illi interdictum vti possidetis (quod rem possessoribus competit), nequaquam denegandum. Hanc decisionem probat Cynus in d.l. vnica, C. de prohibita sequestratione pecuniæ, Bartolus & Baldus ibidem, Curtius senior mihi, num. 64. Ioannes Corasius ⁷ Miscellaneorum juris, lib. 3. cap. 2. num. 14. Qui dum voluit, nec per voluntariam sequestrationem possessorem priuari possessione rei suæ (quamuis contrarium ego supra ex l. licet 17. §. rei depositę ibi: nisi apud sequestrem deposita est, nam tum sequester possidet, D. Depositi demonstrauerim.) Eo ipso, & rãto magis idem quoad necessarium sequestrum (in quo illud apud omnes receptum) seruasse censendus est. Præmissam decisionem eò extendunt, vt etiam tunc procedat, cum iudex possessionem in sequestro penes semetipsum retinet; item, cum sequestrum ⁸ loco primi decreti subrogatur. ita Faber in d. §. retinendæ, num. 7. institutionib. de interdictis, & post ipsum Menochius in deductione interdicti vti possidetis, nu. 90. 2. casus, cum tantum vnus extat certus possessor, qui ob motam sibi controuersiam, sua sponte rem apud sequestrem deponit (hoc sequestris genus voluntarium est) vt si propter securitatem credito-
ris,

ris, vel agentis actione reali, partes voluntariè ad sequestrum descendunt: hoc casu ⁹ si possessio turbetur, vti possidetis interdictum, non illi primo possessori, sed sequestri redditur. Ratio est, quia in hoc ¹⁰ voluntario sequestro, sequester possidere, & in eum possessio voluntate partium translata dicitur, d. l. licet, ibi: sequester possidet, D. de positi, textus in l. interesse puto 39. ibique Iason & communiter Dd. de acquirenda possessione. Verùm, sunt qui in hoc 2. casu dissentiant, & non obstante sequestro voluntario, ¹¹ primo possessori interdictum vti possidetis reddi existiment, Aretinus in d. l. interesse, D. de acquirenda possessione, Corasius d. cap. 2. num. 15. per rationem, quod ex voluntario ¹² hoc sequestro, non præsumatur possessorem voluisse iactare atque ita perdere possessionem suam, argumèto l. cum de indebito 25. in principio, D. de probationibus. Eos sequitur Menochius d. remedio 3. de retinenda possessione, num. 92. saltem quoad civilem ¹³ possessionem, quæ etiam animo solo retinetur, textus in l. 3. §. in amittenda 6. ibi: sed & si animo solo possideas, licet alius in fundo sit, adhuc tamen possides, D. de acquir. possessione. Ego horum ¹⁴ opinionem, in dubio admitto, per id quod supra cap. 2. in principio scripsi, scil. etiam in voluntario sequestro regulariter (nisi aliud nominatim actum sit) possessionem in sequestrem non transire, sed penes primum possessorem ¹⁵ remanere, ideoq; primo possessori in dubio remedium possessorium, pro retinenda pos-

sessione, siue interdictum ¹⁶ vti possidetis com-
 petere, vtpote quod nedum naturaliter, sed et-
 iam ciuilitur ¹⁷ tantum possidenti competit, Me-
 nochius in d. remedio 3. de retinenda posses. n.
 22. versic. 2. quarto. Quod si ita conuenerit, vt
 ad sequestrem possessio transeat, vti que ipsi, non
 primo possessori dabitur ¹⁸ interdictum vti pos-
 sidetis. Quare, si ¹⁹ Menochius & Corasius,
 hunc secundum casum ita interpretentur, vt in
 sequestro voluntario perpetuo, & indifferenter
 penes primum possessorē possessio maneat, eiq;
 interdictum retinendæ competat, tunc eorum
 opinio manifestè falsa est, siquidem certum sit,
 patrium ²⁰ consensu posse in sequestrem (etiam-
 si id regulariter, vt ante dictum, nō præsumatur)
 tam ciuilem, quàm naturalē possessionem trans-
 ferri, textus in supradicta l. licet, D. de positi, & in
 d. l. interesse puto 39. ibi: si omittendæ possessio-
 nis causa, D. de acquirenda possessione. Vtroq;
 in loco, cū lex ²¹ indistinctè loquatur, nec pos-
 sessionem ciuilem à naturali separet, consequens
 est, vt nec nos distinguamus, sed fictā distinc-
 tionem reiciamus, per textum in l. de pretio 8. D.
 de publiciana in rem actione, & in l. impera-
 tor 8. §. diuus, ibi: nec adhibetur distinctio,
 D. de postulando. Tertius casus, si ambo con-
 tendunt ²² se possidere, atque ita quis eorum
 possideat incertum est: Hoc casu, si rei posses-
 sio in sequestro ponetur: eaque perturbetur, in-
 terdictum ²³ vti possidetis non ipsis contenden-
 tibus, sed sequestri reddendum esse (per ratio-
 nem,

nem, quod in sequestrem dicatur translata possessio) docuerunt Aretinus, Corasius (eiulque nomine suppresso Zasius, parte 2. antinomiarum, n. 4.) locis antecitatis, quos secutus est Menochius d. reme. 3. de retinēda possessione, n. 93. Ego nō video, cur magis in 2. quā in hoc 3. casu possessio apud primū possessorem remanere, eiq;
²⁴ interdictū uti possidetis in dubio concedi debeat, cū sequestrum vtrumq;, illis ipsis non negātibus, voluntariū sit, in quo regulariter primus possessor possessionē retinet. Quamvis nō diffitear, consultius esse, sequestri hoc in casu experiundi facultatē, quā ipsis litigantibus cōcedere, qui qua ratione prius de possessione cōtenderunt, eadē ratione de intentādo remedio possessorio cōtendere possent, adeoq;
²⁵ dissidii & rixæ causa, sequestro necessario forsan locum facerēt, per ea quæ supra c. 3. n. 17. scripsi: æ per eam cōsiderationem, hunc casum sustineri posse arbitror, etsi forsan attēta dispositione iuris scripti, d. lege licet, D. de positi, d. l. interesse puto, D. de acquir. poss. cōtrariū dicendū foret. Quart^o & vlt. casus, si res simplici ²⁶ custodiæ alicuius mādatur, postquā rei dominus eam suo nomine apprehēdit, ut si feudi dominus in casu cōmissæ faloniæ, privato vasallo jure feudi, (iuxta ea quæ tradidit Mynsing. cent. 6. obser. 86. Menochius lib. 2. de arbitrariis judicum, casu 78. num. 3. Clarus lib. 4. receptarum sententiarum §. feudum, quæstione 26. feudistæ communiter in cap. 1. de feudo sine culpa non amittendo, ibi Afflictus, n. 13.)

Feudi possessionem apprehendat, sententia sc.
 priuationis præcedente (nam etsi ob cōmissam ²⁷
 Fæloniam, feudum quoad dominium ipso jure
 amittatur, tamen quoad possessionem ²⁸ afe-
 rendam sententia declaratoria requiritur, Feu-
 distæ in c. 1. §. calidis, de prohibita feudi aliena-
 tione per Fridericum, Baldus in c. 1. §. publici la-
 trones, num. 3. de pace tenenda, nisi Fælonia ²⁹
 notoria sit actuque permanens, per notata ab
 Andrea Geil, lib. 2. ob. § 1. num. 8. & lib. 2. de pa-
 ce publica cap. 3. per totum) & possessionem ali-
 cui tradat simpliciter custodiendam. Hoc casu, si
 possessio turbetur, redditur interdictum domi-
 no feudi, cum illa custodiæ traditio in modum
 sequestri non sonet, nec dominum possessione
 apprehensa priuet, sed custos nomine domini
 possidere dicatur, Faber in d. §. retinendæ, nu. 7.
 institutionibus de interdictis, Menochius in d.
 remedio 3. de retinenda possessione, num. 95.
 Quare si statuta ³⁰ locorum certas penas consti-
 tuant aduersus turbantes rerum possessores, in
 suis possessionibus, locum illa utique habebunt
 in casu 1. & 4. fauore primipossessoris, ut detur ei
 accusatio contra turbantes: in 2. verò & 3. casu
 (propter possessionem transfaram) ipsi sequestri
 accusatio competet, cum is possidere modo præ-
 scripto dicatur, Menochius dicto remedio 3. de
 retinenda possessione, nu. 96. & aliquot sequen-
 tibus qui ita interpretatus est statuta ciuitatum
 Brixia, Patavii, Papiæ, Ferrariæ.

CAPVT X.

Quid in Imperio, circa materiam seque-
strorum, prouisum.

S V M M A R I A.

- 1 *Si subfit timor armorum, licitè ad sequestrationem deuenitur.*
- 2 *Constitutio imperii, de litigiosa possessione, ad materiam sequestrorum spectat.*
- 3 *Sententia §. fin. §. tit. 21. part. 2. ordinat. Cam. imp. de litigiosa possessione inter Principes & status imperii sequestranda.*
- 4 *Prætoris officio incumbit, quibuscumque potest modum, tranquillam & pacatam conseruare rempub.*
- 5 *Sequestratio possessionis, fit vel ad instantiam partium, vel ex officio iudicis, partibus inuitis.*
- 6 *Effectus, & processus constitutionis imperii, de litigiosa possessione sequestranda.*
- 7 *Constitutio imperii de litigiosa possess. sequestranda, quando locum habeat, & nu. 10.*
- 8 *Vno possidente, altero turbante, quæ iudicis partes sint.*
- 9 *Possessione sua, ob alterius contradictionem, nemo destituendus est.*
- 10 *Si constet alterutrum litigantium possidere, sequestrationi locus non est, etiam si periculum armorum subesset.*
- 11 *Processus, ad falsa narrata supplicantis, in Ca-*

mera Imp. decreti, iterum cassantur.

13 *Mendax precator, carere debet impetratis.*

SI partes litigantes, de retinenda vtrunque possessione contendant, ad eò vt subsit periculum ¹ ne ad arma deueniant, eò in casu ex dispositione & practica juris communis iudicem immediatè superiorem licitè ad sequestrationem litigiosæ possessionis procedere posse, supra cap. 3. num. 17. in nono casu, à regula sequestrationis prohibitiua excepto, scripsi: id quod & in Sacro Romano ² Imperio, quoad Principes & Status Imperii, specialiter prouisum reperio, atque huc salubrem illam de litigiosa possessione pragmaticam sanctionem, ordinationi Camerae Imperialis, parte 2. tit. 2. insertam refero. Cuius constitutionis et si 3. separati casus sint, vt in litera ordinationis cuique patet, tamen eorum vltimus ³ in §. finali positus, huic sequestrationis materiae propius conuenit. Is autem sic habet: *Ob auch in obberuertem ersten fall, zwischen den partheyen, die ohne mittell dem reich vnder vvorffte, die possession, oder quasi, auch die geuehr, auß redlicher anzeigung zuueyfeliche, vnd sorgliche emporung, vweiterung oder auffruhr darauß zubeforgen, sollen cammerrichter vnd beysitzer, geuvalt vnd macht haben, auff anruffen der partheyen, oder fur sich selbst ex officio die possession zu sequestrieren, oder aber der quasi possession halben, ahnstatt der sequestration, beyden theilen zugebieten sich derselben zuenthalten, vnd alsobald darauff summarie,*

marie, ohne einigen gerichtlichen proceß, oder andere vventleuffige außfuehrung der sachen, Zuerkennen, vvelchem theil die possession oder quasi einzugeben, oder zu inhibieren seye, sich derselben biß zu endlichem austrag des endlichen rechtens in possessorio plenario zu enthalten, und so das beschehen, soll als dann solches keinem theil an seinem inhaben oder besitz in rechten nachtheilig sein.

*Hæc praxis Imperii, de litigiosa possessione, inter Status Imperio immediatè subiectos sequestranda, fundatur in l. æquissimum (aliàs incip. si cuius rei, vel, si ususfructus legatus) 13. ibi: cur ad arma & rixam procedere patiatur prætor, ⁴ quos potest jurisdictione sua compescere, D. de usufructu, l. illicitas 6. §. ne potentiores, & l. congruit 13. ibi: curare vt pacata atque quæta prouincia sit, D. de officio præsidis, textus in l. si super 9. ibi: præses prouinciæ interpellatus, vim fieri prohibebit, C. de transactionibus. Quæ jura omnia expressè disponunt, quòd si res ad arma spectare videatur, iudicis officio incumbat, eique permillum sit, litigiosam possessionem, ⁵ vel ad partium instantiam, vel ipsis contradicentibus ex officio sequestrare, cum qua juris communis dispositione hæc imperii constitutio omnino conuenit, ibi: *und sorgliche emporung, vweiterung, oder auffruhr darauß Zubefahren, item ibi: sollen cämerrichter und beyfuzer geuvalt und macht haben auff anruffen der partheyen, oder fur sich selbst ex officio die possession zu sequestrieren.* Cuius quidem inhi-*

bitionis vel sequestrationis is præcipuè⁶ effectus
 est, vt partes de possessione contendentes, quàm
 primum facta sequestratione, in Camera Impe-
 riali citentur, ad producendum articulos causales
 super asserta possessione, & vt prætensa sua iura
 Possessoria, testibus si possunt, vel aliis admini-
 culis, summariè deducant, interim verò ab armis
 abstineant, victori litigiosa possessio adiudicetur,
 donec in possessorio ordinario plenissimè dedu-
 catur & cognoscatur, cui partium non momen-
 tanea, sed vera possessio irreuocabiliter, iudicis
 sententia adiudicanda sit. Ita in Camera Imp. vi-
 gore præmissæ constitutionis, in comitiis Augu-
 stanis, de anno, &c. 1548. erectæ, & ordinationi
 insertæ, obseruatum fuisse refert Mynsing. cent.
 2. obs. 96. In causa ciuitatis Spirensis, contra Epi-
 scopum Spiræsem, *deß Eysbruchs halben auff dem*
Rhein, & in causa eiusdem Ciuitatis, contra Co-
 mitem Palatinum Rheni, Principem Electorem,
die Gleidsirrung belangend. Quæ practica, literæ
 ordinationis optimè congruit, ibi: *Bald darauff*
summarie ohne einigen gerichtlichen Proceß, oder
Weytleufftige außfuehrung der sachen Zuerkennen,
welchem theil die possession vel quasi einzugeben,
oder zu inhibieren seye, deren sich biß zu endlichem
außtrag in possessorio plenario zu enthalten. Atq;
 hæc quidem constitutio⁷ imperii, de litigiosa
 possessione inter Principes & status imperii se-
 questranda, tum demum obtinet, cùm status
 vterque vult possessioni incumbere seque magis
 contendit possidere, iuxta l. 1. §. sed si inter, D. vti
 posside-

possideris. Itaque si constet vnum⁸ possidere, alterum turbare, iudicis officio incumbit, vt competentibus remediis, adeoque mandatis pœnalibus vim fieri vetet, simulque possidentem in possess. sua tueatur, textus in d. l. i. §. illud, D. vti possideris, per rationem, quod nemo⁹ sua possessione, ob contradictionem tertii sit destituendus, textus in l. vnica, C. hoc titulo, de prohibita sequestratione, Canonistæ communiter in rubrica & passim de sequestratione possessionis & fructuum, & in Clementinis eodem titulo. Quæ de causa in hoc posteriore¹⁰ casu (si nimirum alteram partium possidere constet) antedictæ Imperii cōstitutioni, de litigiosa possessione sequestranda nequaquam locus erit, nec possessori¹¹ sua possessio sequestrari, aut quò minùs liberè ea vtatur fruatur (etiam si periculum armorum subesset) inhiberi poterit; fieret enim id cum iniuria possidentis, supra citata l. i. §. est igitur, ibi: hoc interdictum tueretur, ne amittatur possessio, D. vti possideris. Quod si¹² apud Cameram Imp. forsitan ad falsa narrata supplicantis, hoc posteriore casu possessio sequestrata, inhibitione decreta sit, impetrati processus iterum cassantur (mendax¹³ enim precator catere debet impetratis, textus in c. sedes Apostolica 15. in fine, c. super literis 20. in principio, extra de rescriptis, c. 2. de crimine falsi, textus in l. et si legibus 5. C. si contra jus vel utilitatem publicam) causaq; principalis victo in expensis condemnato, ad iudicem ordinarium remittitur, ita ex obseruatione styli annotante An-

drea Geil, lib.1.obf.5.num.7.vbi ad id cōfirmandum Augusti tribunalis præiudicium retulit.

C A P V T X I.

Constitutione Imperii, de litigiosa possessione sequestranda, an amittatur possessio, & an ea tantum in interdicto retinendæ locum habeat.

S V M M A R I A.

- 1 *Etiam in sequestratione voluntaria regulariter non præsumitur sequester possidere. Fallit, ut num. 2.*
- 3 *Necessarium sequestrum, possessionem non transfert.*
- 4 *Constitutio Imperii de litigiosa possess. sequestranda, utrumq; casum, & voluntaria, & necessaria sequestrationis complectitur.*
- 5 *Ex constitutione Imperii, sequester non possidet, sed tantum est in possessione custodia causa.*
- 6 *Possidere, & in possessione esse, diuersa sunt.*
- 7 *Andreas Geil, constitutionum Imperii dexter interpres, & styli apud Cameram Imperialem diligens observator.*
- 8 *Custodia causa facta traditio, possessionem non transfert.*
- 9 *Constitutio Imperii de litigiosa possessione sequestranda, privilegio prima instantia derogat. Fallit ut num. II.*

- 10 *Disputatio possessorii plenarii, etiam inter Status Imperii, in Camera non recipitur, sed ad iudicem ordinarium remittitur.*
- 12 *Constitutionis Imperii, de litigiosa possess. verba, interdictum retinenda exprimere, & in id solum concepta videntur.*
- 13 *In exorbitantibus a jure communi, non facile permittenda est extensio ad casus non exceptos.*
- 14 *Sequestratio, jure communi nominatim prohibita est.*
- 15 *Constitutio de litigiosa possessione, remedium ordinarium in Imperio.*
- 16 *Eadem constitutio pacem publicam cōcernit.*
- 17 *Etiam in possessorio adipisc. locum habet.*
- 18 *Ratio ubi eadem, debet esse eadem juris dispositio.*
- 19 *Recessus Ratisbonensis, de anno, &c. 1594. sequestrorum mentionem faciens, ad arresta Imperii spectat.*

ET si regulariter, etiam in ¹ voluntaria sequestratione, non præsumatur rei sequestratæ possessionem in sequestrem esse translata, argumento l. cum de indebito 25. in principio, D. de probationib. & per ea quæ c. 9. n. 15. post Corasium, ex fundamēto juris scripsi: tamen id ² dubitatione caret, voluntate partium, possessionē in sequestrem (cōmodo & vtilitate penes ipsas partes remanēte) transferri posse, per textum in l. interesse puto 39. ibi: si omittēde possessionis causa

D. de acquirenda possessione; in sequestratione autem³ necessaria, penes primum possessorem, possessionem perpetuo remanere, adeoque in primo & tertio casu non sequestri, sed ei qui ante factam sequestrationem possedit, in casu autem secundo ipsi sequestri utpote possessori, facultatem experiundi remediis possessoriiis competere: qua occasione quaro, an præmissa constitutione imperii, rei sequestrate amittatur possessio, & consequenter facultas remedia possessoria (ratione possessionis turbatae competentia) intentandi? sanè tenor constitutionis⁴ utrumque casum & voluntariæ & necessariæ sequestrationis complectitur, ibi: *Auff anruffen der partheyen, oder fur sich selbst ex officio, &c.* Ut constitutio ipsa secundum distinctionem paulò ante præmissam videatur intelligenda, ac minimum in sequestratione voluntaria, partibus ita consentientibus, sequestrate rei possessio amitti, & ad sequestrem facultas intentandi remedia possessoria transferri. Verùm, censuit Andreas Geil, lib. 1. obs. 5. num. 10. in fine, hac constitutione⁵ possessionem non amitti, sed sequestrem custodiæ causa tantum in possessione esse, longè autem inter se distant, possidere⁶ & in possessione esse, textus in l. si quis ante 10. D. de acquirenda possessione: cui, ut aliarum constitutionum⁷ Imperii, de pace publica, pignorationibus, Arrestis, optimò interpreti, stylicæ & praxeos apud Cameram Imperialem post alios diligentissimo observatori, ut qui ad vndecimum annum assessores

munere

munere ibidem perfunctus, in hoc libenter subscribo: indeque puto, si contingat durâte sequestratione, possessionem rei sequestratæ turbari, neutro casu ei penes quem res sequestrata est, sed primo possessori, qui ante sequestrationem decretam possedit, interdictum vti possidetis pro retinenda possessione, contra turbantem competere, iuxta ea quæ supra cap. 9. in casu primo & quarto à me dicta sunt; cum traditio¹ custodiæ tantum causa facta, possessionem non trāsferat, vt in d. cap. 9. num. 26 scripsi. In quoque prænominati Andrea Geil sententiam sine difficultate recipio, dum censuit constitutionem imperii² de litigiosa possessione sequestranda, priuilegio 1. instantiæ derogare, ita vt Principes & Status Imperii, qui aliâs vigore ordinationis Cameræ Imperialis, parte 2. titulis 8. antecedentibus, suo modo & ordine in prima instâtiâ à iudicio Cam. Imp. exempti sunt, *vermög der bevvillig'en und verglich'nen aufstreg*, tamen 1^o ratione litigiosæ possessionis, quoad iudicium nempe momentaneum, & summarium (non etiam quoad plenarium, eius enim disputatio ad iudicem ordinarium remittitur, facit textus & quæ ibi traduntur in clementina sæpè, §. citationem, de verborum significatione, vnde quoad hoc priuilegio³ primæ instatiæ, inter Status Imperii etiamnum locum esse opinor) ibidem rectè conueniantur, Geil lib. 1. obs. 1. nu. 14. obs. 6. num. 1. & 7. Quam eius sententiam verba litigiosæ constitutionis in principio §. fin. optimè confirmât ibi: *zwischen*

de partheye die ohne mittel de reich vnderuorffen,
 & paulò post, Sich derselben biß zu endlichem aus-
 trag deß endlichen rechtens in possessorio plenario
 zu enthalten, itē in d. tit. 21. §. vvo auch zu vvischen
 den partheyen, ibi: das solle vor de ordenlichen rich-
 ter surgenommen und gesucht vverden. An autem
 præmissa Imperii constitutio ¹² de litigiosa pos-
 sessione sequestranda, tantum in possessorio re-
 tinenda locum habeat? id vtique sonare videtur
 ipsius constitutionis verba, quæ in id concepta
 sunt, vt partibus vtrinq; se possidere cõtendenti-
 bus (quod propriū est interdicti vti possidetis, at-
 que ita retinenda possessionis) ipsa litigiosa pos-
 sessio sequestratur. Nec sit facilè permittenda ¹³
 extensio ad casus nō expressos, maximè cū cō-
 stitutio Imperii de sequestranda possess. remediū
 extraordinariū videatur, & cōtra dispositionem
 juris communis (qua ¹⁴ sequestratio nominatim
 prohibita est, l. vnica, C. de prohibita sequestra-
 tione pecuniæ) cōcepta sit, argumento textus, &
 quæ ibi cōmuniter traduntur, in l. 3. §. hæc verba,
 D. de negotiis gestis. Ceterum, existimo ego, sæ-
 pedictā Imperii constitutionē, ¹⁵ de litigiosa pos-
 sessione, inter Principes & Status sequestranda,
 nequaquā extraordinarium, sed ordinariū reme-
 dium esse adeoq; Sacræ Cæsareæ Maiestatis, Le-
 gis animatæ in terra, & cōmuni statuū voto atq;
 consensu, pro Lege Imperii receptam. Cumq; ad
 conseruationem ¹⁶ pacis publicæ spectet, ac eum
 etiā casum in se cõtineat, quo ex dispositione ju-
 ris cōmunis, si scil. periculum armorum sublit, ad
 seque-

sequestrationē possessionis licitè deuenitur, per textum in l. æquissimum, D. de usufructu, & in l. congruit, D. de officio præsidis, cum similibus: ea propter rectè scripsisse arbitror Andreæ Geil, lib. I. obs. §. n. 8. eam constitutionem, nō minùs in possessorio ¹⁷ adipiscendè quàm retinendæ locum habere, ut sc. si vterque status possessionem vacanti ē manu armata apprehēdat, iudicis pātes sint possessionē sequestrare, atq; vtriq; partium inhibere, ne lite in sūmatio possessorio pendētē, ad possessionem accedat, cū eadē ¹⁸ in adipiscēda, quæ in retinenda possessione ratio militet, indeq; eadem debeat censi juris dispositio, textus in l. quæsitū 13. D. de testibus. Est etiam in nouissimo ¹⁹ recessu Imperii de anno 1594. in comitiis Ratisbonensibus sequestrorum mētio facta, sed cū recessus ibi, potius declarationē constitutionis arrestorū, ob varias circa eā, quoad decernenda mādata sine clausula, apud Cameram Imp. ortas hucusq; difficultates, concernere videatur; ea de causa, ne impertinentia inferam, caput illud Ratisbonensis recessus adscribere præmitto, & lectorem ad recessum ipsum ablego.

CAPV T. XII.

An lite pendente, possessio sequestrari possit.

S V M M A R I A,

1. *Sequestratio plerunque fit de possessione rei, neadum in iudicium deducta, & n. 2.*

- 3 *Lite super possessione coapta, an adhuc sequestrationi locus sit.*
- 4 *Lite pendente, nemo possessione sua destituendus.*
- 5 *Ab executione non est incipiendum.*
- 6 *Si possessor de dilapidatione suspectus sit, tunc sequestrationi locum facit.*
- 7 *Iudicium non debet esse elusorium.*
- 8 *Eruetus tempore perituri, vendi debent, & pretium loco rei sequestrari.*
- 9 *Quando fructus dicantur tempore perituri.*
- 10 *Dilapidationis suspicio, iudici probanda est.*
- 11 *Intellectus l. Imperatores, §. finali, D. de appellationibus.*
- 12 *Primus possessor, propter appellationem interpositam, adhuc possessor est.*
- 13 *Appellatio suspendit sententiam iudicis à quo.*
- 14 *Condemnatus, pendente appellatione, non dicitur condemnatus.*
- 15 *Appellationes à sententiis super possessorio plenario latis, recipiuntur, & executionem prioris sententia suspendunt. Fallit, ut n. 19.*
- 16 *Cui licet, quod plus est, utique etiam quod minus.*
- 17 *Pater adulterum filia, & occidere, & contumelia afficere potest.*
- 18 *Statuta, ut in iudiciis possessoris, appellatio executionem non impediat, summaratim veniuntur.*
- 20 *Sequestrum, lite pendente factum, durat, donec*

*nec causa appellationis fuerit finita. Fallit,
ut num. 22.*

- 21 *Finitur sequestrum, vel satisfactione, vel finita
lite.*
23 *Priusquam sententia transeat in rem judica-
tam, lis non dicitur finita.*

COntrouersæ possessionis ¹ sequestratio ple-
cunque fit priusquam partes possessionis
causam in iudicium deducant: unde constitutio
imperii de litigiosa possessione sequestranda duo-
bus proximis capitibus præmissa, expressè dispo-
nit, ut si Principes & Satus Imperii de possessione
vtrunque contendant; resque ad arma spectare
videatur, non tantum possessio ² sequestratur,
sed etiam partes ad deducendum jura sua posses-
soria extrajudicialiter prætensa & iactata, citen-
tur, victori possessio adiudicetur. Quid autem è
conuerso, si scil. litigiosa ³ possessio in iudicium
iam deducta sit, an & tum sequestratio posses-
sionis locum habeat? fieri eam non posse, id suadet;
quod lite ⁴ pendente, nemo sua possessione pri-
uari, vel in ea turbari debeat, textus in l. vnica, C.
de prohibita sequestratione pecuniæ, & in c. 2.
vbi Panormitanus num. 5, extra de sequestratio-
ne possessionis & fructuum. Quò spectant ea,
quæ hactenus de prohibita sequestratione pos-
sessionis, necdum in iudicium deductæ, sunt præ-
missa; potissimum verò, quod lite pendente nihil
innouetur, sed cæpto iudicio suus cursus relin-
quatur, toto titulo extra, ut lite pendente, &c. &

quod lite nondam finita, non sit præposterè ab executione⁵ incip edum, textus in l. 1. C. de executione rei iudicatæ. Verùm ea conclusio, vt inter alia supra cap. 3. nu. 4. dictum, tunc non procedit, si possessor sit homo⁶ perditæ vitæ, suspectus de dilapidatione, re litigiosa malè vtens, ita vt iudicium posset esse frustratoriũ, iuxta l. nam is 6. D. de dolo, quod esse⁷ non debet, textus in l. si prætor 12. D. de iudiciis. Eò siquidem casu, fructuum non tantum naturalium, sed etiam civilium, scil. pensionum, sequestratio fieri licitè poterit, per textum in l. Imperatores 21. §. fin. D. de appellationibus, Dd. in d. l. vnica, C. de prohibita sequestratione pecuniæ, Canonistę in d. c. 2. & in c. fin. extra eodem. Quod si fructus⁸ sint tempore perituri, (hoc est, qui seruando seruari, & ultra 3. ⁹ annos in suâ naturali bonitate, sine corruptione detineri nequeant, Iason in l. 1. §. fuit quæsitum, nu. 31. D. ad S. C. Trebellianum) tunc communiter eò itum est, quod vendi debeant, & pecunia, siue pretium loco rei sequestrari; si distraherentur vel consumerentur, periculo penes sequestrem remansuro, Bartolus & Doctores in l. interesse puto 39. D. de acquirenda possessione, & in l. si oleum 9. D. de dolo malo, Angelus in l. is cui, §. quæri poterit, D. vt legatorum nomine caueatur, Curtius senior in l. vnica, C. de prohibita sequestratione pecuniæ, num. 77. Legitimè¹⁰ tamen probanda est huiusmodi dilapidatio, nec sufficeret eam simpliciter allegare, sicut in simili de probanda suspitione fugæ supra cap.

pra c. 6. n. 13. scripsi. Regula porrò ¹¹ d. l. Imperatores, D. de appellationib. in casu dilapidationis sequestrationem fieri permittens, in causa appellationis, sicut & rubrica præ se fert, illius tituli locum habet; nimirum si pars sequestrationem petens, obtinuerat pro se sententiam, & causa in iudicio appellationis adhuc pendeat, timorq; de dilapidatione subsit. Nam si in prima instantia peteretur sequestratio, regulæ sequestrationis prohibitiuæ adhuc standum foret, d. l. vnica, C. de prohibita sequestratione, & extra eodem titulo, quæ utrobique haud dubiè in prima instàtia loquuntur. Tamen si aliàs primus possessor, ¹² etiam si in prima instàtia succubuerit & cōdēnatus sit, adhuc tamen, propter appellationē interpositam possessor sit, textus in l. sciendū 15. §. qui fundum, D. qui satisfare cogantur. Appellatio enim ¹³ suspēdit sententiā & executionē iudicis à quo, textus in c. pastoralis 53. §. verū quia, extra de appellationib. ad eò ut condemnatus, ¹⁴ appellatione pendēte, nō dicatur cōdemnatus, textus in l. 2. §. fin. D. de pænis: nec ob id sit primus possessor, etiā lata cōtra eum sententia, possessione sua, vel per sequestrationē, vel per alium modū destituendus, sed donec causa appellationis terminata, in possessione manu tenēdus. Maximè, cū hodie ex cōmuni practica, appellationes ¹⁵ à sentētiis in iudicio possessorio (plenario sc. siuè ordinario) latis recipiātur, & executionē prioris sentētiæ suspendāt: quare iudex appellationi in decernenda inhibitione, siue sequestratione nō debet nimis

facilis esse, ne causæ principali præiudicet; cum, extra casum dilapidationis talis inhibitiō, citra iniuriam primi possessoris difficulter fieri posset, Si tamē statuto vel priuilegio cōcessum sit, quod in iudiciis possessoriiis appellatio non impediatur executionem, sed victor (prædicta idonea cautione, de restituenda re cum fructibus, casu quo sententia per iudicem appellatiōis foret retractanda) statim post definitiuam sententiam, in possessionem rei litigiosæ mittatur, tunc utrique & multò magis sequestrationi locus foret, per regulam, cui licet quod plus ¹⁶ est, licet utique quod est minus c. cui licet § 3. de regulis juris lib. 6. Sicut dicimus, cum patri ¹⁷ occidere liceat adulterum filia, cum ea deprehensum, multò magis licebit eundem contumeliis afficere, textus in l. nec in ea 22. §. jus occidendi, D. ad l. juliam de adulteriis. Ac talia quidē statuta, ¹⁸ propter possessorum malitiam (qui, quò liberè & quietè possessione perfruantur, totis viribus eò incumbunt, ut lites in infinitum extrahant, easq; faciant immortales) summa ratione nituntur, & juri communi consentanea sunt, quo in possessorio momentaneo, appellatio omnino verita est, l. vnic. C. si de momentanea posses. fuerit appellatum. Et, ut in possessorio plenatio appellatio recipiatur, tamen ea ¹⁹ executionem prioris sententiæ (non retardat aut suspendit, Maranta in praxi aurea, parte 4. distinct. 9. num. 44. Vide Andream Geil lib. I. obs. 147. num. 8. & 9. Ex præcedentibus & illud colligitur, sequestrum ²⁰ lite pendente

dente factum, tamdiu durare, donec causa appellationis fuerit expedita. Cum enim non aliter reuocetur ²¹ sequestrum, nisi vel satisfactione, vel lite finita, ut infra suo loco dicam, per textum in l. si fideiussor 7. §. finali, D. qui satisfacere cogantur: causa autem per appellationem interpositam non finita, sed tantum suspensa dicatur, utique durabit facta sequestratio, donec definitiue per iudicem appellationis, pronunciatum fuerit, Speculator lib. 4. tit. de sequestratione possessionis & fructuum, num. 5. versic. sed pone lata est sententia; dummodo ²² per ipsum appellantem non steterit, quò minus debito tempore causa appellationis finiatur, ut si is dolose processum extrahat, quo casu reuocabitur sequestrum, & reo res restituetur, l. si oleum 9. in principio, D. de dolo malo. Imola, & Doctores in l. interesse puto 39. D. de acquitenda possessione. Nec dicitur lis finita ²³ priusquam transierit in rem iudicatam, & sic si per appellationem fuerit suspensa, Curtius senior in l. vnica, C. de prohibita sequestratione pecuniæ, mihi num. 65. 66.

CAPVT XIII.

De probationibus, in possessorio retinendæ, quò sequestra pertinent.

SUMMARIA.

- 1 *Sequestra, ad interdictum retinenda possessionis pertinent.*

- 2 *In possessorio retinenda is obtinet, qui antiquiorem possessionem probat, & num. 14.*
- 3 *Opiniones Doctorum, quid in possessorio retinenda, si probationes utrinque sint aequales, pronunciandum, & num. 6. 9. 10.*
- 4 *Duo in solidum rem eandem, eadem possessionis specie, possidere nequeunt.*
- 5 *Dua possidendi qualitates, in eadem possessionis substantia, concurrere non possunt.*
- 7 *Iudex non debet incertam proferre sententiam.*
- 8 *Baldi facit dictum, circa pronuntiationem in possessorio retinenda, si partes utringq, sint in probationibus pares.*
- 11 *Sortis iudicium, in quaestione juris, non etiam in facti quaestione locum habet.*
- 12 *Possessio in acquirendo & retinendo magis de facto, quam de iure participat.*
- 13 *Lis possessionis sorte dirimi nequit.*
- 15 *Antiquiore possessione probata, possessio iniusta & clandestina esse praesumitur.*
- 16 *Prator non tuetur in possessione eum, qui ab adversario suo, vi, clam, vel precario possidet.*
- 17 *In possessorio retinenda, qui probat suae possessionis titulum, alteri titulum non probanti praefertur.*
- 18 *Titulata possessio magis iustificatur per viam rationis.*
- 19 *Dignior & iustior est petitio proprietatis.*
- 20 *In possessorio iudicio, articuli super proprietate non sunt impertinentes.*
- 21 *In possessorio, articuli super proprietate concepti, eius*

pti, eius effectus non sunt ut principaliter super petitorio pronuncietur.

- 22 Cateris paribus, & in dubio, pro reo ferenda est sententia, & num. 25.
- 23 Favorabiliores in jure, rei potius quàm actores habentur.
- 24 Extensio ad l. favorabiliores, de regulis juris.
- 26 Indicis officio incumbit, equitatem ante oculos habere.
- 27 In possessione retinenda, si partes in probationibus per omnia pares sint, possessio equaliter dividenda est. & num. 30.
- 28 Usufructu duobus in solidum relicto, possidebit quilibet dimidia.
- 29 Duobus in solidum heredibus institutis, hereditas aequis partibus inter eos dividenda est.

EXtra controuersiam est, sequestra¹ ad interdictū retinendæ possessionis pertinere, partibus sc. utriq; se possidere cōtendentibus, & jura possessoria potiora prætendentibus; qua de causa, non alienum à præsentī instituto fore arbitratus sum, si quis in interdicto retinendę possessionis alteri præferendus jure sit, breuiter & succinctè annecterem. In quo quidē articulo, illud ab omnibus receptum video, quod si pars utraq; deducat actus possessorios² obtinere debeat is qui de antiquiore & cōtinuata possessione accuratius probauit, per textū in c. licet causam 9. §. ex præmissis igitur, & §. finali, ibique glossa, in verb.

vti possideris, extra de probationibus. In paritate³ verò Probationum, atque ita si possessio litigiosa sit, quid pronunciandum, Doctores multum controuertunt. Nonnullis existimantibus, iudicem hoc casu simpliciter pronunciare debere, vti possidetis, ita possideatis, ita vt neutri victoria tribuatur, refert Speculator lib. 2. tit. de petitorio, possessorio, & spoliatione, in principio num. 32. Verum hæc opinio communiter improbat⁴ur, eò, quòd duo in solidum, eadem possessionis specie rem eandem nequeant possidere, textus in l. 3. §. ex contrario, D. de acquirenda possessione, & in l. si vt certo §. si duobus vehiculum, D. commodati, textus in l. duo 19. in principio, D. de precario. latè Dynus in c. sine possessione 3. num. 19. de regulis juris in 6. vbi num. 24. subiicit, duas⁵ possidendi qualitates in eadē possessionis substantia concurrere non posse. Hanc opinionem⁶ in specie reiiicit Menochius in commentariis de retinenda possessione, remedio 3. num. 740. Alii, hoc in casu nihil pronunciandum, sed supersedendum putant, ne iudex⁷ incertam proferat sententiam, quod fieri non debet, textus in §. curare, ibi Iason, Zasius, & communiter Doctores Institut. de actionibus. Ita sentit Speculator in dicto titulo, de petitorio, possessorio, & spoliatione, num. 32. versic. sed contra, quia si vterque probet, &c. Baldus⁸ in l. præses 3. nu. 1. C. de sententiis & interlocutionibus omnium iudicum, vbi faceret scribit, si in paritate probationum res ita dubia reddatur, vt decidi nequeat,

tunc

tunc iudicem pronūciare debere; eatis cum Deo, vnus vestrum mendacium dixit, nescio quis, allegans l. si duobus 28. D. de iureiurando. Sed & hæc⁹ opinio, sicut præcedens, ab omnibus penè reprobatur, vt per Menochium dicto remedio 3. num. 748. Sunt & alii,¹⁰ qui in hac probationum æqualitate possessionem censeant diuidendam, & vtrique eam pro parte adiudicandam, maximè si hoc petitum sit. Hanc opinionem, etsi non iniquam, in iure tamen non satis firmè fundatam esse ait Andreas Geil, in tractatu de Pignorationibus, cap. 22. num. 6. Verūm admitti ea potest cum certo temperamēto quod infra scripsi. Denique sunt, qui litem in hac difficultate probationum, sorte dirimendam, esse censuerunt, argumento l. sed cum ambo 14. ibi: sorte res discerni solet, D. de iudiciis, & l. si duobus 3. in principio, ibi: vt quem fors prætulerit, is habeat potestatem eligēdi, C. communia de legatis, Baldus in l. vnica, num. 10. C. vt possidetis, Faber in §. retinenda, nu. 29. in fine, Institutionibus de interdictis, Felinus in c. licet causam 9. nu. 44. Extra de probationibus, sed & hæc opinio plerisque displicuit, ob id maximè, quod¹¹ sortis iudicio in quæstione juris, non etiam in facti quæstione, adeoque in casibus tantum expressis locus sit, per textum in l. duo sunt Titii 30. D. de testamentaria tutela. l. in tribus 13, D. de iudiciis; d. l. §. in principio, C. communia de legatis, Felinus loco proximè citato. Possessio¹² verò magis de facto, quàm de iure participat; vt quæ in acquirendo, & retinendo

plus facti quam juris habeat, textus in l. denique 19. D. ex quibus causis maiores, & in l. 1. D. de acquirenda possessione, l. possessio 49. §. 1. ibi glossa, Bartolus, & Doctores, D. eodem tit. Vt lis ¹³ possessionis sorte dirimi nequeat, glossa in l. unica, in verb. prohibebit, C. vti possidetis, nisi contendentes ipsi in sortis iudiciū consentiant, quod facere possunt, per l. si quis in conscribendo 29. C. de pactis, cum similibus, ita Tiraquellus in tractatu de jure primigeniorum, quaestione 17. opinione 1. num. 91. & aliquot sequentibus. Breuiter, putarem 4. subscriptis diuersis conclusionibus, controuersiam circa probationes in interdicto vti possidetis terminari, & probationū æqualitatem, si qua videatur, commodè ad inæqualitatem reduci, & certam sententiam proferri à iudice posse. Earum prima est: in interdicto retinendæ possessionis, quando vterque contendit se in solidum ciuilitè & naturaliter possidere, & vterque probat suam possessionem, ¹⁴ obtinere debet is, qui antiquiorem possessionem probauit, Didacus in c. possessor, part. 2. §. 1. num. 1. & 3. De regulis juris in 6. textus in c. licet causam 9. vbi glossa, in verb. vti possidetis, & Panormitanus, num. 35. extra de probationibus. Probata ¹⁵ namque antiquiore possessione, possessio iunior clandestina præsumitur, atque iniusta, vt is possessor iunior in iudicio possessorio, meritò debeat succumbere, cùm Prætor ¹⁶ non tueatur in possessione, ab aduersario vi, clam, vel precario possidentem, textus in l. 1. §. fin. ibique Bartolus num.

num.18. D.vti possidetis, Maranta in praxi aurea, parte 4. distinct.7. num.19. Plotus in repetitione l. si quando 9. num.99. C. vnde vi, Didacus in libro Practicarum quaestionum, cap.17. ad finem, Afflictus decis.363. nu.3. Boërius decis.239.n.6. Menochius in cōmentariis de retinēda possess. remedio 3. num.725. & post hos omnes, quamuis iis non relatis, Andreas Geil in tractatu pignorationum cap.22. num.8. Secunda conclusio, si vterque probauit æqualiter, nec de alterutrius partis antiquiore possessione constat, tunc si vnus ¹⁷ probat titulum, alter non, pro eo qui titulum suæ possessionis tanquam magis coloratæ, melioris, & iustioris probauerit, pronuntiabitur, textus in d.c. licet causam, vbi glossa in verb. titulum, ibique Baldus, nu.30. Felinus num.33. extra de probationibus, Bartolus in l. si duo 3. num.4. versic. sed si vterque, D. vti possidetis, Iason in l. naturaliter 12. §. nihil commune, nu.39. D. de acquirenda possessione. Titulata ¹⁸ enim possessio, vt loquuntur, nudæ possessioni præfertur, quasi quæ magis iustificetur per viam rationis, Baldus in l. ordinarii 13. num.10. C. de rei vendicatione, & in l. post sententiam 9. num.4. C. de sententiis & interlocutionibus omnium iudicum. Semperque proprietas, tanquam dignior ad se possessionem, quasi per consequentiam trahit, quia ¹⁹ iustior est petitio proprietatis, textus elegans in l. bona fides 31. §. 1. ibi: mihi reddēda sunt, quæ factio lcelestissimo adempta sunt, D. de positi. Quò fit vt articuli ²⁰ de proprietate,

in hoc iudicio non sint impertinentes; adeoque
 utile sit, articulare & probare dominium simul
 cum possessione, non quidem eo fine, ²¹ ut super
 petitorio principaliter sententia fectatur (fieri
 enim id propter repugnantiam nequit, textus in
 l. naturaliter 12. §. nihil commune, D. de acqui-
 rendâ possessione) sed ad colorandum, & adiu-
 uandum possessorium, ita Socinus iunior in d. §.
 nihil commune, num. 145. D. de acquirenda pos-
 sessione, quem post plures alios, in eam senten-
 tiam retulit Menochius, in commentariis de reti-
 nenda possessione, remedio 3. num. 735. & secu-
 tus est Andreas Geil lib. 1. obs. 81. num. 6. Con-
 clusio tertia titulo non probato, neque etiam an-
 tiquiore possessione, tunc ²² data paritate proba-
 tionum, in dubio pro reo pronunciandum, cuius
 partes sunt ²³ in iure fauorabiliore, l. fauorabi-
 liore 125. D. de regulis juris; c. cum sunt 11. eod.
 titulo in 6. facit l. qui accusare 4. & quæ ibi tra-
 duntur, C. de edendo. Hanc conclusionem ²⁴
 extendunt, ut procedat, etiam si probationes acto-
 ris in aliquo probationes rei excedant, quia &
 tum in fauorem rei pronunciandum, Decius in
 d. l. fauorabiliores, mihi n. 1. ibique Carolus Mo-
 linæus in additionibus, litera A. Idem Decius cō-
 silio 564. & in cap. 3. extra de probationibus; latè
 Andreas Alciatus in tractatu præsumptionum,
 reg. 3. præsumpt. 44. facit glossa l. in tribus 13. in
 verb. Actorem, D. de iudiciis. Ac conclusionem
 ipsam ²⁵ uti æquam secuti sunt Boerius in c. licet
 causam 9. num. 59. ad finem, de probationibus,
 idem

idem decisione 239. nu. 4. Corneus consil. 282. lib. 4. Faber in §. qui autem, Institut. de interdictis, inquiens eam praxi Galliæ receptam. Quam etsi impugnet probabiliratione Menochius, tamen & illo in casu eandem admittit, quo verè constat, quis actoris, & quis rei partes sustineat, ut per eum in dicto remedio 3. de retinenda possessione, mihi n. 759, versic. hæc ergo opinio, &c. qui casus haud dubiè ab illis quos antè citavi, præsupponitur. Quarta & postrema conclusio; si ne hoc quidem patere potest, quod per rarò vsupenit, tunc æquius est, ut iudex (cuius officio incumbit ²⁶ æquitatem ante oculos habere, l. quod si Ephesi 4. D. de eo quod certo loco) inter ²⁷ partes possessionem æqualiter diuidat, Bartolus in l. 3. n. 4. ff. vti possideris. Vvesenbecius ad Schneidvvinum in §. vlr. Institutionibus de interdictis, Faber in d. §. retinendæ, num. 30. eodem titulo, inquiens multa exempla occurrere posse, in quibus iudex pro vtraque parte judicare debeat, verbi gratia; in nemore controuerso, in quo alter alterum turbat, & intentato interdicto suam possessionem vterque æqualiter probat. Tunc enim inquit Faber, dubium non est, quin iudex possit pronunciare pro vtroque, inhibere vtrique, ne alter alterum turbet, vel impediat, modumque vtendi præscribere, per textum in l. 3. in principio ibi: neuter nostrum vincetur, nam & tu possides, & ego, D. vti possideris. Quemadmodum haud dissimili ratione placuit, si duo sint fructuarii in fundo, eò quod cuilibet relictus sit vsusfructus ²⁸

in solidum, vt ii partes faciant per concursum, & vterque debeat esse in possessione pro dimidia, textus l. vlt. in principio, D. vti possideris. Idem in duobus legatariis, qui per concursum partes faciunt, & in 2^o duobus institutis in testamento, textus in l. & hoc Titius 41. D. de heredibus instituendis, & in §. si plures instituantur 6. Institutionibus eodem titulo, prolixè Tiraquellus in tractatu de iure primigeniorum, quæstione 17. opinione 4. num. 9. Panormitanus in c. licet causam 9. num. 12. ibi Berous num. 5 2. Decius num. 15. extra de probationibus. Et quamuis Andreas Geil, vt supra scripsi, ante eum quoque Baldus ab ipso relatus hanc quartam conclusionem, in iure minùs firmè fundatam esse asserant; tamen idem Baldus rectè censuit, tunc eam procedere posse, vbi tales possessiones & 3^o probationes essent compatibles, & non aduersariæ: adeoq; si possessio talis foret, quæ in solidum à duobus possideri posset, vt in quasi possessione Castri, jurisdictionis & similium, &c. Cum quo temperamento eadem ipse quoque admitto, sicut & eam conclusionem recepit Menochius in sæpèdicto remedio 3. de retinenda possessione, num. 75 6. versic. procedere etiam posset, &c. de his satis,

CAPVT XIII.

Sequestrum, omiſſa partis citatione decretum, esse ipso iure nullum. Et quis in sequestro procedendi modus.

S Y M M A

SUMMARIA.

- 1 *Citatio, citra nullitatem, omitti à iudice non potest sequestrum decernente.*
- 2 *Defensio, est juris naturalis.*
- 3 *Defensio, nemini est deneganda.*
- 4 *Nullitas ex defectu citationis procedens, statuto tolli nequit.*
- 5 *Defectus citationis, etiam à summo principe suppleri non potest.*
- 6 *In decernendo sequestro, partis grauata citatio, ad euitandam nullitatem requiritur, § n. 9.*
- 7 *Sine preuia causa cognitione, iudex ad sequestrum procedere non debet.*
- 8 *Quæ causæ cognitionem requirunt, etiam partis citationem exigunt.*
- 10 *Vbi periculum in mora, à regulis juris communis recedere permissum est.*
- 11 *Modus procedendi in sequestro, § n. 13. 14. 16.*
- 12 *Sequestrum regulariter contra ius decretum presumitur.*
- 15 *Accessorium sequitur naturam sui principalis.*
- 17 *Dolus auctori suo prodesse non debet.*

RECTÈ censuerūt vnanimiter iurisperiti, citationem¹ fundatā esse super jure naturali, ita vt citra manifestā nullitatem omitti à iudice non possit, eā cōcludēti ratione, quod defensionē respiciat, quæ² juris naturalis est, text⁹ in l. vt vim 3, D. de iustitia & jure, & in l. i. §. cum arietes, D. si quadrupes pauperiem fecisse dicatur, nemini-que³ denegari debet, textus in l. defensionis facul-

tas 7. ibi Bartolus & Doctores, C. de iure fisci, lib. 10. & in l. vnus 18. §. cognituum 9, ibi: defensionem quocunque tempore, postulante reo, negari non oportet, D. de quaestionibus, textus notabilis in Clementina Pastoralis, de sententia & re iudicata, Matanta in praxi aurea, parte 4. distinct. 9. num. 9. & parte 6. tit. de citatione, num. 3. cum sequentibus. Hinc statutum non valet, disponens sententiam cōtra non citatum latam, firmam esse, cum nullitas † ex defectu citationis procedens, statuto tolli nequeat, Baldus in l. 1. num. 7. C. quomodo & quando iudex, &c. Menochius in tractatu præsumptionum lib. 2. præsumptione 48. num. 11. Idem in commentariis de recuperanda possessione, remedio 8. num. 58. & in amplissimo respōso pro republica Genuensis, articulo 4. num. 88. Mynsing. cent. 6. obs. 5. num. 4. Andreas Geil lib. 1. obs. 75 num. 9, & 10. facit textus in §. omnium, Institut. de pena temerē litigantium. Adeoque communiter receptum sit, defectum citationis, ‡ nē à summo principe quidem suppleri posse, per textum in dicta Clementina pastoralis, §. ceterum, ibi: cū illa Imperatori tollere non licuerit, quæ juris naturalis existunt, de sententia & re iudicata, & in c. 1. ibi: nec nos contra inauditam partem aliquid possumus diffinire, extra de causa possessionis & proprietatis, Decius consil. 63. incip. viso puncto, num. 12. & consil. 528. incip. pro resolutione, circa finem, Alexander, Iason, Zasius & communiter Doctores in l. de vnoquoque 47. D. de re iudicata, latè

ta, latè Sebastianus Vantius in tractatu Nullitatum, titulo de nullitate ex defectu citationis, nu. 8. & multis sequētibus. Vnde existimo, in decernendo sequestro, 6^o partis grauata citationem omnino necessariam esse, eaque omissa sequestrum censi debere ipso jure nullum. In cuius confirmationem seruit, quod sine 7^a præuia causæ cognitione, iudex ad sequestrum procedere non debeat, textus in l. si fideiussor 7. §. finali, ibi: si hoc iudici sederit, D. qui satisfacere cogantur. At, quæ causæ 8^a cognitionem requirunt, partis citationem etiam exigunt, textus in l. nec quicquam 9. §. vbi decretum, D. de officio proconsulis & legati, & in l. nam ita Diuus 39. ibi: æstimabunt iudices, adhibitis etiam his, qui contradicerent, D. de adoptionibus, & vtrouque communiter Doctores, Andreas Geil lib. 1. obs. 46. num. 10. facit l. in causâ 13. §. causâ cognita, ibi: & præsentibus aduersariis, D. de minoribus, l. 3. §. si causâ cognita, D. de bonorum possessionibus, d. l. de vnoquoque, D. de re iudicata. Et ex præmissis à me fundamentis hanc sententiam, sequestrum sc. partis 9^a citationem requirere, veriore censuit, & post plures à se relatos secutus quoque est Curtius senior in repetitione l. vnica, num. 40. versic. & istam partem, C. de prohibita sequestratione pecuniæ: subiiciens, nisi periculum esset in mora, ne sc. fuga debitoris suspecti instrueretur, quo casu censeret partis citatione opus non esse, id quod ante eum scripserat Baldus in d. l. si finita, §. finali, D. qui satisfacere cogantur. Quæ

impetranti, tanquam actori, terminum, vt libellum producat, & de prætèso jure suo doceat: qui, si in mora fuerit, litemuè dolosè extrahat, tunc etiam ante litem finitam, ne dolus¹⁷ auctori suo profit, l. is qui à debitore 9. D. quæ in fraudem creditorum, & l. i. §. i. D. de doli mali & metus exceptione, sequestrum relaxabitur. Ita Bartolus & Doctores in d. l. si oleū, D. de dolo malo, Currius senior in d. l. vnica, C. de prohibita sequestratione pecuniæ, mihi num. 54.

CAPVT XV.

Sequestrum, an possit die in honorem Dei feriata, decerni, & an tali die, iterum reuocari.

S V M M A R I A.

- 1 *Sequestrum, an die in honorem Dei feriata decerni possit, & n. 8. 9. 10.*
- 2 *Ratione tēporis, suspenditur interdū jurisdictio,*
- 3 *Ferias repentinas indicere, soli principi permissū;*
- 4 *Repentina feria, solennibus equiparantur.*
- 5 *Ferias sanctorum Gregorius IX. Pontifex sēper addidit, easque solennibus & repentinis adequauit.*
- 6 *Ferias solennes, & repentinas, non admittere partium renunciationem.*
- 7 *Publicū jus, priuatorū pactis, mutari nō potest.*
- 11 *Vbi periculum in mora, à regulis juris communis recedere permissum est.*

- 12 *Feria, rem alterius auferre non debent, etsi solutionem differre possint.*
- 13 *Clericus in realibus, coram iudice seculari re-
tè conuenitur.*
- 14 *Clericus in iudicem secularem efficaciter con-
sentire nequit.*
- 15 *Clericus in iudicem secularem consentiens,
pena arbitraria punitur.*
- 16 *Fuga periculo imminente, etiam Clericus à
laico propria auctoritate prehendi potest,
ut suo iudici presentetur.*
- 17 *Contrariorum eadem est natura. Fallit, ut
num. 22.*
- 18 *Nihil tam naturale, quàm eo genere quidquã
dissolvere, quo colligatum est.*
- 19 *Sequestrum, die feriata etsi decerni, tamen ta-
li die reuocari non potest.*
- 20 *Cessante causa, cessare debet cause effectus.*
- 21 *Diuersa ratio, reformat pactum.*
- 23 *Feris ad utilitate hominum indictis, ut sunt
messium, & vindemiarum, partium,
consensu expressè & tacitè renunciari po-
test.*
- 24 *Fauori pro se introducto, renunciare cuius
permisum est.*

IN materia sequestrorum, inter alia quæ situm quoque est, an possit sequestrum, citra nullita-
rem, ¹ die in honorem Dei feriata decerni? du-
bitandi causa esse potuit, quod ratione ² tempo-
ris nonnunquam suspèdatur iurisdictio, & exer-
citium

citium illius impediatur, utpote feriis superuenientibus in honorem Dei indictis, quæ jure Cæsareo solennes dicuntur, & in l. 2. atque iterum in l. omnes 7. C. de feriis, ordine recensentur; vel etiam feriis repentinis, id est, ob res publicas prosperè gestas, aut aliam publicam gratulationem, ab ipso principe³, cui soli hoc permisum est, aliis denegatum, textus in l. à nullo 4. C. de feriis, indictis, de quibus feriis loquitur l. sed etsi pet prætor² 26. §. si feriæ 7. D. ex quibus causis maiores. Has enim repentinās⁴ siue Imperiales ferias, Imperatores præcedentibus æquipararunt, d. l. omnes, & l. ult. C. eodem titulo, ita quidem ut talibus feriis, nulla quemquam urgere debeat admonitio, nulla fideiussionis flagitari exactio, sed debeant tales feriæ esse à cognitionibus vacuæ & alienæ, & quæ præterea in d. l. ultima, C. de feriis habentur. Sanctorum feriās,⁵ in iuribus antedictis Imperatores prætermiserant, eas Romanus Pontifex, Gregorius IX. addidit, & superioribus per omnia adæquavit, ut est textus in c. ultimo, extra de feriis. Quoad has ferias omnes communiter placuit, cum eæ partim jus diuinum, partim jus publicum respiciant, quod iisdem ne à⁶ partibus quidem ipsis, nedum à iudicibus, renunciari efficaciter possit, per textum in d. c. finali, ibi: ut consentientibus⁷ etiam partibus nec processus habitus teneat, nec sententia, quam contingit diebus huiusmodi promulgari, extra de feriis. Facit textus in l. jus publicum 38. D. de pactis, Speculator lib. 2. tit. de feriis, §. finali, nu. 1.

& sequentibus, Baldus, Angelus, & Iason in l. i. ff. eod. tit. Itaq; in illis iudicis officium ⁸ conquiescet, & quicquid extra casus exemptos, talibus feriis factū fuerit, nihil operabitur, Baldus in l. cum antea §. circa finem, C. de receptis arbitris. Felinus in cap. significasti 18. num. 9. extra de foro competenti, Vantius in tractatu nullitatum, titulo de nullitate ex defectu jurisdictionis ordinariæ, n. 129. & sequentib. Ex quibus haud dubiè consequi videtur, vt & iudex huiusmodi diebus feriatis, ⁹ ad sequestrum decernendum progredi facile non debeat, ac citra nullitatem, eò deuenire ne quidē possit; verum ¹⁰ censuerunt Baldus & Salicetus in l. vnica, C. de prohibita sequestratione pecunię, si in expectando diem non feriata, mora periculum sit allatura, vt si inde fuga debitoris instrueretur, iudicem ad capturam, & prehensionem debitoris, atq; ita ad sequestrū personale etiam die in honorem Dei feriata, procedere posse, per regulam proximo capite traditam, quod vbi ¹¹ periculū in mora, à regulis juris communis licitè recedatur, textus in l. de pupillo §. §. meminisse & §. si quis riuos, ff. de operis noui nunciatione. Ita in specie, posse debitorē de fuga suspectū, etiam die feriata in honore Dei, adeoq; propria creditoris authoritate, irrequisito iudice capi, si citra periculum requiri iudex nō possit, & tantò magis ab ipso iudice, vel eo prehensionem concedente, scripsit Iason in §. omniū, n. 77. cum sequētib. Institutionibus de actionibus, nisi creditor scienter cū suspecto contraxisset, textus &

commu-

communiter Doctores in l. qui bona 13. §. de illo
 queritur 6. ibi: ab initio vitiosas ædes cōduxerūt,
 & habēt quod sibi imputent, D. de damno infe-
 cto. Nam vt feriæ¹² regulariter solutionē differ-
 re possint, d. l. vlt. ibi: vt à cunctis executionibus
 excusetur, C. de feriis, certè rem alterius auferre
 nec possunt, nec debent, præclare Baldus in l. si vt
 proponis 4. per illum textum, C. quomodo &
 quando iudex, glossa cōmuniter adprobata, in d.
 l. vlt. in verb. fideiussionis, C. de feriis, inquit
 debitorem de fuga suspectū capi posse, etiam die
 in honorem Dei feriata, ad illum effectum, vt
 det fideiussorem de soluendo, vel de stando juri,
 Doctores plerique ibidem. Qui id eò extendūt,
 vt etiā in clerico¹³ debitore, aliās à jurisdictione
 iudicis sæcularis, in personalibus (nam in realibus
 sunt qui dissentiant, per rationem l. vlt. C. vbi in
 rem actio exerceri debeat, quorum sententiam
 Cam. Imp. iudicando sequitur, teste Mynsingero
 cent. 1. obs. 22. cent. 2. obs. 67. cent. 4. obs. 95.
 cent. 5. obs. 93. n. 6. & Andrea Geil lib. 1. obs. 37.
 num. 4. vtrouique præiudicia vide) exempto, ita
 vt ne volens quidem,¹⁴ in iudicem laicum con-
 sentire, eiusq; jurisdictionē prorogare possit, tex-
 tus in c. si diligenti 12. extra de foro competenti,
 ac contra faciens pœna iudici arbitraria¹⁵ punia-
 tur, Baldus in l. 1. in fine, C. de indicta viduitate
 tollenda, Menochius lib. 2. de arbitrariis iudiciū,
 casu 430. num. 3. locum habeat, ita vt non minùs
 is, si de¹⁶ fuga suspectus sit, prehendi à credi-
 tore laico, tum authoritate iudicis, tum ju-

dice irrequisito, etiam die in honorem Dei feriata, licitè possit, eo tamè fine, vt iudici suo præsentetur, lason in l. de pupillo 5. §. si quis riuos, num. 2. D. de operis noui nunciatione. Sed quid in casu conuerso. An sicut decerni die in honorem Dei feriata, ita etiam reuocari tali die sequestrum possit? Reuocari posse suadere id videtur, quod contrariorum¹⁷ eadem natura sit, textus in §. 1. Institutionib. de his qui sunt sui vel alieni iuris, & in l. 1. D. eodem titulo, textus qui ad id communiter allegatur, in l. illud 32. D. ad legem Aquiliam. & in l. si mandato meo 45. §. quoties, ibi: ita ex eadem causa obligatos, habere mandati actionem, vt liberentur, D. mandati. Item vulgata iuris regula: Nihil¹⁸ tam naturale esse, quam eo genere quidquam dissoluere, quo colligatum est, l. prout quidquā 80. D. de solutionibus, l. nihil tam naturale 35. D. de regulis iuris. Sic si ex forma statuti legatum potest probari duobus testibus, eodẽ modo reuocatio legati poterit duobus testibus probari, Baldus in l. vltima, versic. ex his infero, C. de fideicommissis, Alexander in l. inter stipulantem 83. §. sacram, circa finem, D. de verborum obligationibus, glossa notabilis in l. minor 25. annis, 39. in principio, D. de euictionibus, quam vt singularem retulit Curtius senior in l. si pacto quo pœnam 14. C. de pactis, vt ita iudex sicut in decernendo sequestro siue prehensione, die feriata facilis fuit, in reuocando quoque difficilis esse non debeat. Quod ad sequestrum personale attinet, cui decernendo, etiam
dic in

die in honorem Dei feriatâ, locum eſſe ſcripſi, magis eſt, vt dicamus, etſi decerni, tamen ¹⁹ reuocari die feriatâ non poſſit. Id quod ſenſiſſe viſuſ eſt Balduſ in l. cum proponaſ 9. & au. h. ſeq. C. de bonis authoritate iudicis poſſidēcis, dum ſcripſit: quod ſuſpectuſ de fuga, etſi poſſit capi, & detrudi in carcerem; tamen non poſſit recom- mendari in carceribus die in honorem Dei feriatâ, ad effectum vt relaxetur. Quæ ſententia, ratione ea nititur, quod in decernendo periculum fugæ immineat, quod caſu regulâ iuris communis tranſgredi licitum eſt, d. l. de pupillo §. §. meminifſe, & §. ſi quiſ riuos, D. de opetis noui nuntiatione, altero vero caſu, debitore in carcere detento, nihil cauſæ ſit, cur contra iuris vtriuſq; diſpoſitionem, feriarum ſcil. ſolennitate obſtante, tali die relaxari debeat, ita vt cauſa ²⁰ ea ceſſante, merito ceſſare debeat effectus cauſæ, c. cum ceſſante 60. extra de appellationibus, & c. Etſi Chriſtuſ 26. §. penultimo, de iure iurâdo, l. quod dictum §. 2. D. de pactis, l. adigere 6. §. quamuis 2. D. de iure patronatus. Ac planè hic dicendum ſit, diuerſam ²¹ rationem reformare pactum; vt eſt textuſ in l. interpoſitaſ 13. C. de tranſactionibus. Ex quibus præmiſſa iuris regulâ, quæ habet contrariorum eandem naturam eſſe, nullo negotio diluitur. Nam illa catenûſ procedit, quatenus eadem ratio eſt in vtroque, per textum in l. inter ſtipulâtem 83. §. factam, ibi: ſed hæc diſſimilia ſunt; D. de verborum obligationibus, gloſſa ſingulariſ in c. præterea §. in verb. ex eo, extra de officio ju-

dicis delegati, Decius consil. 652. incip. in causa, vt vulgò, num. 14. At ²² diuersa ratio est, in relaxando, quàmprehendendo, vt supra dictum. Ergo, catetùm in aliis feriis, quin sequestrum personale & decerni & relaxari possit, nullam difficultatem esse existimo. Nam etsi feriis solennibus & repentinis (extra casus exceptos, de quibus Doctores in l. 1. §. finali, & l. sequenti, D. de feriis, Canonistæ in capit. ultimo, extra eodem titulo) renunciari in effectum nullo modo queat: aliis tamen feriis, ²³ à lege vel statuto ad hominum utilitatem inductis, vt sunt feriæ messium, & vindemiarum, tam expressè, quàm tacitè renunciari posse receptum est, argumento l. si quis in conscribendo 29. C. de pactis, & l. pactum 46. D. eodem titulo, estque de hoc textus expressus in d. cap. finali, ibi: licet diebus feriatis, qui gratia messium, vel vindemiarum, ob necessitates hominum indulgentur, procedi valeat, si de partium processerit voluntate, extra de feriis, textus & ibi Doctores in l. 1. D. eodem titulo, Alexander consil. 36. incip. viso, libro secundo. Guido decisione 215. incip. an executio, vbi omnino vide, Vantius in tractatu nullitatum, titulo de nullitate ex defectu jurisdictionis ordinandæ, num. 131. versic. licet secus in feriis ad utilitatem hominum. Cum enim ex feriæ, principaliter singulorum utilitatem, non publicum ius concernant; ideo dubitandum non est, quin singuli quoque, ²⁴ quorum gratia introductæ sunt, iidem renunciare possint.

possint, talisque actus relaxandi debitoris captivi
 perfici, d.l. si quis in conscribendo, ibique com-
 muniter doctores, C. de pactis.

CAPVT XVI.

Sequestrum, ratione incompetentiæ, an
 nullum sit censendum.

SUMMARI A.

- 1 *Ratione incompetentiæ, iudicis sequestrum de-
 cernentis, an illud nullum censi debeat,
 § num. 13. 16.*
- 2 *Domicilii, contractus, vel delicti ratione, re-
 gulariter quis forum sortitur.*
- 3 *Actor sequitur forum rei, non è diuerso.*
- 4 *Scienter detineri faciens debitorem, coram ju-
 dice incompetente amittit jus crediti.*
- 5 *Jurisdictionis defectus, omni aliorum maxi-
 mus est.*
- 6 *Index, Basis, Fundamentum, Dux, & Impe-
 rator iudicii.*
- 7 *Iudicatum dici non potest ab eo, qui iudicandi
 potestatem non habuit.*
- 8 *Nullitas ex defectu jurisdictionis, sub statuto,
 vel alia dispositione, nullitates reiicientiæ,
 non continetur.*
- 9 *Nullitates, processum iudiciarium concernen-
 tes, in Camera Imperiali, si de meritis causa
 constet, non attenduntur.*

- 10 *Nullitatem, ex defectu jurisdictionis proveniente, etiam Camera Imperii attendit.*
- 11 *Nullitas ex defectu jurisdictionis, quavis alia nullitate maior est.*
- 12 *Practica legum optima interpret, & ab antiqua practica non est recedendum.*
- 14 *Debitor de fuga suspectus, etiam à privato, propria authoritate, die in honorem Dei feriata capi potest.*
- 15 *Coram iudice incompetente litigare nemo cogitur.*
- 17 *Ubires litigiosa sita est, ibi coguntur partes iudicium suscipere.*
- 18 *Nusquam habitat, qui ubique habitat.*

VLterius quæro; an debitor captus, tanquam suspectus de fuga, possit opponere exceptionem incompetentiæ iudicis, capturam & prehensionem, siue sequestrum personale decernentis? atque ita an sequestrum ¹ ratione incompetentiæ censeri debeat nullum? verbi gratia (fugæ suspicionem semper præsuppono) ciuis Augustanus accedit Argentinam, quo quidem in loco ipsum ratione ² domicilii (quia Augustanus) ratione contractus (pono enim Argentinæ ipsum non cōtraxisse) atque etiam ratione delicti (nam & hunc casum excludo) forum non sortiiri extra controuersiam est; etsi alias hisce in casibus forum regulariter quis sortiatur, textus in c. ultimo, extra de foro competenti, & in l. i. ibi: vbi com-

missa

missa vel inchoata sunt, C. vbi de criminibus agi oporteat. Si nūc huic ciui Augustano, per alium quempiam coram iudice Argentinense quæstio moueatur, de debito aliquo, ac is ciuis Augustanus asseratur suspectus esse de fuga, & petatur vt ibidem, Argentinæ scil. vel asseriti debitoris persona, vel equi, aliaue si quæ secum habeat, bona mobilia sequestrêtur: an huiusmodi sequestrum ab incompetête iudice, vt dictum est, decretum, subsistat & de jure efficax sit? sanè videtur omnino quod ciuis Augustanus, possit remissionem petere ad magistratum Augustanum, ac sequestrum siue prehensionem impetrans eò quoque remitti debeat, vt si quas se putet habere actiones contra ciuem Augustanum, ibidem scil. Augustæ vtpote coram ipsius ordinario iudice, iisdem experiatur, per regulam in puncto competentia tritissimam: Actor³ sequatur forum rei, non è diuerso, textus in l. 2. in principio, ibi: juris ordinem conuerti postulas, vt non actor rei forum, sed reus actoris sequatur, & l. in criminali §. in principio, C. de iurisdictione, textus in l. vltima, C. vbi in rem actio exerceri debeat, c. sanè 3. & c. si expressus §. extra de foro competent. Ac de huiusmodi remissione facienda, in contractibus, & delictis, ad locum sc. vbi quis contraxit vel deliquit, est textus in auth. qua in prouincia, ibi: illic etiam juri subiaceat, C. vbi de criminibus agi oporteat, & in c. 1. §. contrahentes, de foro competent in 6. Speculator lib. 2. titulo de primò decreto, §. nunc iudicamus, num. 3. Vt planè

idem de remissione ad locum domicilii, in casu præmissio videatur statuendum, propter generalitatem regulæ, extra territorium, aut supra jurisdictionem jus dicenti, impunè non pareri, textus in l. vltima, D. de jurisdictione. Facit huc doctrina Baldi in c. causam matrimonii 16. circa finem, extra de officio & potestate judicis delegati, ubi decidit: quod scienter ⁴ detineri faciens verum debitorem, autoritate judicis incompetens, perdat jus sui crediti, de eodem Cynus in l. extat 13. D. quod metus causa, & in d. l. 5. C. de jurisdictione. Præterea cuius, in jure mediocriter versato constat; defectum ⁵ jurisdictionis omnium maximum esse, utpote ab ipsa causa efficiente provenientem, judex ⁶ namque potissima pars, & Basis ac Fundamentum, Duxque & Imperator judicii vocatur, ut tradit Baldus in rubrica, C. si à non competente judice judicatum esse dicatur, num. 2. Eoque judicatum ⁷ dici non potest ab eo, qui jus dicendi potestatem non habuit, sicut judex Argentinensis in ciuem Augustanum, textus in l. 1. §. vltimo, ibi: ut judicata accipere debeamus ab eo, cui judicandi jus fuit, D. ad S. C. Tertullianum, textus in l. si se non obtulit 4. §. condemnatum, l. miles 6. §. qui judicati, l. si cum nulla § 8. D. de re judicata, textus in d. l. vltima, D. de jurisdictione, & in l. 1. §. finali, ibi: si inter eos quis dixerit jus, inter quos jurisdictionem non habuit, pro nullo hoc habetur, D. quod quisque juris, l. 2. §. finali, D. de pœnis, quò fit ut nullitas ⁸

tas * huiusmodi statuto, vel sub alia dispositione nullitates reiicente, non comprehendatur, glossa finalis in clementina vnica, de sequestratione possessionis & fructuum. Vantius in tractatu nullitatum, titulo de nullitate ex defectu jurisdictionis ordinariæ, num. 4. Menochius in responso pro repub. Genuensi, artic. 1. num. 1. ²⁷ Hincque est, quod etsi in Camera Imperiali, ⁹ nullitates processus, si alias de meritis causæ, ex actis sufficienter & liquido constet, non attendantur, ita disponente ordinatione Cameræ, parte 3. tit. 34. §. 1. Mynsing. cent. 1. obseruat. 27. cent. 4. obs. 62. cent. 5. obs. 93. num. 1. 2. 3. & 4. Tamen nullitas ¹⁰ ex defectu jurisdictionis procedens (quæ ¹¹ alia quauis maior est, Decius consil. 8. num. 6. & consil. 38. num. 7. Marsilius singul. 10. Menochius lib. 2. de arbitrariis iudicium, casu 337. nu. 12.) ibidem non minùs, atque in consistoriis inferioribus attenditur, æquè in decernendis processibus, quàm in decidendis causis, teste Andrea Geil, lib. 1. obs. 42. nu. 9. Sed hisce, quæ præmissi, non attentis, contrarium verius & receptius est, atque vbiuis locorum communi & antiqua practica (quam ¹² optimam legum interpretem, & iudicando ab ea recedendum non esse, dixit Bald. in c. 1. in principio, vers. & ideo quando capiuntur, de feudo sine culpa non amittendo, idem Baldus, in l. illud 19. D. de excusationibus tutorum, & in consil. 472. incip. statuto communi Papiæ, columna 2. lib. 1. quem referunt & sequuntur Maranta in praxi aurea,

parte 4. distinct. 1. num. 74. Menochius in tractatu presumptionum lib. 2. presumptione 71. n. 22, & lib. 5. præsumpt. 34. num. 10. & 11.) obseruatur, quod sc. in defectum ¹³ satisfactionis possit in alio loco, aduersus exterum, & non subditum sequestratio fieri, quia fit tantummodo ad eum finem, de stando juri, & ne creditor hac ratione, fugæ periculo ex parte debitoris imminente, petitione sua iniquè frustretur, ita Baldus & Doctores in d. l. vltima, C. vbi in rem actio exerceri debeat. Facit l. de pupillo §. §. meminisse, D. de operis noui nunciatione, & quod supra scripsi, debitorem ¹⁴ de fuga suspectum, etiam à priuato propria authoritate, adeoq; die in honorem Dei festiata, prehendi & iudici præsentari posse, donec iudicio sisti sufficienter caueat. Vide quæ in hanc sententiam tradidit Ludouicus Romanus in l. 2. D. de iurisdictione, Curtius senior in l. vnica, C. de prohibita sequestratione pecuniæ, num. 64. Cum quo hanc sententiam ego quoque recipio, ita tamè & ad eum effectum, sicut præmissi, quod debitor satisfdet de iudicio sisti, non in loco (nam is locus, seposito contractu, & delicto, incompetens est, d. c. vlt. extra de foro competenti) sed in loco domicilii, & de re non alienanda vel dilapidanda. Secùs putarem, si peteretur sequestrum ab incompetente ¹⁵ iudice, pro executione sententiæ vel præcepti, tunc enim talis executio ab incompetente ¹⁶ iudice facta, foret omninò retractanda, Curtius in d. l. vnica num. 64. Spectat huc totus titulus, & quæ ibi à Doctoribus traduntur,

duntur, C. si à non competente iudice iudicatum esse dicatur. In reali sequestro, censerem eum iudicem competentem, vbi ¹⁷ res litigiosa sita est, ad sequestrum decernendum, ita vt partes, quamuis quoad personam, subiectæ ei non essent, tamen de incompetencia excipere nequaquam possent, per textum in l. vlt. C. vbi in rem actio exerceri debeat. Vide quæ penè in consimili argumento tradidit Andreas Geil, in tractatu de Arrestis Imperii, cap. 6. per totum. Ad extremum, quæ de debitore suspecto hoc capite scripsi, eadem & multò magis in debitore vagabundo, obtinere arbitror, vt is à iudice non suo prehendi & sequestrari modo prædicto possit. Eò quod nullibi certum domicilium censeatur habere, nusquam ¹⁸ enim habitat, qui vbique habitat, ac proinde vbiuis locorum conueniri possit, textus in l. eius 27. §. penult. ibi: hunc puto sine domicilio esse, D. ad municipalem. l. heres absens 19. ferè per totam, D. de iudiciis, l. dies cautioni 4. §. prætor ait, D. de damno infecto, textus in l. 1. ibi: vel vbi reperiuntur, C. vbi de criminibus agi oporteat.

CAPVT XVII.

Quanto tempore sequestrum durare debeat: quibusuè modis illud finiatur,
& qua actione sequester conueniatur.

S V M M A R I A.

- 1 *Distinctione quinq³ casuum explicatur, quanto tempore sequestrum durare debeat, § n. 2. §. 8. II.*
- 3 *Arbitraria plerumque sunt iudici, quæ in iure expressè non definita.*
- 4 *Dilationes omnes arbitraria dicuntur.*
- 6 *Facto alterius, sine propria culpa, nemo gravandus est.*
- 7 *Melius est non incipere, quàm ab inceptis turpiter resilire.*
- 9 *Casus contingens ex persona debitoris, non debet creditori obesse.*
- 10 *Succurrendum ei non est, qui semetipsum in necessitate posuit.*
- 12 *Instantia judicialis, durat in civilibus Triennio, in criminalibus Biennio, § n. 13.*
- 14 *Terminus durantis instantia, litium abbreviandum gratia introductus.*
- 15 *Sequestra, contra dispositionem juris communis introducta.*
- 16 *Iure pontificio, & consuetudine omnium penè locorum, a tempore instantia, recessam.*
- 17 *In Camera Imperiali tempus instantia non attenditur.*
- 18 *Satisfactione, sine idonea cautione præstita, § lito finita sequestrum relaxatur. (iur.*
- 19 *Satisfactionis verbum, quomodo in iure accipiam.*
- 20 *Cautio sufficiens censenda quæ sit, in iudiciis arbitrio posita.*
- 21 *Leges non verbis sed rebus ipsæ impositæ.*

- 22 *Cautio iuratoria, ad relaxationem sequestri,
an sufficiat, & num. 25.*
- 23 *Offerens se ad iurandum, eo ipso se de periurio
suspectum reddit.*
- 24 *Praelara Baldi sententia, circa iuramentum
calumnia deferendum.*
- 26 *Existente demum conditione, nō antè, res con-
ditionaliter sequestrata, est relaxanda.*
- 27 *Renuocatio sequestri, qualiter petenda sit.*
- 28 *Qua actione sequester, ad rem sequestratam
restituendam, conueniri possit, & n. 31.*
- 29 *In actione, contra sequestrem intentanda, ue-
nit quoque dolus.*
- 30 *Depositi actio sequestraria.*
- 32 *Sequester, num ante litem finitam, officio suo
renunciare cum effectu possit.*

Q Via finiendi sequestri, non vnus tantū mo-
dus in iure, & à Doctōribus traditus est; ac
de actione, qua sequester ipse conueniendus sit,
plerique controuertunt; ea propter postremo
hoc capite, tum definiendo sequestro, tum de
actione qua sequester conueniatur, coronidis
loco, nonnulla subiiciam. Quod vt dilucidius
exequar, subsequentes ¹ §. Causa, perspicuitatis
gratia, distinguo atque constituo. Eorum pri-
mus est, quando actor qui sequestrum impetra-
uit, in causa paratus est procedere, tunc seque-
strum durabit tamdiu, donec lis super re seque-
strata fuerit ad finem & effectum perducta, tex-
tus & ibi Bartolus, Alexander, & communitor

Doctores in l. si fideiussor 7. §. ult. D. qui satisfacere cogantur. Secundus ² si is ad cuius petitionem sequestrum decretum fuit, procedere paratus non est, sed id ex proposito differt & protrahit, quo magis debitorem vexet. Hoc in casu iudex qui sequestrum decreuit, auctori certum tempus prefiget, intra quod, sub pœna perpetui silentii, & cum cōminatione de sequestro relaxando, auctor agere, & de iure suo experiri debeat, argumento, l. sed et si per prætorem 26. §. ait prætor, ibi: si per dilaciones iudicis effectum sit, ut actio eximatur, D. ex quibus causis maiores, & l. diffamari 5, C. de ingenuis manumissis, l. m̄cipiorum 6, ibi: discernere debet prætor, nisi intra tempus ab ipso præfinitum elegisset, actionem legatorum ei non competere, D. de optione legata, textus in c. pastoralis 14. ibi: certum tempus à iudice assignandum, ita ut si partes postmodum exceptiones aliquas voluerint opponere, nullatenus audiatur, D. de exceptionibus. Quantum temporis verò huic auctori ad agendum iudex ³ assignare debeat, cum in iure definitum non sit, censuerunt Iacobus de Arena in tractatu sequestrationis, discreti iudicis arbitrio committendum esse, argumento l. 1. §. 2. ibi: cum dicit tempus, nec adiicit diem, sine dubio ostendit, esse in ius dicentis potestate, quem diem præstituat, D. de iure deliberandi, & post ipsum Menochius lib. 2. de arbitrariis iudicium, casu 457. num. 7. qui in specie d. l. diffamari, C. de ingenuis manumissis id comprobatur. Et iuuatur illa sententia, communi juris theoria, qua ⁴

dilatatio-

dilationes omnes arbitrariæ dicuntur, per textum in l. siue pars 3. vbi Salicetus & Doctores, C. de dilationibus, & in l. 2. §. vtrum autem, D. quemadmodum testamenta aperiantur, textus in c. quoad cōsultationem 15. ibi: qui ad prouocationis subsidium infra id temporis non recurrit, appellandi sibi aditum denegauit, extra de sententia & re iudicata, c. oblata § 7. extra de appellacionibus, Speculator lib. 2. tit. de dilationibus §. 1. versic. & possunt abbreviari, num. 19. & in tit. de citatione, §. nunc de temporum, in fine, num. 4. & §. fin. eod. tit. Maranta in praxi aurea, parte 6. titulo de dilat. num. 15. eamque sententiam Camera Imperii recepit, teste Andrea Geil, lib. 1. obl. 91. num. 13. Casus^s terrius, si creditor qui sequestrum obtinuit, facto iudicis, quo minus agat, impediatur, tunc illud iudicis factum neutri partium obesse debet, per textum in l. 1. ibi: sanè talis itineris diuineratio neutri litigatorum onerosa est, D. si quis cautionibus in iudicio, &c. Quapropter hoc sequestrum relaxari a iuris est, ex quo fieri ab initio non debuit, & ne iudicis facto, ⁶ pars contra quam decretum fuit, præter culpam iniquè grauetur, per c. non debet 22. & c. sine culpa 23. ibi latè Dynus de regulis juris in 6. l. aliud est fraus 131. in principio, ibi: pœna sine fraude esse non potest, D. de verborum significatione; siquidem melius sit ⁷ nō incipere, quàm ab inceptis, propter impedimentum turpiter resiliire, Nouella de litigiosis, constitut. 112. cap. 3. in principio, Iacobus de Atena loco proximè citato,

num. 12. versic. si verò stat per iudicem. quem sequitur Menochius dicto casu 457. num. 9. Casus ⁸ quartus, si creditor ne agat, impediatur casu, tunc talis casus vel superuenit facto creditoris, & reuocabitur sequestum, per iura præmissa, & faciunt huc supra casu secundo tradita, Iacobus de Arena, in sæpèdicto tractatu sequestrationis num. 13. Vel superuenit is casus facto debitoris, eius scilicet contra quem sequestratio decreta, & tunc sequestum decretum permanebit, cum casus ⁹ contingens ex persona debitoris, non debeat creditori, qui pro sua securitate sequestum impetrauit, nocere, aut obesse, l. non debet 74. D. de regulis juris, l. si vnus 27. §. ante omnia, D. de pactis, l. coheredibus 17. C. familiæ erciscundæ, cap. 2. extra de constitutionibus. Nec ¹⁰ succurrendum sit ei, qui semetipsum in necessitate posuit, textus in l. si fideiussor 7. §. si necessaria, in fine, D. qui satisficere cogantur, ita Iacobus de Arena, loco supracitato num. 14. & 15. & post ipsum Menochius lib. 2. de arbitrariis iudiciis, casu 182. num. 62. Facit textus in l. non exigimus 2. §. si quis tamen 8. ibi: si ipse se arctauerit, exceptio ei minimè profit, D. si quis cautionibus in iudicio, &c. l. continuus 137. §. cum ita, ibi: neque tam delicatè progredi debeat, vt reprehensione dignus sit, D. de verborum obligationibus. Quintus ¹¹ casus, si creditor fuit impeditus facto superioris, verbi gratia, si iudex à principe mutatus fuit, & alter in eius locum subrogatus,

gatus, tunc durabit sequestrum tamdiu, donec fuerit satisfdatum, vel lis finem acceperit, Iacobus de Arena in dicto tractatu sequestrationis, mihi num. 16. per l. si fideiussor 7. §. finali, ibi: donec vel satisfdatio detur, vel lis finem accipiat, D. qui satisfdare cogantur, & l. meminisse 10. D. de officio proconsulis & legati, l. ult. D. de penu legata, l. cum apud 20. D. iudicatum solui, Menochius saepe dicto casu 457. num. 11. & antea ipsum Iacobus de Arena in tractatu sequestrationis, d. num. 16. Maranta in praxi aurea, parte 5. vers. & omnia fiant durante instantia, num. 5. Quoad finiendum porro sequestrum, sunt qui censent triennii spacio non amplius illud durare, atque ita tempore durantis instantiæ (in ¹² ciuilibus triennio, textus in l. properandum, quæ aliis est 11. mihi 13. habeo enim duas græcas constitutiones ex Basilicis interiectas, C. de iudiciis, in ¹³ criminalibus biennio circumscriptæ, d. l. properandum ibi: criminales causas iam lex nostra biennio conclusit, & l. ult. C. ut infra certum tempus, Mynsing. cent. 3. obseruat. 44.) terminandum esse, Curtius senior in l. vnica, C. de prohibita sequestratione pecuniæ, num. 57. ob id maximè, quod is terminus ¹⁴ durantis instantiæ, abbreviandum licitum causa introductus sit, supracit. l. properandum, in principio, C. de iudiciis, l. quidam existimauerunt 21. ibi: cum ad officium eius pertineat lites diminuere, D. de rebus creditis, textus in c. nonnulli 28. §. si ibi: lites restringendæ sint potius, quàm laxandæ,

extra de rescriptis, c. finem litibus §. in principio, de dolo & contumacia; meritò ad¹⁵ sequestra extendi debeat, vtpote contra dispositionem juris communis introducta, d. tit. C. de prohibita sequestrat. pecuniæ, & extra, atque in clementinis eodem titulo. Verùm, vix est vt sustineri hæc opinio possit, cùm & iure¹⁶ pontificio c. venerabilis 20. extra de iudiciis, Maranta in praxi aurea, parte §. versic. Et omnia fiant durante instantia, num. 14. & consuetudine omnium penè locorum, à tali tempore durantis instantiæ recessum sit, vt praxis quotidiana docet, & ita¹⁷ in Camera Imperiali, summo Germanicę nationis consistorio, quotidie observari testatur Andreas Geil, lib. 1. obs. 28. num. 3. obs. 141. num. 7. Mynsing. cent. 1. obs. § 1. cent. 2. obs. 48. (quanquam quoad iudices ordinationis, *Vermog der bevwilligten und verglichenen anstrengen*, tempus instantiæ, ibidem præfixum, etiamnum durare ego existimem, ordinatio Cam. Imp. parte 2. tit. 8. §. *Gleicher vveyß vvosich Zutragen vwurde.*) Ac proinde, quoad finiendum sequestrum, certum & limitatum tempus, ab analogia instantiæ constitui difficulter queat. Itaque mihi magis probatur eorum sententia, qui satisfactione¹⁸ siue idonea cautione, & lite finita sequestrum expirare docuerunt, per textum expressum in l. si fideiussor 7. §. ult. ibi: donec vel satisfactio detur, vel lis finem accipiat, D. qui satisfacere cogantur, & in l. si quando 7. ibi: si fideiussores dare non potuerit, tunc ea convenit sequestrari, itaque si dederit fideiussores,

relaxa-

relaxari, C. de ordine cognitionum, l. sciendum
 15. in principio, D. qui satisfacere cogantur, Myn-
 sing. cent. 5. obs. 35. num. 8. responso 66. incip.
 responsi sequentis Thema, nu. 18. item responso
 82. incip. Anna E. de W. num. 2. Andreas Geil in
 tractatu de Arrestis Imperii cap. 1. num. 12. Ac de
 posteriore quidem nulla difficultas est, quin scil.
 lite finita sequestrum finiatur, (dummodo im-
 petrans sequestrum, in procedendo non sit ne-
 gligens, iuxta secundum casum hoc capite præ-
 missum) ita ut pro euentu sententiæ, actori vel
 res sequestrata, pro quantitate scil. debiti, adiu-
 dicetur; vel ab eius impetitione, in defectu pro-
 bationis, reus contra quem decretum fuit seque-
 strum, definitiuè absoluator, textus in l. si oleum
 9. ubi Bartolus & Doctores id tradunt, D. de do-
 lo malo. Quoad satisfactionem verò illud ante
 omnia sciendum est, satisfactionis ¹⁹ verbum in
 iure accipi non de nuda cautione, siue simplici
 promissione, de qua in l. sancimus 3. ibi: cautio-
 nē vel ἀσφαλείαν, minimè fideiussionem, sed nu-
 dam promissionem significare, C. de verborum
 significatione, glossa in c. qua fronte 25. in verb.
 cautione, extra de appellationibus, sed de cau-
 tione idonea & sufficiente, nimirum quæ fit da-
 tis fideiussoribus, vel pignoribus, de iudicio sisti,
 & de re non alienanda, sed restituenda lite finita
 in casu victoriæ, per textum in d. l. sancimus, ibi:
 nisi de satisfactione, vel fideiussione specialiter sit
 mentio facta, & in l. 1. D. qui satisfacere cogantur,
 l. si mandato Titii § 9. §. fin. ibi: si idonea cautio

exigebatur, non videri paritum, si neque fideiussor, neque pignora accepta sint, D. mandati, textus notabilis in l. 4. §. si sub conditione, D. de fideicommissariis libertatibus, l. si debitori 21. D. de iudiciis, Maranta in praxi aurea, parte 6. tit. de satisfactione, num. 1. Menochius lib. 2. de arbitrariis iudicium, cas. 142. nu. 4. qui qualitatem idoneæ²⁰ cautionis, arbitrio iudicis committit. Et si verò, ut præmissum, talis cautio ad id præstetur, de re nimirum lite finita in casu victoriæ iterum restituenda, non tamen requiritur, ut verba illa, de re absque vlla procrastinatione & mora (scil. restituenda) cautioni inferantur, ut Bartolus & alii nonnulli opinati sunt: cum huiusmodi formulæ sublatae sint, Doctores communiter in §. 1. Institutionibus de actionibus, & jurisperitis magis conveniat, sensum ipsum, quàm verba spectare, textus in l. quoniam indignum 15. ibi: verborum non esse necessariam observantiam, C. de testamentis, & leges non²¹ verbis, sed rebus ipsis impositæ sint, l. ut nullo modo 28. C. de usuris, l. 2. in fine, C. Communia de legatis, l. 3. in principio, C. de usuris rei iudicatæ, c. commissæ, 35. §. porrò, de electione in 6. Atque in restitutione facienda, illa clausula, (nulla mora commissæ) quamvis non expressa, tacitè semper subintelligatur, Curtius in l. vnica, C. de prohibita sequestratione pecuniæ, nu. 69. Circa præcedentia quæ situm est: Anne ad sequestrum relaxandum²² cautio iuratoria omnino insufficiens sit, an verò ea effectû relaxationis sequestri aliquo
in casu,

in casu producere possit? & videbatur per iura præmissa, utique eam semper reiiciendam, præsertim cum perditis hisce temporibus ea sit hominum leuitas & temeritas, ut ad juratorias tales cautiones præstandas, non solum quilibet promptus sit, sed etiam plerique semetipsos ad iurandum²³ offerant, eaque oblatione suspectos se de periurio reddant, textus in l. quæ sub conditione 8. in principio, ibi: faciles ad iurandum contemptu religionis, D. de conditionibus institutionum. Vt id, quod olim Baldus²⁴ in l. si post perfectam 24. num. 1. C. de euictionibus, & post ipsum Socinus in c. cæterum 5. num. 8. extra de iuramento calumniæ, atque Maranta in praxi aurea parte 6. tit. de iuramento, num. 11. de calumniæ iuramento, præclare scripserunt, hodie scil. illud ne obolo quidem æstimari, ac magis de calumnia committenda quàm euitanda, litigatores jurare; ad alia quævis iuramenta, ac tanto magis ad juratoriam cautionem transferri quoque possit, Specul. lib. 4. tit. de sequestratione possessionis, & fructuum, num. 2. versic. & melius. Albericus in l. si fideiussor 7. §. fin. D. qui satisfacere cogantur, qui ait se ita semper vidisse praticari in palatiis. At eo non obstante, receptum, & jure maximè pontificio confirmatum video, juratoriam²⁵ cautionē, ad sequestri relaxationem impetrandam, nonnunquam sufficientem esse, textus & ibi cōmuniter Canonistæ in c. per vestras literas 7. §. 1. ibi: sub ea quam potest cautione præstare, extra de donationibus inter virum &

vxorem, glossa singularis in l. 1. C. de assertione
 tollenda, & in c. ex parte 2. extra de verborum si-
 gnificatione; Dummodo tamen persona jurato-
 riam cautionem offerens integræ vitæ, & proba-
 tæ existimationis, non autem de dilapidatione
 aut fuga suspecta sit, Doctores in l. si usufructu 4.
 C. de usufructu, ibi Bartolus num. 4. Ita eam tra-
 ditionem Assessores Cameræ Imperialis recepe-
 runt, & judicando secuti sunt, vt refert Mynsing.
 cent. 2. obs. 11. cent. 5. obs. 35. num. 8. Andreas
 Geil, qui in terminis juris communis id compro-
 bat, lib. 1. obs. 148. num. 6. & lib. 2. obs. 47. num.
 13. Quod si certa conditione res sequestrata fue-
 rit, tunc ²⁶ existente conditione demum, non
 antè relaxatio peti poterit, & fieri in effectu de-
 bebit, textus in l. si qs adfirmavit 9. §. Labeo, ibi:
 nondum impleta conditione, D. de dolo malo.
 Petenda ²⁷ interim sequestri reuocatio est judi-
 cialiter, porrecto scil. coram iudice libello, cau-
 sas reuocandi sequestri continente, vt parti ad-
 uersæ eas, si possit, impugnandi, & sequestri con-
 tinuationem petédi detur copia & facultas; alias
 sine libelli porrectione, facta reuocatio nullius
 momenti aut ponderis, adeoque à iudice supe-
 riore iterum cassanda, & sequestratio respectiue
 confirmanda foret, Speculator lib. 4. tit. de libel-
 li conceptione, §. nunc dicendum, versic. 22. nu.
 14. per text. in l. prolatam 4. C. de sententiis &
 interlocutionibus, c. in præsentia 8. extra de pro-
 bationibus, eum sequitur Menochius cum aliis
 pluribus à se relatis in Cōmentariis de adipiscēda
 possessio-

possessione, remedio 6. & ultimo, num. 20. Sed, qua²⁸ actione sequester ipse (si forsan reddendi tempore adueniente, rem sequestratam restituere detrectet) conueniri poterit? Iacobus de Arena in supracitato tractatu sequestrationis n. 4. censuit actione depositi sequestrem conueniendum esse, per textum in l. ei apud quem §. 1. ibi: in sequestrem depositi actio competit, D. depositi, dolumq; ²⁹ ipsius in hanc actionem venire, per textum in l. si hominem 7. in principio, D. eodem tit. l. qui restituere 68, D. de rei vindicatione. Quæ tamen actio depositi³⁰ ad differentiam alterius dicitur sequestraria, textus in l. si in Asia 12. §. 2. ibi: cum sequestre rectè agetur depositi sequestraria actione, D. depositi, Alciatus in l. sequester 109. nu. 3. in fine, D. de verborum significatione, Matthæus Vuesenbecius in PARATIT. D. depositi, num. 6. Sunt etiam qui existiment, cōtra³¹ sequestrem (utpote ex quodam quasi contractu obligatum ad restituendum) dari actionem præscriptis verbis, quemadmodum aduersus eum qui annulos quos sponsionis causa accepit, reddere recusat, l. si rem 18. §. fin. D. de præscriptis verbis, Curtius senior in l. vnica, C. de prohibita sequestratione pecuniæ, nu. 25. & 26. De quo tamen merito dubitat Alciatus in d. l. sequester num. 3. cum hic sequester non sit, nec de annulo vlla fuerit controuersia. Vide prolixius Bartolum in l. interesse puto 39. num. 5. D. de acquirenda possessione, Panormitanum in c. dilectus filius 2. num. 28. extra de sequestratione.

possessionis & fructuum. Ad extremum, quamvis dubitandum non sit, posse sequestrari³² antelitem finitam officio suo renunciare, illudue iterum deponere, per doctrinam Baldi, in d.l. unica, C. de prohibita sequestratione pecuniæ, ibiq; Curtius senior, num. 27. Tamen id ita accipiendum omnes fatentur, si subsit iusta aliqua renunciandi causa, & interueniat iudicis, qui sequestrum decreuit, licentia & autoritas, ita Curtius d. nu. 27. Hostiensis in summa, extra de sequestratione possessionis & fructuum, n. 5. per textum ad hoc singularem, in l. ei apud quem §. §. fin. ibi; adire eum prætorem oportere, nam plerumque non est permittendum, officium quod semel suscepit, deponere, nisi iustissima causa interueniente, D. depositi. Hæc sunt, quæ in materia sequestrorum potiora, & notatu atque relatione digna esse censui: in quibus quidem tantum abest, quod in jure eruditi lectoris iudicium fastidiam, ut ipsemet ea omnia qualiacunque sunt, rectius sentientis censuræ libenter & ingenuè submittam.

FINIS.

INDEX

INDEX IN HUNC DE SEQUE- STRIS TRACTATVM, TAM RERVM QVAM VERBORVM præcipue memorabilium.

*Cuius prior numerus caput, secundus notas Arithmeticas
super marginales, tertius paginam denotat.*

A

A Executione, non est
processus inchoan-
dus ca. 2. n. 7. p. 10. c. 12. n. 5
p. 74.

Appellationis in causa, si
subsit timor de dilapida-
tione, fructus sequestrā-
tur 3. 6. 15

Armorum iustus timor, cau-
sat sequestrationem 3. 17.
19. & 10. 1. 62.

Altera partium possidente,
non debet iudex ad se-
questrationem procede-
re 3. 18. 19

Ab executione sententiæ ap-
pellari potest 3. 25. 21

Aliud est possidere, aliud in
possessione esse 4. 6. 28

Abbas si cum monacho liti-
get, & c. diuerso si mona-
chus cum abbate, expen-
sæ litis, & alimonix, à

monasterio submini-
strādæ, ne alteruter litena
deserere cogatur 4. 8. 18

Auth. præterea, C. vnde vir
& vxor, procedit etiam
in dote exigua 7. 11. 43

Alienatio rerum Ecclesiæ,
nō intelligitur de iis quæ
exiguæ & modicæ utili-
tatis sunt 7. 12. 43

Alteram ex partibus si pos-
sidere constet, sequestra-
tioni locus non est, etiā si
periculum armorum sub-
sit 10. 11. 65

Andreas Geil, constitutio-
num Imperii dexter in-
terpres, & styli apud
Cam. Imp. diligens ob-
seruator 11. 7. 64

Appellatio suspēdit senten-
tiā iudicis à quo 12. 13. 75

Appellationes à sententiis,
super possessorio plena,

I N D E X

rio latis, in Cam. Imp. recipiuntur, & executionem prioris sententiæ suspēdunt 12.15. & 19.75.
 & 76

Antiquiore possēssiōe probata, possēssio junior iniusta & clandestina præsumitur 13.15.82

Articuli super proprietate, in iudicio possessorio nō sunt impertinētes 13.20.83

Articuli super proprietate concepti, in possessorio eius effectus non sunt, vt principaliter super proprietate pronuncietur 13.21.84

Accessorium, sequitur naturam sui principalis 14.15.90

Authori suo, dolus prodesse non debet 14.17.91

Actor sequitur forum rei, non ē diuerso 16.3.101

Arbitraria plerumque sunt iudici, quæ in iure expressē non definita 17.3.108

Adjurandum se offerens, eo ipso se de periurio suspectum reddit 17.23.115

B

B Vdæi error, de iudicio vindiciario 1.21.7

Bona damnatorum hodie, præterquam in crimini-bus exceptis, non publicantur 3.21.20

Bonorum immobilium defectus solus, an debitorem faciat suspectum 7.6.41

Baldi facerem dictum, circa pronunciationē in possessorio retinendæ, si partes sint in probationibus pares 13.8.80

Baldi præclara sentētia, circa iuramentum calumpniæ deferendum 17.24.115

C

C Asus excepti, à regula sequestrationis prohibitiua c.3.2.1.2.3.4.7.9.11.16.17.20.22.24.26.29.30.31.32.33.p.14. & seq.

Casus, in quibus denegatur viro, vxoris restitutio 3.13.17

Causæ cognitio, requirit citationem partis 5.2.30

Creditor, si sciens prudensque, cum suspecto contrahat, capturæ locus nō est 6.5.35

Contrahens cum alio, conditionem eius scire præsumitur 6.9.35

Creditoris iuramento statum, causam suspicionis, post

- post contractum superuenisse,asserentis 6.10.36
- Captura, maximi præiudicii est 6.14.37
- Creditoris juramento an stetur, quoad probandam suspicionem fugæ 6.15.37
- Capture, in magno, non etiam in exiguo debito locum esse 6.16.37
- Carcer, poenaliu hominū est detentio 7.2.40
- Causæ propter quas debitor suspectus dicitur 7.5.41
- Commisssa per iudicem de facto, possunt de facto absque citatione partis, iterum reuocari 8.15.15
- Contentione orta, inter sequestrem & primum rei possessore, quis alteri in interdicto retinendæ possels. præferendus 9.1. & 14.54. & 57
- Corasii sententia improbata, in sequestro voluntario, possessionem non transferri,asserentis 9.7.56
- Ciuilis possessio, etiam solo animo retinetur 9.13.57
- Corasii & Menochii opinio examinata 9.19.58
- Constitutio Imperii de litigiosa possessione sequestranda, vtrumque casum & voluntariæ & necessariæ sequestrationis complectitur 11.4.68
- Constitutio Imperii de litigiosa possessione sequestranda priuilegio primæ instantiæ derogat 11.9. & 11.69
- Constitutionis Imperii de litigiosa possessione verba, interdictum retinendæ exprimere, & in id solum concepta videntur 11.12.70
- Cōstitutio de litigiosa possessione, remedium ordinarium in Imperio 11.15.70
- Constitutio eadem pacem publicam concernit 11.16.70
- Constitutio Imperii de litigiosa possessione sequestranda, etiam in possessorio adipiscendæ obtinet 11.17.71
- Condemnatus, pendente appellatione, cōdemnatus non dicitur 12.14.75
- Cui licet quod plus est, vtrique & quod minus 12.16.76
- Citatio, citra nullitatem, omitteri à iudice non potest, sequestrum decernente 14.1.87
- Citationis defectus, etiam à summo Principe, suppleri non potest 14.5.88
- Cognitionem causæ quæ

I N D E X

- desiderant, citationem
partis etiam exigunt 14.
8.89
- Clericus in realibus, coram
iudice seculari rectè con-
uenitur 15.13.95
- Clericus, in iudicem sæcu-
larem, efficaciter consen-
tire nequit 15.14.95
- Clericus, in iudicem sæcu-
larem consentiens, pœ-
na arbitraria punitur 15.
15.95
- Contrariorum eadem natura
15.17. & 22.96. & 98
- Causa cessante, cessare debet
effectus 15.20.97
- Coram iudice incompeten-
te litigare nemo cogitur
16.15.104
- Casus contingens ex perso-
na debitoris, non debet
creditori obesse 17.9.110
- Cautio sufficiens censenda
quæ sit, in iudicis arbi-
trio positum 17.10.114
- Cautio iuratoria, ad relaxa-
tionem sequestri, an suf-
ficiat 17.12. & 25.114. &
215
- D**
- D**epositum ab vno, & à
pluribus fieri potest
1.14.5
- Depositarium eiecto, an de-
tur possessorium recupe-
randæ 1.17.5
- Definitio omnis in iure ci-
uili periculosa 1.6.3
- Deposito realis quæ 2.12.12
- Declaratio ad l. Imperato-
res. §. finali, de appella-
tionibus 3.5.15. & 6.12.11.
75
- De relaxando debitore, ex
causa ciuili capto, in Ca-
mera Imp. mandata cum
clausula decernuntur 2.
3.40
- Debitor de fuga suspectus,
licet prebèditur, & car-
ceratur 7.4.41
- De præterito, præsumitur in
præsens 7.19.45
- Disputatio possessorii ple-
narii, etiam inter Status
Imperii, in Camera Imp.
non recipitur, sed ad ju-
dicem ordinariū remit-
titur 11.10.69
- Dilapidationis suspicio, ju-
dici probanda est 12.10.
74
- Doctorum opiniones di-
uersæ, quid in possessorio
retinendæ, si probatio-
nes vtrinque sint pares,
pronunciandum 13.3.6.9.
10.p.80. & seq.
- Duo in solidum rem eandem
eadem possessionis specie
possidere nequeunt 13.4.80
- Dux possidendi qualitates,
in eadem possessionis
substantia, concurrere
non possunt 13.5.80
- Duobus

I N D E X

Duobus in solidum hereditas institutis, hereditas æquis partibus inter eos diuidenda est [13.29.86](#)

Defensio est juris naturalis [14.2.87](#)

Defensio nemini deneganda [14.3.87](#)

Diuerſa ratio, reformat pactum [15.21.97](#)

Domicilii, contractus, vel delicti ratione, quilibet forum sortitur [16.2.100](#)

Debitor de fuga suspectus, etiam à priuato, propria autoritate, die in honorem D E I feriatæ, capi potest [16.14.104](#)

Distinctione 5. casuum explicatur, quanto tempore sequestrum durare debeat [17.1.2.5.8.11.p.107.](#)
& seq.

Dilationes omnes arbitrarie dicuntur [17.4.109](#)

Depositi actio sequestraria [17.30.117](#)

E

EXiguitas bonorum immobilium, an debitorem suspectum reddat [7.8.42](#)

Effectus & processus constitutionis Imperii, delictuosa possessione sequestranda [10.6.64](#)

Etiam in sequestratione vo-

luntaria, regulariter non præsumitur sequester possidere [11.1.67](#)

Ex constitutione Imperii sequester non possidet, sed tantum est in possessione, custodiæ causa [11.5.68](#)

Exorbitantia à jure communi quæ sunt, in iis non facile permittenda est extensio, ad casus non exceptos [11.13.70](#)

Extensio ad l. fauorabiliores, D. de regulis juris [13.24.84](#)

Aequitatem ante oculos habere, iudicis officio incumbit [13.26.85](#)

Existere demum conditione, non antè, res conditionaliter sequestrata est relaxanda [17.26.116](#)

F

FAuori suo, quilibet renunciare potest [2.5.9](#)

Forma sententiæ, in causa sequestrationis puellæ [3.15.18](#)

Fugæ suspensiones iudicis arbitrio committuntur [6.12.36](#)

Fama, & existimatio, viræ æquiparatur [6.17.38](#)

Furiosus, qui semel fuit, adhuc alius esse, & durare præsumitur [7.20.45](#)

I N D E X

Fabri sententia improbata
 9.2.55
Falonia commissa, vasallus
 amittit feudum 9.27.60
Feudi possessio vt amittatur,
 sententia declaratoria
 requiritur 9.28. Fallit
 vt n. 29.60
Fructus tempore perituri,
 vendi debent, & pretium
 loco rei sequestrari 12.8.
 74
Finitur sequestrium, vel satisfactio,
 vel finita lite
 12.21.77
Fauorabiles in iure, rei
 potius quam actores habentur
 13.23.84
Ferias repentinas indicere
 soli Principi permissum
 15.3.93
Feriae repentinae, solēnibus
 aequiparantur 15.4. ibid.
Ferias sanctorum, Gregorius IX.
 Pontifex superaddidit, easque solennibus
 & repētinis adaequauit
 15.5.93
Feriis solennibus, & repentinis,
 partium consensu renunciari nequit
 15.6. ibid.
Feriae rem alterius auferre
 non debent, etiam si solutionem differre possint
 15.12.95
Fugae periculo imminente,
 etiam Clericus a laico,

propria autoritate prehendi potest, vt iudici suo
 praesentetur 15.16.95
Feriis ad vtilitatem hominū
 indictis, vt sunt messium &
 vindemiarum, partium cōsensu
 expresse & tacite renunciari potest
 15.23.98
Fauori pro se introducto,
 renunciare cuius permissum est
 15.24. ibid.
Facto alterius, sine propria culpa,
 nemo grauandus est
 17.6.109

H

Hominum causa, jus omne constitutum i.
 3.2

I

Iudicium, redditur in inuitum
 2.2.9
In voluntario sequestro, an in dubio amittatur possessio
 4.3.26
In necessario sequestro, sequester non possidet
 4.4.27
Iudex non debet ad sequestrationem procedere,
 nisi sumptis prius informationibus
 5.4.30
Iura vigilatibus scripta sunt
 5.5.31
Iudici sequestranti, an fides adhi-

I N D E X

- adhibenda, scandali timorem subfuisse, afferenti 8.1.&8.48.&seq.
- Iudex vir bonus à lege appellatur 8.4.49
- Iudex præsumitur æquitatem perpetuo ante oculos habere 24. ibid.
- Iudex iuramentum, de rectè judicando præstat 8.6.49
- Iudex, sine causæ cognitione procedens, pro priuato habetur 8.10.50
- In principe, contra jus posituum, quicquam disponente, iusta causa præsumitur 8.20.52
- In sequestro voluntario, cui competat interdictum uti possideris 9.9.11.14.16.18.57.&seq.
- In sequestro voluntario, apud quem sit possessio 9.10.57
- In sequestro voluntario regulariter primus possessor non amittit possels. 9.15.57
- Imperii constitutio, de litigiosa possessione, ad materiam sequestrorū spectat 10.2.62
- Imperii constitutio, de litigiosa possessione sequestranda, quando locum habeat 10.7.&10.64.&seq.
- Iudicium non debet esse eulorium 12.7.74
- In possessorio retinendæ, si partes sint in probationibus per omnia æquales, possessio æqualiter diuidenda est 13.27.&30.85.&seq.
- In possessorio retinendæ, si obtinet, qui antiquiorē possessionem probat 13.2.&14.79.&82
- In decernendo sequestro, partis grauatæ citatio, ad euitandam nullitatem requiritur 14.6.&9.89
- Incompetentiæ ratione, iudicis sequestrum decernentis, an illud nullum censi debeat 16.1.13.&16.100.&104
- Iurisdictionis defectus, omnium aliorum maximus 16.5.102
- Iudex Basis, fundamentum, Dux & Imperator iudiciū 16.6. ibid.
- Iudicatum dici non potest ab eo, qui iudicandi potestatem non habuit 16.7.102
- Instantia judicialis durat in ciuilibus triennio, in criminalibus biennio 17.12.&13.111.&seq.
- Iure pontificio, & consuetudine omnium penè locorum, à tempore in-

I N D E X

- stantiæ recessum esse [17.16.112](#)
- In Camera Imperii, tempus instantiæ non attenditur [17.17.117](#)
- In actione, contra sequestrum intentanda, venit quoque dolus [17.29.117](#)
- ## L
- L**eges non verbis, sed rebus ipsis impositæ [1.1. & c. 17.21.114](#)
- Lex ubi non distinguit, nec nos distinguere debemus [9.21.58](#)
- Lite super possessione cepta, an adhuc sequestrationi locus sit [12.3.73](#)
- Lite pendente, nemo possessione sua destituendus [12.4.117](#)
- ## M
- M**agistratus errant, qui rem litigiosam penes alteram partium sequestrant [1.19.6](#)
- Marito vergente ad inopiam sequestratur dos, ad sustentationem mulieris [3.3.14](#)
- Mariti ob nimiam sævitiam, mulier in loco honesto sequestratur [3.12.17](#)
- Mulier obærato marito scienter nubens, constante matrimonio dotem non repetit [6.8.35](#)
- Modicum non curat prætor [6.18.38](#)
- Mali mores, non reddunt indifferenter debitorem suspectum [7.15.44](#)
- Miles, qui semel militiam deseruit, in futurum presumitur eam deserturus [7.18.45](#)
- Médax precator, carere debet impetratis [10.13.65](#)
- Modus procedendi in sequestro [14. n. 11. 13. 14. 16. p. 90](#)
- Melius est non incipere, quam ab inceptis turpiter desilire [17.7.109](#)
- ## N
- N**untii relationi statur, quoad citationem à se executam atq; reproductam [8.7. & 12.49. & seq.](#)
- Nuntio non creditur, de actu alieno, & iis quæ ad suum officium non spectant [8.13.51](#)
- Nemo præsumitur jactare, atq; perdere velie suam possessionem [9.12.57](#)
- Necessarium sequestrum possessionem non transfert [11.3.68](#)
- Nullitas, ex defectu citationis procedens, statuto tolli nequit [14.4.88](#)
- Nihil tam naturale, quam eo ge-

I N D E X

- eo genere quidque dis-
soluere, quo colligatum
est 15.18.96
- Nullitas ex defectu juridi-
ctionis, sub statuto, vel
alia dispositione, nullita-
tes relicte, non conti-
netur 16.8.103
- Nullitates processum judi-
ciarium concernentes, in
Cam. Imp. si de meritis
causae constet, non atten-
duntur 16.9.103
- Nullitatem ex defectu, ju-
risdictionis prouenien-
tem etiam Cam. Imp. at-
tendit 16.10.103
- Nullitas ex defectu juridi-
ctionis, quauis alia nulli-
tate maior est 16.11.103
- Nusquam habitat, qui ubiq;
habitat 16.18.105
- P
- P**lura sunt negocia, quam
vocabula 1.7.3
- Possessionis commodum per-
magnum 2.8.10
- Puella de cuius matrimo-
nio questio ventilatur,
vsque ad litem finitam in
loco honesto & apud cō-
sanguineos sequestrari
potest 3.14.17
- Possessione sua, ob contra-
dictionē alterius, nemo
priuandus 3.19.20
- Possessionis cōmodum, nō
transit ad sequestrē 4.7.28
- Pro debito ciuili, debitor nō
est incarcerationandus 7.1.40
- Praesumitur de praeterito, in
praesens 7.12.45
- Presumptio pro magistratu
militat 8.3. & 9.48. & 50
- Probitas atq; integritas de-
bitoris, defectum bono-
rum supplet 7.7.42
- Possessor vilis cespitis terrae,
nōn habetur pro posses-
sore immobilium 7.9.42
- Possidēs immobilia pauca,
possidenti cōminino nulla
equiparatur 7.13.43
- Paupertas sola non facit ali-
quem suspectum 7.23.46
- Paupertatem & ignobilita-
tem, nemo sapiens mala
dixerit 7.24.46
- Prohibito vno, cēsetur pro-
hibitū omne id, per quod
ad illud deuenitur 8.16.51
- Principi an credatur, timo-
rem scandali subfuisse as-
serenti, quoad sequestra-
tionem factam 8.17.52
- Princeps, sine iusta causa,
neminem possessione sua
destituere potest 8.18.52
- Principis assertio, iuramen-
to equiparatur 8.19.52
- Principi, res priuatorum
auferre, ex causa permis-
sa 8.21.52
- Possidere, & in possessione
esse, diuersa 9.6. & c. 11. p.
6.56. & 68

I N D E X

Partibus, de possessione vtrinque contendentibus, & in sequestrum voluntarium consentientibus, cui competat interdictū vti possidetis 9.22.23.24. p.58. & seq.

Prætoris officio incumbit, quibuscumq; potest modis, tranquillam & pacatam conseruare rempublicam 10.4.63

Possessione sua, ob alterius contradictionem, nemo destituendus est 10.9.65

Processus ad falsā narrata supplicātis, in Cam.Imp. decreti, iterum cassantur 10.12.65

Possessor, si de dilapidatione suspectus, sequestrationi locum facit 12.6.74

Primus possessor, propter appellationem interpositam adhuc possessor est 12.12.75

Pater adulterum filiæ, & occidere, & contumelia afficere potest 12.17.76

Priusquam sententia transeat in rem iudicatam, lis nō dicitur finita 12.23.77

Possessio in acquirendo & retinendo, magis de facto, quam de iure participat 13.12.81

Possessionis lis, sorte dirimi nequit 13.13.82

Prætor non tuetur in possessione eum, qui ab aduersario vi, clam, vel precario possedit 13.16.82

Petitio proprietatis, dignior & iustior est 13.19.83

Pro reo, cæteris paribus, & in dubio pronunciandum 13.22. & 25.84

Periculum vbi in mora, à regulis juris communis recedere permillum est 14.10.94

Publicum jus, pactis priuatorum mutari nequit 15.7.93

Practica legum optima interpretes, & ab antiqua practica nō est recedendum 16.12.75

Præclara Baldi sentētia, circa juramētum calumniæ deferendum 17.24.115

Q

Quotidiana, plenius attingenda 6.2.33

Qui sciunt, & consentiunt, non fraudantur 6.7.35

Qualitas personæ debito-
ris, causat suspicionem 7.14.44

Quæstio de debitore suspecto, maiori ex parte, in iudicis arbitrio posita 7.22.46

Quando fructus dicantur tempore

tempore perituri 12.9.

47

R

R Ei suæ quilibet mode-
rator & arbiter 2.4.9.Rixa & diffidium, sequestro
necessario locum faciunt
9.25.59Ratio ubi eadem, debet esse
eadem juris dispositio 11.
18.71Recessus Ratisbonensis, de
anno, 1594. sequestro
mentionem faciens, ad
Arresta Imperii spectat 11.9.
ibid.Ratio summa est, quæ pro
religione facit 3.23.21Requisita 4. ut licitè ad se-
questrationem deuenia-
tur 5.1. & 3.21Retinendæ in possessorio,
qui probat suæ possessio-
nis titulum, alteri titulum
non probanti præfertur
13.17.82

S

S In verborum intellectu
rerum difficilis cogni-
tio 1.2.2

Sequester quid sit 1.4.3

Sequestis definitio expen-
ditur 1.5.3Sequestis etymologia dif-
fusa 1.8. ibid.Sequestrationis definitio 1.
9. & 10.4Sequestrum quomodo dif-
ferat à deposito 1.12.15. &
16.p.4. & 5Sequester, medius inter li-
tigantes 1.13.5Sequester, in sequestrat. vo-
lunt. possidet 1.18.6Sequestrum, quomodo à re-
credentia differat 1.20.6Sequester idoneus esse de-
bet, pro quantitate rei se-
questratæ 1.22.7Sequestratio duplex est 2.1.
8Sequestratio voluntaria per-
missa est 2.3.9Sequestratio judicialis, siue
necessaria prohibita est
2.6. & 9.p.9. & 11. 1Sequestratio à Celestino
Papa decreta, per successo-
rem eius Innocentium
11. reuocata 2.10. ibid.Sequestratio judicialis sit
bifariam 2.11.11Subditis contra Dominos,
ob nimiam dominorum
sanctiam, mandatis pec-
nalibus in Cam. Imp. suc-
curritur 3.8.16Scandali futuri ratione à re-
gulis juris communis re-
ceditur 3.27.22Scandalo imminente, spo-
liatus ante omnia non
restituatur 3.28.22

- Sentential. interesse, de acquir. posses. [4.1.25](#)
- Sequestris possessio, partibus nihil prodest ad usucapionem [4.2.15](#)
- Sequestratione interposita, cui competant remedia possessoria, ratione rei sequestratæ [4.5.27](#)
- Stulti, non debent melioris esse conditionis, quam periti [5.6.31](#)
- Sequestratio fit vel de re, vel de persona [6.1.33](#)
- Suspectus de fuga, capi ut possit, quæ requirantur [6.3.33](#)
- Sequester rei vel personæ impetrans, an debitum necessario probare debeat per publicum instrumentum [6.4.33](#)
- Suspicio fugæ, judici probanda [6.13.37](#)
- Sequestratio, remedium extraordinarium, ad quod non, nisi in subsidium devenitur [6.19.38](#)
- Statutum loquens de possessione domus, non extenditur ad eum, qui vilissimam domunculam possidet [7.10.43](#)
- Semel malus, semper præsumitur malus, in eodem genere delicti [7.16.44](#)
- Statutum, quod credatur libris mercatorum, quomodo intelligendum [7.17.45](#)
- Suspicionis causæ, an copulatiuè requirantur [7.21.46](#)
- Scandali futuri timor si subsit, sequestratio permittitur [8.1.48](#)
- Scandali suspicio, à parte allegante probanda est [8.11.50](#)
- Spoliatus à iudice posses. sua, à superiore ante omnia est restituendus [8.14.51](#)
- Sequester necessarius siue iudicialis, primo possessori, possessionem non adimit [9.5.55](#)
- Sequestro, in locum prius decreti subrogato, primo possessori interdictum retinendæ competit [9.8.56](#)
- Statuta locorum, certas penas turbantibus rerum possesores infligunt, accusatione quibus deferant & permittant [9.30.60](#)
- Sententia §. fin. tit. 21. part. 2. ordinationis Cam. Imp. de litigiosa possessione, inter Principes & Status Imperii sequestranda [10.3.62](#)
- Sequestratio possessionis fit bifariam, vel ad instantiam

I N D E X

- tiam partis, vel ex officio
judicis, partibus inuitis
10.5.63
- Sequestratio jure commu-
ni, nominatim prohibita
est 11.14.70
- Sequestratio plerumque fit,
de possess. rei, necdum in
judicium deductæ 12. 1.
& 2.73
- Statuta, vt in iudiciis posses-
soriis, appellatio execu-
tionem non impediat,
summa ratione nituntur
12.18.76
- Sequestum, lite pendente
factum durat, donec ap-
pellationis causa fuerit
finita 12.20. Fallit vt n. 22.
p.76. & 77
- Sequestra, ad interdictum
retinendæ possessionis
pertinent 13.1.79
- Sententiam incertam iudex
proferre non debet 13.7.
80
- Sortis iudiciũ, in quæstione
juris, non etiam in facti
quæstione locum habet
13.11.81
- Sine præuia causæ cogni-
tione, iudex ad sequestrũ
procedere non debet 14.
7.83
- Sequestum regulariter, cõ-
tra jus decretum præsu-
mitur 14.12.90
- Sequestum, an die in ho-
norem Dei feriata, de-
cerni possit 15.1.8.9.11.p.
92. & seq.
- Sequestum die feriata, an
reuocari possit 15.19.97
- Scienter detineri faciẽs de-
bitorem, coram iudice
incompetẽte, amittit jus
crediti 16.4.102
- Succurrendum ei non est,
qui semetipsum in neces-
sitate posuit 17.10.110
- Satisfat. & lite finita, seque-
strum relaxatur 17.18.112
- Satisfacta. verbũ, quomodo in
jure accipiatur 17.19.113
- Sequestri relaxatio, qualiter
petenda 17.27.116
- Sequester, qua actione con-
ueniatur, ad rem seque-
stratam restituendam 17.
28.117
- Sequester, si cadat à possess.
rei sequestratæ, habet a-
ctionem, ad ipsam recu-
perandam 4.5.27
- Sequester, num ante litem
finitam, officio suo re-
nunciare, cum effectu
possit 17.34.118

T

T Vrpe est in iure versã-
tibus, jus ignorare
1.11.4


Tacẽdo sibi præiudicat cre-
ditor, qui conditionem

I N D E X

- fui debitoris non ignorans, iudici manifestare negligit [6.11.36](#)
- Traditio custodiæ causa facta, non transfert possessionem [9.26. & c.11. n.8. 59. & 69](#)
- Titulata possessio, nudæ possessionis antepositur [13.8.83](#)
- Temporis ratione, suspenditur interdum iurisdicctio [15.2.92](#)
- Terminus durantis instantiæ, litium abbreviandarum gratia introductus [17.14.111](#)
- V
- V**enditionis in contractu, numeratio pretii, rei venditæ traditionem præcedere debet [3. 34.24](#)
- Volent non sit iniuria, neque dolus [6.6.33](#)
- Vti possidetis interd. etiam ciuilitè tatum possidenti competit [9.17.58](#)
- Voluntate partium, in sequestrem ciuilis & naturalis possessio, transferri potest [9.20.58](#)
- Vno possidente, altero turbante, quæ iudicis partes sint [10.8.65](#)
- Vsufuctu, duobus in solidum relicto, possidebit quilibet pro dimidia [13. 28.85](#)
- Vbi periculum in mora, à regulis iuris communis recedere permissum est [11.10.94](#)
- Vbi res litigiosa sita est, ibi coguntur partes iudicium suscipere [16.17.105](#)

F I N I S









27.

